

**MY ENEMIES BECOME**

**FRIENDS**

**WRITTEN BY**

**DR KD MAZANI**

**+27 84 048 8648**

**TAMARI MURENGA**

**+263 71 276 8826**

**AND**

**PATIE**

**+27836691280**

**CHAPTER 1**

"Tapiwa,Tapiwa,Tapiwa"

Ndakacheuka kumashure ndichitarisa  
kuti ndiyani arikudana zita rangu, neizwi  
rainakidza kunzwa, imo muchakasara  
chesango mandainge ndiri.Ndakaona ari  
uno musikana munaku naku ainge  
anemhino refu kunge muBritish chaiye,  
kana ririvhudzi raiva rakareba  
zvekutokunda chero muswe webhiza.

Ndakaita zvekuyeverwa ndakamutarira

kudaro, asi pandakati ndimutaudze  
inzwi rangu rakaramba kubuda  
zvachose,ndakambozvibata bata pahuro  
ndichifunga kuti zvimwe inzwi rangu  
ringadzoka asi zvakashaya basa  
rakaramba kubuda.Panguva iyoyo  
musikana uyu akaramba achifamba  
kuswedera pedyo neni,akasvika akamira  
nechepamberi pangu ndobva asimudza  
ruoko rwake akatanga kuita kunge  
munhu arikubhabhaisa kumeso kwangu;

"Ko nhai Tapiwa, unogonyarara sei  
ndichikusheedza asi hausi kundiona  
here?"

Akadaro achinyemwerera,ndakaona  
mazino ake akachena kuti mbeembe  
kunge mazaya echando,ndakangoti  
nechemumoyo pamwe ndivo vayaya  
vanogeza mazino avo nemukaka.

Mazino ake ekumusoro ainge ainesaka  
raiva rakavhurika zvekuti chero ukaisa  
tsanga yechibage yaigona  
kukwana,raitaita kunge vende chairo asi  
zvaisaratidza kuti pakabva zino.

"Ko ndiwe ani nhai uye urimwana wepi,  
urikudei!!?"

Pandakataura mashoko aya ndaifunga  
kuti inzwi rangu haribudi sezvaranga  
raita pekutanga asi panguva iyoyo  
rakabuda ndobva ndaita zvekudanidzira  
chaiko.

"Ndinonzi Thelma,"

Akadaro achiringa ringa kuita kunge  
munhu arikutarisa kuti hapana  
arikutiona here.

"Urikudei pandiri Thelma uye watumwa nani,handikuzivi ini, mudunhu muno hamuna munhu akaita sewe?"

"Hongu ndinozviziva kuti haundizivi asi bvunza amai vako vanondiziva."

"Asi iwewe haundishuriri here,ko ndinogobvunza sei kuna amai vangu ivo vakafa kare kare."

Ndakanzwa hana yangu ichitanga kurova,mumaziso mukatanga kujenga

misodzi ndava kunzwa kuda kuchema  
chaiko nekuda kwekurangaridzwa amai  
vangu vaiva vakafa kare kare ndisati  
ndavakutomboziva kuti upenyu chii.

"Usachema Tapiwa wanzwa,ndiripano  
inini ndatouya kuzokuudza kuti  
ndinokuda nemoyo wangu wese"

"Haaa usandiona kunge fuza



wanzwa,unofunga kuti handizvioni here  
kuti mudunhu muno hapana anondida  
kubva zvasahaya vabereki vangu  
ndangova zindonga chaiye saka ndisiye  
zvangu ndiende kugomo kundonamata  
ndichitaura naMwari nekuti ndiye ega  
anondida."

Pandakapedza kutaura mashoko aya  
ndakakaruka ndabatwa ruoko  
nemusikana uya akandisweddedza pedyo  
naye ndobva aita kundimbundira  
akatanga kundikisa pamuromo  
wangu,ndakanzwa zvichinakidza  
ndakasekerera ndobva ndamubatawo  
ndakaita zvekumonera maoko angu  
muchiuo make.Ndainzwa kunakirwa

nekukiswa veduwe uye zvaiva zvinhu  
zvandainge ndisati ndamboita  
muupenyu hwangu hwese.

Ndakazovhundutswa nembwa  
dzaihukura panze, ndipo  
pandakapepuka kuhope kwandaiva  
ndichinyemwerera.Ndakaringa ringa  
mumba asi hapana munhu  
wandakaona,ndaingoona chete chaedza  
chaiva mumba ndakashaya kuti  
chabvepi ihwo huri usiku,imbwa dziya  
dzakabva dzamira  
kuhukura.Ndakasimudza musoro  
ndikatarisa kumusuwu ndikaona  
wakavhurika uye musuwu wacho

pasitorina zvachose.Ndakambozvirova  
rova ndichifunga kuti zvimwe  
ndichirikurota asi ndakazoona kuti  
hadzisi hope nguva yandakanzwa  
manzwi evanhu vechirume aitura  
panze.Ndakasimuka nekukasika hana  
yangu ichirova zvakaipa,pandakasvika  
pamusuwo ndakaona panze pakaita  
kuzara varume vamwe vakabata  
matemo vamwe mabhembamba,ndakada  
kudzokera mumba asi zvakashaya basa  
ndakanga ndaonekwa nechekare,  
ndakanzwa umwe wevarume ava  
achidanidzira;

"Amuka munhu uya varume, mushonga  
wataisa watadza kuseenza hapachina

zvimwe zvekuita kunze kwekumuuraya."

Kwekutizira chaiko ndakashaya nekuti  
varume vese vakabva vatoregedza  
zvavaiita ndobva vaita zvekundikomba  
chaiko asi handina kana umwe  
wandakaziva nekuti vainge vakazvivhara  
kumeso kwavo  
nemadhende. Rakangouya rino  
zihwitakwi rerume ndobva rangonditi  
dzvii muhuro zvinesimba.....

\_flash back\_

Rimwe zuva achitova manheru  
ndakabika sadza rangu,ndapedza  
ndakafunga kupakura rababa kuti  
ndivape but ndakazoonza kuti zuva  
rainge rava kutodoka ndisati ndapfigira  
zvipfuwo zvakababa vangu ndipo  
pandakasiya ndavhara mapoto  
ndikanotora zvipfuyo kumashanga  
kwazvaiva.

"Nxaaa mazimbudzi aya  
anobhowa,manje nekuwanda  
kwaaakaita ndinomagona here ndiri  
ndoga kudai."

Ndaitaura zvangu ndega ndichinetseka  
nekuisa mbudzi muchirugu  
madzo,misodzi yangu yakatanga  
kubuda ndavakutochema munongoziva  
kana uchiri mudiki pfungwa dzinenge  
dzichakati sarei, kanhu kadiki diki  
unogona kungochema.Neniwo  
ndaizvinyanya ndofunga ndainyanya  
kurererwa mutireyi ndichibatwa kunge  
zai pauduku hwangu ndakazotanga  
kuona kuipa kwazvo gore rainge rafa  
mai vangu. Ndofunga baba vangu  
vakandinzwa kuchema kwandaiita,  
ndakanzwa vava  
kundisheedza.Ndakasiya mbudzi dziya  
dziripanze ndikamhanya mumba maiva

nababa ndichida kundonzwa kuti  
varikudei;

"Gara apa mwana wangu."

Vaitaura izvi varipanhwo sezvo vainge  
varimurwere,ndakagara pachituro  
chavainge vanditendekera  
ndikazvipukuta kumeso kwangu ndaida  
vasaona kuti ndambenge ndichichema

"Ko urikuchemedzwa neiko panze apo?"

Ndichinyemwerera zvenhema; "Aiwa  
baba handisi kuchema ndanga  
ndichiimba zvangu"

Baba vakatendeudza musoro wavo  
ndobva vatarisa kwandainge  
ndakagara,ndakatarisa maziso avo  
ndokuona anyanya kuita machena  
chena hana yangu ichibva yatanga  
kurova.

Ndakasimuka pandainge ndakagara



ndikandopfugama pedyo navo  
ndikavabata pabendekete.

"Usatya zvako mwana wangu ndichiri  
mutano ini.....Ndakunzwa hangu  
uchichema panze apo, moyo wangu  
ukarwadza zvisingaiti ndikatanga  
kufunga kuti dai madzikoma ako ose  
varivapenyu kutaura kudai ingadai  
muchibatsirana mabasa"

Ndakafunga kuti zvimwe baba vangu asi  
dzadambuka kani ,ko madzikoma  
avaitaura aya ndeepi futi inini ndaiva  
ndakabarwa ndirizai regondo.

"Murikutii baba,madzikoma vamuri  
kutaure ndivanani?"

"Hatina kukuzvara uriwega mwana  
wangu,une madzikoma vashanu asi  
havirusipo vese panyika ino  
vakashaya.Panguva yakaitika zvese izvi  
taigara kuMhondoro pedyo nehama  
dzedu,takatsvaka chaitidyira vana vedu  
tikanzwa kuti ihama. Takazoronga  
kutama namai vako kubva kuMhondoro  
tikauya kuno Gokwe,takagara makore  
anokwana matanhatu tisina umwe

mwana nekuti taiva tatozviudza kuti  
hatichada kubara vamwe vana zvachose  
nekuda kwemarwadzo ekuzvarira  
muvhu.Mai vako vaitonwa mapiritsi  
ekuti vasaita pamuviri asi  
takazoshamiswa mugore rechinomwe  
tabva kuMhondoro maivako  
vachindiudza kuti vazvitakura.Nguva  
yakasvika ndobva wabarwa iwewe  
tikangokutumidza kuti Tapiwa nekuti  
takakupiwa naMwari tisina tarisiro  
yazvo.Taiva tisina tarisiro yekuti  
uchararama asi nhasi hona wavakutoita  
grade 7 ,mai vako pavakashaya vakasiya  
vandiudza kuti ndikuchengete asi  
neniwo handizivi kuti nguva yangu  
inokwana rini saka unofana kusara

uchimira semurume mwana  
wangu.Vachauya vavengi vachida  
kuzokurwisa kunyanya hama chaidzo  
dzikaziva kuti uri....."

Baba vakabva vangoti zii vachitaura  
kudaro apa maziso anga  
achibhenengurwa asisabwairi.

"Baba,baba,baba baaaba,yoweee  
amaiwe nhai Mwari mandifungireiko  
inini."

Ndakatanga kuchema veduwe kusvika  
mbabvu dzava kurwadza,ndakanyatso  
ona kuti baba vangu hapachina ndaiva  
ndangosara ndega.Ndakaona kuti chero  
inini wacho

ndichararamirei,ndakasimuka  
ndikamhanya kutsapi kwaigara  
mushonga wataiisa pamombe kuti  
dzisarumwa nezvishambe ndichida  
kunwa zvangu ndife ndivigwe pamwe  
nababa vangu.

Ndakatora rogo yacho ndikaidira

mukagaba ndikatanga kufamba  
kudzokera mumba manga mafira  
baba,nguva yandakasvika pamusuwo  
ndakanzwa inzwi kumashure kwangu.

"Tisvikewo pano apa"

Ndakacheuka ndikaona varimambo  
vanga vatosvika kuzoona baba  
semazuva ose.

"Chii chawakabata muruoko rwako  
Tapiwa heee,ko sei ndichinzwa kunhuwa

kwerogo pano?"

"Yoweee maiwe handina  
chandichararamira inini panyika pano  
baba vangu vafa Mambo amai kani  
ndosara na....."

Handina kuona kuti mambo vakasvika  
pandiri sei ndakangozokaruka  
ndabvutirwa mushonga uya.Veduwe  
ndakachema kusvika  
ndafenda,ndakatorwa ndikaendeswa  
kuhospital ndikandogara vhiki rose  
ndichirapwa, pandakazodzoka

ndakangozoratidzwa guva rababa vangu  
vatochengetwa ndisipo.Zvakatora  
makore kuti ndizvigamuchire,dzimwe  
nguva ndaitoenda kungochema  
ndiripaguva ravo shungu dzangu dzaiva  
dzekuda kuziva hama dzangu kuti  
dzirikuMhondoro kwacho kupi uye  
ndaisaziva kuti ndofamba sei kuti  
ndisvikeko.Ndakagara pamusha apa  
ndega ndisina kana hama zvayo  
yandaiziva,munhu 1 aitombopota  
achindifunga ndimambo vemudunhu  
redu vaimbopota vachindivigirawo  
chikafa saka upenyu hwangu hwaingova  
hwe hwaku mukwaku.



\_Back to my story\_

Ndainge ndichifunga zuva rakafa baba vangu nguva yandainge ndamirira kuurawa nevarume vainge vandikomba.Ndakambofunga kuti hadzidaro here dziri hama dzababa vangu dzavakafa vataura pamwe vauya kuzondiuraya hameno,ndikambofunga kuti zvimwe anenge machinda amambo sezvo vaindivengera kufarirwa namambo kwandaitwa.

Pandakadzvinwa huro ndakanga  
ndisisagone kana kufema zvakanaka  
ndaitonzwa kuti mweya wekufema pano  
handisisina,ndakaedza kuda kutaura  
ndichida kubvunza kuti ndimi vanani asi  
inzwi rakaramba kubuda.

"Mati ndomumonyorora here kana kuti  
toita wekugura musoro nebakatwa."

Raidaro zirume riya raiva rakandibata  
huro apa unzwe zinzwi racho raitotyisa

kurinzwa.

"Aiwa usamuraya hatidi ropa mumaoko  
edu,musungei netambo mumuvhare  
kumeso nemucheka uyu."

Ndakasungwa makumbo zvese  
nemaoko netambo ndobva ndaita  
zvekumonerwa kumeso nemucheka  
ndikasara ndisingachaoni kana  
chingu.Ndakatakurwa ndikafambiwa  
neni mufambo wakati rebei usiku  
ihwohwo apa ndaisaziva kuti  
ndirikuendeswa kupi.

Ndakasvika ndobva ndaita zvekurasirwa  
pasi kunge shamba,ndakarwadziwa  
hama dzangu asi wekuchemera ndipo  
painge pasina.Ndakarara pandainge  
ndarasirwa usiku ihwohwo  
ndichingochema asi ndakashaya  
akandiyamura,ndakazonzwa kurira  
kweshiri ndikaziva kuti kunze kwainge  
kwachena.Ndakamboedza nepese  
pandinogona napo kuti ndizvisunungure  
asi zvakashaya basa kusvika  
ndangozosiya nazvo ndikarara zvangu  
ndakadaro ndangomirira zuva  
rekufa.....

\*End of Chapter 1\*

[04/10, 10:00] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

## CHAPTER2

<https://chat.whatsapp.com/Glhr6sCA2U0VKHNMAXbIQ>

Thelma /Ruvheneko

Mukangondibata chete ndonoudza  
dunhu rose huipi hwenyu kuti mapedza  
vana vose vepachikoro pano muchivaita  
vakadzi, mweyayi chaizvo wakugarai

baba imi.? Munonatsa kundiziva  
zvakanaka here kana kuti munongoita  
manzwira,? zvino chingondigumhayi  
muone chete nxaaaa zirume rinazvo  
risinganyare mongomisa iro zidumbu  
ndizvo zvamandidanira muno here.?

Handina kudavirwa mibvunzo yese  
yandainge ndabvunza,rume  
raingozhinya rakamira pakona apa  
mudzipa huro wanga watobviswa  
pahembe nechekare.Hazvina kundimisa  
kupopota nekuti ndaiva ndavakutotyira  
upenyu hwangu, nyangwe dai ndaida  
kuridza mhere ndaigoridzira ani ipo  
panze panga pati nyungu kureva kuti  
vamwe vese vanga vamhanyidzana



kuenda kudzimba dzavo.

"Nxaaaaa hapana zvamunogomera apa  
makapedza hwenyu hupenyu munoda  
kunyangadza hwaani ndofunga ndiwo  
mapiritsi amunomwa sei musingakuri  
baba imi honai zera rangu nerenyu  
zvinopindirana papi?

Him: "Iwe chisikana wakuzondigumbura  
manje wataura zvakawanda

ndakakunyararira, ita tione zvinoita  
ndine zvakawanda zvekuita.Usafunga  
kuti zvauri mwana waMambo woda  
kutonga nepano pachikoro, pano panoti  
ini ndini nditori Mambo wepano wanzwa  
kaa, vadzidzisi vese hapana anoti pwee  
ndikataura kozoti iwe musvika zuro  
uriani nhai?Bvisa skirt yako nekukasika  
usade kuita seuzingazvizive apa nhasi  
ndoda kukunzwisa zvausati wanzwa  
mfana,ndinonzi Muchekakwese ini kana  
wanga usati waziva rimwe zita rangu."

Headmaster ava waitondishura

chokwadi vakabva vafamba vachiuya  
kwandaive ndiri ndakatangawo  
kutenderera netable yaiva muoffice  
mavo ndichitiza kuti vasandibata.

Pavakandivharira mativi ose ndakasara  
ndave pa mhene chaipo, hana yangu  
yakatanga kurova nekuti ndakaziva kuti  
pangu pandiperera ndava kutoitwa  
nyama yemagora.

Pavakada kundi haka nemazioko avo  
ndakangovafuridzira mumaziso avo  
ndikanzwa rume robowa kunge mombe  
irikuurawa.Ndakatora makey emusuwo

nekukasika ndikabudamo chimbi-chimbi  
kuitira pasava

neanondiona,munongovaziva vanhu imi  
kana votaura vanozotaura nepasipo voti  
takamuona Thelma achibuda muoffice  
mahead zuva rodoka zvaizobuda here  
apa ndirimwana wechikoro.Handina  
kuzombomira pachikoro apa  
ndakangonanga kumba munzira mose  
ndainetseka ndichizvibvunza kuti; \_Saka  
zvandafuridzira headmaster  
hachakwanisa kuona zvachose here?\_  
Ndakambozvituka kuti ndaive  
ndazviitireyi asi ndaizoti ndikarangarira  
vana vechikoro vavakamanikidza kurara  
navo ndaibva ndanzwa kufara ndichiti  
ndavagona nekuti vaiva nehutsinye,

kubva riini ndichingonzwa hunhu hwavo  
asi kana zvinhu zvisati zvakuwira  
unenge uchingoti inhema.

Vazhinji mungade kuziva kuti  
headmaster ndaive ndavaita sei kuti  
vaite bofu eheka tokuzivai vamwe  
mungazofamba muchifuridza vanhu  
muchiti vanoita mapofu, imika itai  
mushe

Chinzwaika.....; ndichikura  
ndakangokura ndiri mwana akanyarara  
ndisina nguva yekutaura kana kutukana

nemunhu vaindiona vaiti ndinodada  
nekuti ndiri mwana waMambo. Asi  
aitova manyepo zvawo ndaitove  
nezvaindinetsa kubva ndichikura, chero  
kumahumbwe kwandaitamba nevamwe  
kwaitika zvinhu zvisinganzwisike  
dzimwe nguva ndaigona kutiza vamwe  
ndondotamba ndega zvinhu izvi  
zvainetsa vanhu vazhinji vakaona kukura  
kwangu. Ndakazoudzwa nekufamba  
kwenguva ndati kurei kuti ndaive  
nechipo chandaiva ndakazvarwa nacho  
ndakafumbata mumaoko angu. Chipa  
ichi chaikura zvichienderana  
nekukurawo kwandaita, musazoti huroyi  
ndapota hanga tangai manzwa  
kunoenda nyaya .

Munhu akatanga kuziva chipo changu  
ichi ndibaba vangu (Mambo) ndobva  
vatonditumidza rimwe zita rekuti  
Ruvheneko asi ini ndaisarifarira hangu  
ndaيدا rangu Thelma rinodanwa chero  
nemunhu asina mazino.Nguva zhinji  
baba vaitondidana kumatara avo nekuti  
ndaionesva zvakawanda kunyangwe  
zvisingaonekwi nemaziso enyama asi  
inini ndaizviona.

Izvi zvakakonzera kuti ndivengwe  
mudunhu redu nenyaya yekuti  
ndaisashaikwa pose panotonga mambo

kana irinyaya yekutonga dzimhosva  
ndaitokunda chero vanasoro jena, chero  
vaya vaiti kana vaiparamura mhosva  
voedza kuenda kun'anga kuda  
kuzvichenesa mazita avo vaingoti  
vasvika chete pandiri vaikotama  
votozopedzisira vadura nezvimwe  
zvavakaita makare kare ndisati  
ndazvarwa

Ndaive musikana akanaka uye chimiro  
changu chakasiyana nerwudzi rwedu  
rwechitema chero mhino yangu yaiita  
kunge isiri yechibhoyi nekuti yainge  
yakamira kuti twii kuita munongedzo  
chaiwo. Pandaifamba pese hakuna  
mukomana aimira kuda kuedza



kundipfima anenge akamira saani  
anopfimba mwanasikana wamambo  
ndofunga ndaityisa hameno. † ♂

Mai vangu zvaivanetsa kuti ndikakura  
ndakadaro ndaizowanikwa nani asi ini  
ndaitozvida, munongoziva kuti vanamai  
vakatoona mwanasikana aputudza  
vanenge vachitova neshungu dzekuda  
kuziva kuti wava naye mukomana here  
asi inini zvekuita mukomana hazvina  
kumbogara zvauya mupfungwa dzangu.

\_\*Back to my story\*\_

Mazuva akafamba kubva musi  
wandakapofomadza naheadmaster  
handina kumbozodzokera kuchikoro  
sezvo zuva ravakada kundibata chibharo  
raiva rekuvharwa kwezvikoro saka  
ndaizoenda kundodini hangu. Hameno  
kuti nyaya yavo yekuti vapofomadzwa  
nechavasina kuziva yakasvika munzeve  
dzaMambo sei nekuti ini handina  
wandainge ndataurira. Zvino Mambo  
nekuziva kuti mwanasika wavo anogona  
zvose vakatumira machinda avo  
kunotora headmaster wedu  
ndokukokorodza dunhu rose kuti  
mukuru uyu awane rubatsiro.

Nyaya yakataurwa kubva zuva richibuda  
kusvika ronovanda muna maivaro asi  
painge pasina chabuda,vashoperi vese  
nen'anga dzemudunhu vakamboedza  
kukanda hakata pasi asi hapana kana  
umwe akaziva chaiva chapofomadza  
Muchekakwese.

Ini ndaive ndakagara munhanga mangu  
hangu asi ndichinzwa zvose zvaitaurwa  
kudare ramambo ndipo  
pandakazonzwa imwe n'anga huru  
yedunhu ndiyo yakazotaura ikati.

"Ko mazvinetsereiko kutsvaga muroyi  
nepasina baba ava vanoziva zvavakaita  
kana voda kuona ngavakumbire  
ruregerero kune mwanasikana  
waMambo"

Vanhu vose vakaita mahon'era  
kuratidza kushamisika nazvo,pakabva  
patumwa machinda amambo  
kuzonditora munhanga mandaiva apa

hapana aiziva kana kufungira kuti zvose  
zvavaitaura ndaizvinzwa kunganwe  
ndaisavapo padare pachu. Ndaifamba  
ndichiimba nziyo yandaiti kana ndaimba  
chaunga chose chaisa runyararo  
zvekuti chero nhunzi chaidzo  
dzaitombomira kufamba. Ndakasvika  
pachita chevarume ndikakotamisa huso  
hwangu pamberi paMambo nen'anga  
yavo.

Headmaster akanzi ataure zvose  
zvaakaita vanhu vachinzwa; akatanga  
kutura kuti; "vanasikana avapedza

nekuvaita vakadzi." Vamwe vabereki  
vaiziva kuti vane vanasikana vaidzidza  
pachikoro apa vakabva vada kurova  
head asi vaimiswa nemachinda  
amambo.

Pavakazondinakidza ndepavakati;  
"Thelma ndaitoda zvekumuroora asi  
haataurike naye zvekumhanya ndosaka  
ndakafunga kumubata chibaro, dai  
ndakangomuhwina chete kutaura kudai  
ndiinaye"

Ndakanzwa kufara panguva iyoyo  
nekuti chokwadi chandaيدا chakabuda  
pachena.

Pakapedza Muchekakwese kutaura  
mhosva dzake Mambo vakabva vati;  
"headmaster anofanira kusungwa"

"Hongu mambo wangu kusungwa  
ndinobvuma asi ndokumbirawo  
kuoneswa"

Akadaro head akarereka musoro  
zvaautosiririsa,unombozoti ndiye uya  
here aingwara ngwara arimu office  
make achida kudya zvaasina  
kurima.Ndakabva ndamufuridza maziso  
ake akatanga kuona. Kubva pachiitiko  
ichi vakomana vese vakanga voti

vakandiona munzira vaimhanya kutiza  
chaiko kuita sevachatyoka makumbo  
ndaifa zvangu nekuseka nemiwo  
imbopafungai kutizwa nemunhu  
wausina kudzingirira.

Mazuva akafamba pasina mumwe  
munhu ambopara mhosva ndofunga  
vainge votya,mumwe musiri ndainge  
ndakatoneta kunze kwaipisa zvekuti  
kana ukange uine mhanza  
seyaVharazipi rikakurova panhongonya  
waigona kufenda.Ndakatora bonde  
rangu ndikandorara hangu pasi



pemushuku waiva pamba pedu,jope  
dzakakasika kunditora semunhu anga  
arukurukutika nezuva,ndakabva  
ndatanga kurota;

"Thelma mhani usadaro hona zvauri  
kuita topedzisira taita zvisiri izvo."

Ini: Mira kani Tapiwa ndirikuda kubvisa  
kapundu kari kumusana kwako.

"Bvisa hako asi usandichekenyedza

kana kundibata apa pawanga uchibata"

Nguva yandakada kumubvisa kapundu kacho ndakabva ndapepuka hana yangu yakarova kuti mukomana wandairota ndichimubata bata aive aniko. Hope idzi ndaidzirota zuva nezuva asi handina wandaiudza apa kutsvota kwazvo ndairota munhu wandisingazi asi kuhope ikoko ndaimusheedza kuti Tapiwa.

Handina kuda kuzorara ndakaramba  
zvangu ndigere pamushuku apa ndobva  
ndatanga kufunga zvose zvaitika  
muupenyu hwangu ndakabata rushaya;

\_Ko izvi zvose zvandinoita zvinosvikepi  
nhai?vamwe vanhu vangara  
vachikatyamadzwa vamwe kutonditya  
chaiko nekuda kwazvandinoita  
vamwewo ndivo vanoti kunyepa saka  
ndichasvika rini zvichidai kurarama  
ndisina anondida kana shamwari  
zvayo.\_

\_Kunyangwe zvazvo Mambo vaive  
vakaudzwa kuti muchabara mwana  
musikana anenge ane chipo asi  
achityiwa nedunhu rose nekuda kwezviri  
pandiri. Asi ndoona sekuti nditori  
musununguri wevanhu nekuti  
kuberekwa kwangu kwakasandura  
zvinhu zvakawanda maNembudziya  
muno nekuti maive nekushereketa  
kwakanyanya zvaitozivikanwa  
Zimbabwe yese. Zvino zvandiri kudai  
kufumura chero varoyi vazhinji vamwe  
vakandorasa magona avo ndoona sekuti  
ndizvo zvimwe zvinokonzera kuti  
vazhinji vandivenge ini.\_

\_Mumasango anoyera ndini ndoga

ndinopinda ndisina kana  
matyira,dzimwe nguva vabereki vangu  
ndivo vanobatira ura mumaoko kana  
mhandara yavo yapinda mumasango  
anoyera chero murima rakadii  
ndnoifamba.Vavengi vanomboronga  
kuda kundipfuudza vachindigaririra.  
munzira dzangu asi ndinobva ndazviona  
ndichiri kure ndongosimudza  
chamupupuri zvokuti munhu wese  
anotadza kuona, pachinozodzikama  
ndinenge ndaenda kare ummm zvinhu  
zvacho chero neni handichanzwisisi kuti  
zvichasvikepi ini, kureva here kuti.....\_

Ndakazogurwa ndangariro dzangu

nguva yakasvika mai vangu nababa  
vachibva kumusangano kwavanga  
vamukira kuenda  
makuseni.Ndakangokwazisana navo  
ndobva ndaenda zvangu munhanga  
mangu semunhu aisada vanhu  
vakawanda chero chikafu chaingouya  
ndiri mumba mangu.Handina kana basa  
randaiita kungava kubika kana kuenda  
kumunda ndaisatoziva kuti badza chairo  
rinoshandiswa sei.

Rimwe zuva ndakafunga kubvunza mai

vangu maererano nehope dzandairota  
nekuti zvaive zvanyanya.

Ini: Mhamha ndine hope dzinondinetsa  
zuva nezuva asi kana ndichirota zvoita  
sezvinhu zvirikuitika hope idzi  
dzakasiyana nehope dzamunoziva.

Mai: hope dzomboita musiyano wakaita  
seiko nhai Ruvhe usada kundinakidza  
iwe ndakakuudza nyaya yako yekuvata  
zuva rakacheka nyika chiona manje  
wakurota hope dzisiri hope manje

Ndaiita kusvotwa chaiko kana mai  
vangu vachindisheedza kuti Ruvhe  
vachitadza kungonditi Thelma.

Ndakatoona kuti mai vangu hapana  
chavaimbonzwisisa pamusoro pahope  
idzi ndikasiyana nazvo asi mumoyo  
mangu zvaindinetsa ndichishaya kuti  
zvinoreveiko uye Tapiwa wacho ndiyani.

Manheru emusi iwoyo wandakabvunza



mai vangu zvehope. ndakarota futi  
mukomana uya ndichimuona ari  
musango raityisa. Ndisati ndataura naye  
pakabva pasvika vamwe mai asi  
handina kuona kwavakabva nako  
ndakangoona vatomira pamberi pangu.

"Iweeee Ruvheneko"

Ndakavhunduka ndirikuhope kudaro  
nekuti zita rekuti Ruvheneko  
raisazivikanwa nevazhinji kunze kwamai,  
nababa vangu nemachinda aMambo.

Ini: Ndimi ani imi uye mabva nepi?

"Ndinonzi Shuvai ndini mai  
vemukomana uyu akasungwa."

Ini: Saka ndimi here mamusunga kudai  
sei muchishungurudza mwana wenyu?

"Kwete, ndinotodawo rubatsiro rwako  
ndapota sunungura mwana wangu  
upenyu hwake hwese hurimumaoko  
ako."

Ndakatarisa mukomana aiva akarara  
pasi ndokuona

kumeso kwake kwakamonerwa  
mucheka mutsvuku waiita kunge  
wemashavi,maoko nemakumbo zvole  
zvainge zvakasungwa apa achiita  
kuzarirwa nekufema kunge munhu oda  
kufa.

"Asi inini handigoni kusinungura  
mazitambo aya mai"

Ndakataura mashoko aya ndakatarisa  
Tapiwa panguva yacho ndakatarisira  
mhinduro kubva kuna mai vake asi

handina kupindurwa,ndakasimudza  
musoro kuti nditarise pavanga vakamira  
wanike apachina munhu asi ndakazoona  
pane bakatwa.Ndakatora bakatwa riya  
ndobva ndakwanisa kucheka tambo  
yemumaoko neyemakumbo,nguva  
yandakada kuti ndisinungure kumeso  
ndakabva ndapepuka apa dikita rakati  
chakwata muviri wese apa ndichifemera  
mudenga kunge munhu  
azarirwa.....

End of chapter 2

M&PP love you all

[04/10, 10:00] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

## \*CHAPTER\* 3

<https://chat.whatsapp.com/Glhr6sCA2U0VKHNMAXblQ>

"Chiradza imbosvika pano ndimbokurume nzeve, pane zvandafunga zvandiri kuda kuti tikurukure pano zviri kundiremera. Mukati memoyo wangu handina kunyatsogadzikana nekuda

kwezviri kundinetsa"

"Nhai Mambo wangu mukataura zvekuti pane zviri kukunetsai tinodzoka totya kaa. Nekuti ndinoziva muri munhu asingapererwe zvekumhanya inga imimi ndimi chipanga mazano chedu wani, zvino zvazvinoda kudaro pamuti munyoro ko kuzoti pane wakaoma.Zvisinei hazvo ndavakutongoseenzesa shumo yevakuru yekuti kutsva kwendebvu varume vanodzimirana saka taurai



henyu Mambo wangu ndakateerera  
pamwe ndinogona kukubatsirai.  
Ndinoziva munovimba neni ndosaka  
masarudza kundiudza zviri kukunetsai,  
takabatsirana mune zvakawanda  
handifunge kuti apa ndingatadze  
sunungukai henyu"

Ndakadaro ndichikotamisa uso hwangu  
pamberi pavo ndobva ndabvugama pasi  
negumbo rimwe.

"Nyaya iri kugara ichindishungura siku  
nesikati yakaoma handizive unoiona sei,  
tarisa ini ndakura handina kure  
kwandichasvika ndichiri mupenyu  
ndinogona kungomuka ndakaomera  
mumba.Zvamunoziva mese kuti ini  
handina mwana mukomana wekuti  
ndingasiire humambo Mwari  
vakandiseka vakasandipa mudyi  
wenhaka. Nguva yese iyi ndaive ndiri  
kupishana nepfungwa kuti ko ndikatora  
hangu Tapiwa uyu ndomuita mwana  
wangu kana ndichinge ndazofa osara  
achigara nhaka. Ndinoona sekuti  
mwana akanaka netsika dzisina ani nani  
zvake mudunhu muno. Tarisa uone  
kubva pakashaika baba vake hapana

chandakambonzwa vanhu vachitaura  
kuti azoita zvakaipa, nguva zhinji  
pandinoenda kumba kwake ndinotoita  
kunge ndakagara nemwana wangu.  
Saka ndanga ndiri kufunga kutaura  
naye,hanzi zano pangwa uine rako  
hameno rangu iri kuti unoriona sei? "

Ndini zvangu Chiradza ndainge ndiri  
kukurukura na mambo wangu uyu  
vandaive ndane nguva ndiri mukuru  
vemachinda ake. Mashoko avakataura  
akauya sechibhakera mukati memoyo

wangu. Ndaisambofungira kuti Mambo  
vangafunge kuita zvinhu zvakadaro ini  
ndaive ndabva nawo kure nguva yese  
ndaitofungira kuti pamwe vachasiira ini  
tsvimbo sezvo paive pasina  
chavaisandiudza pazvese zvepadunhu  
apa vachiratidza kuti vaivimba neni.  
saka mashoko akataurwa handina  
kunge ndakamatarisira kubva kwavari.

Ndakatanga kushandira mambo ndichiri  
mudiki ndisati ndane ruzivo

rwakanyanya pane zvehumambo asi  
nekufamba kwaiita mazuva nemakore  
ndakapedzisira ndavakuziva zvese  
kusvika ndazoitwa mukuru vemachinda  
amambo Mujinga. Izvo zvandaigara  
ndichishuvira muhupe hwangu, handina  
zuva randakambofunga kuita zvakaipa  
kana kuita zvemusoro wangu.

Ndaitedzera zvese zvandinenge ndanzi  
ndiite ndizvo zvakapa kuti mambo  
vandiudze zvese zvinenge zvavanetsa  
nedzimwe nyaya dzavanenge vachida  
kuti dzisazivikanwa nevanhu hapana  
chandaisaziva pamusoro pavo asi  
hapana zuva randakazvitaure kune  
vanhu sekuvimbisa kwandaive  
ndakavaita. Ndaiedza nepese

pandinogona napo kuzvininipisa  
pamberi pavo nekuti ndaida kugara  
ndichiita zvinovafadza ndichifunga kuti  
nerimwe zuva vachazondiudza kuti  
vaizondisiira humambo hwavo sezvo  
vaive vasina mwana mukomana.

Pandakaudzwa namambo kuti vaive  
vafunga kutora Tapiwa semwana wavo  
ndakapererwa nezve kutaura panguva

yacho ndakambotora nguva  
ndakavatarisa nekuti ndainyatsonzwa  
kuti ndikataura ndinogona kushaisha  
kutura nekuti vaive vandirwadzisa  
kusvika pamoyo chapo. Nezvese  
zvandaivaitira vaisafanira kudaro  
dzimwe nguva ndaitomira mira  
kuvavharira nyaya dzavo dzimwe  
dzavanenge vadvinyirira vanhu  
pakutonga asi apa vakange vavakutoda  
kundirasisa zvavo. Ndakatoona kuti  
vaive vasina mugoni ndakange  
ndichizvinyepera kuti nekufamba  
kwenguva vachatarisa zvese zvakanaka  
zvandaivaitira vondisiira huMambo  
nekuti hapana chandakange  
ndisisagone. Ndakada kumborega

kuvapindura asi ndakazokasira kufunga  
kuti havafanirwe kuzviona kuti  
ndabatikana ndipo pandakazoti;

"Ini sekuona kwangu Mambo wangu,  
zvamataura zvakanaka chose. Asi  
zvamunoziva mwana uyu wakaita  
zvekubva kudunhu rekwavo  
kwatisingazive vakauya kuzogara kuno  
vaisava vemudunhu rino.Uye  
mukanyanya kutarisa sei  
patakavagamuchira munu pasina kutora  
nguva vabereki vaTapiwa vakabva vafa



uye kubva pakuchengeta kwatakaita mai vacho nababa vacho hapana kana hama yavo imwe zvayo yakauya. Hongu kuna mai takazvinzwisisa nekuti takaudzwa kuti ainge asingazive hama dzake sezvo akakura achichengetwa kunherera ko dzababa vacho kee.? Saka ndanga ndafunga kuti nditsvage vanhu vanokwanisa kutsvagurudza nezvavo kana tichinge tavakunyatsoziva zvizere munomutora henyu asi musawana wamunoudza nekuti zvinogona kuzoenda nepamwe."

Ndakataura ndichiedza kuzvidzora hashu dzandaive nadzo nekuti

ndakatoona kuti hapana imwe nzira  
yandingavamise nayo kuita zvavainge  
vari kufunga ndaiziva kuti ndikasadaro  
zuva raigona kutodoka zvatozara  
vaisanonoka kuita zvinhu zvavo  
zvavanenge vafunga.

"Asi handione chakaipa paari zvangu  
tagara nguva yakareba nayo mudunhu  
rino nhasi ndipo patinozoita  
zvekutsvagana nezvinhu zvakare here  
nhai Chiradza.Kutaura kudai ini handisi

kukwanisa kugadzikana nekuda kwe  
izvozvo saka tofana kuzviita nekukasika  
nekuti zuva rekufa haritaure,saka  
ndinofana kuzofa dunhu rose  
ravakuziva"

Mambo Majinga vakatotaura zvavo  
vachisekerera izvo zvakapa kuti  
nditovedzere kurwadziwa.

"Ini handione zvichiita hanzi kumhanya

hakusi kusvika regai nditange  
ndamboita tsvagurudzo dzangu.  
Makanganwa mazuva aye zvakazoitika  
here mukapedzisira movengana  
naMambo Nembudziya nenyaya yenyu  
yekuda kungoita zvinhu musati mavane  
ruzivo rwakakwana ndipei nguva inga  
munondiziva kuti handidi kuti pazoitika  
chakaipa kwamuri"

Ndakatombonzwa kusununguka nekuti  
apa aive aratidza kunzwisisa asi kuti  
ndaizoita sei kuti zvinhu zvacho  
zvizoenda nepamwe ndizvo zvaive  
zvasara.

Handina kuda kuzoramba ndiri paanga  
ari Mambo ndakabva ndatobuda  
ndikanogara kwandaiwanzo enda kana  
ndiri kuda kuva pangu ndega.

Ndakamboedza kufunga kuti ndoita sei  
kuti Tapiwa asapihwe huMambo  
hwandaيدا ini asi ndakashaya  
ndakatomboopererwa. Ndakaita mazuva  
ndichiedza kufunga kuti ndoita sei asi  
zvaibva zvaita kunge nepfungwa dzacho  
dzisisa shande. Zvakapa kuti ndigare

ndakanyarara ndisina vandinotaura  
naye,ndaiti ndikabvunzwa nevamwe  
vangu dzimwe nguva ndaibva ndati ndiri  
kurwara.

Ndakazoona rimwe jinda raMambo  
rainzi Staben ndiye ainditeedzera  
pahukuru tainyatsowirirana asi zvimwe  
zvinhu ndaisamuudza zvaitika kana  
zvekuti Tapiwa aida kutorwa ndakange  
ndisina kumuudza. Chakandishamisa  
akasvika achiratidza kusuruvara pachiso

chake izvo zvaisa gara achiita mazuva  
mazhinji aive munhu aigara  
achifara,kana pandaifunga nhamo  
dzangu aimboedza kuda kufara neni  
akapedzisira atosiyana nazvo,  
akangosvika nekutopaumba asika kama  
nekundikwazisa;

"Saka nguva yese iyi ndosaka wanga uri  
kugara wakanyarara hako nekuti waiziva  
zviri kuda kuitwa naMambo. Nhasi  
ndaenda kunomubvunza ndaisafungira

kuti angadaro ini kuda kutora mubva  
kure watisingazive kuda kumuita  
Mambo panzvimbo yekutora mwana  
vemuno. Chokwadi izvi zvinopa kuti  
dunhu riparare dai tatafunga zvekuita  
kuti tisatorerwe humambo hwedu  
nezviuya izvo vaisava vemuno ava"

Akadero Staben achiratidza kurwadziwa  
ndakatoona kuti saka ndaisava ndega  
munhu airwadziwa nezvaive zvataurwa  
Mambo.



Chakandinetsa kuti iye sei  
anyanyorwadziwa nezvazvo  
ndikambozvibvunza kuti asi aive ari  
kuda kuita mambo here nekuti aigara  
akataura nezvazvo nguva dzese  
dzandaiwanzo taura naye. Asi  
ndakapedzisira ndatoona kuti  
zvekuswero tsvaga zvakawanda hapana  
zvazvaibatsira asi kutaaurirana kuti  
zvisaitike izvozvo. Ndakamuudza  
zvandaifunga nekuti ndaisafara nazvo  
asi ndaishaya kuti ndoitasei.

"Saka wanga wafunga kuti tizviitase nhai Staben?"

Ndakamubvunza kudaro nekuti inini ndaiva ndatopererwa saka ndaidawo kunzwa pfungwa dzake.

"Ini sekuona kwangu ndoona kuti kutopfuudza kamwana aka ndizvo zvingatotibatsire hapana imwe nzira nekuti zvirikuratidza kuti Mambo havasi kudzoka kumashure nenyaya yavo. Asi

hatifanire kubata ropa isu tinotsvaga  
nzira kana kuenda kune imwe n'anga  
inogona kundipa mushonga vekuti  
munhu akaufemedza haazomuke  
zvikaramba totsivaga nzira  
yatingashandise kukaparadza"

Mashoko akandikatyamadza akataurwa  
na staben asi kuti ndirambirane nazvo  
zvakandirambira nekuti paive pasina  
imwe nzira yekuti ndingashandise kuti  
humambo hwandaida hutorwe  
ndakatarisa ini nguva yese ndaive  
ndakatarisira.

Takazobva paye tataurirana zvekuita,  
mumoyo mangu makange matove  
nemufaro ndaive ndakutoona ndatove  
Mambo munguva pfupi inotevere nekuti  
ukanzwa munhu mukuru ototanga  
kuraira nhaka zvinoreva kuti mazuva ake  
ekufa anenge oswedera. Musi uyu  
ndakabva ndatove neimwe pfungwa  
yandaisafungirira muhupenyu hwangu  
pamusoro paMambo nekuti vaive  
vandiratidza kuti ini zvese zvandaivaitira  
vaisazviona asi ka Tapiwa kasina  
chavakambova batsirwa nacho ndiye  
aionekwa semunhu nxaaaa vaitoona

kunge takapusa nhai.

Nguva yaiita staben nezve n'anga yake  
ini ndaitoparadza hupfumi hwana  
Tapiwa zvishoma ne zvishoma izvo  
zvisina ani nani aizviona. Uku mambo  
vaiti vakandibvunza kuti ndapapi  
nenyaya dzangu ndaibva ndatonyepa  
kut ndavakuda kutopedza kuita  
tsvagurudzo dzangu vasiri kuziva kuti

ndaitoronga kuparadza pavaive  
vakatarisira.

Takazotaimira chikomana chakarara  
rimwe zuva ndipo pandaive ndavimbisa  
mambo kuti kwangosara mazuva  
matatu apere ndaiziva kuti kupera  
kwemazuva matatu iwayo panenge  
pasisina munhu. Musi uyu mambo  
ndakavaudza kuti ndavakutoenda

kumusha kwemukomana kunozvionera  
ndaizodzoka mazuva matatu adarika  
ndane mhinduro yakazara vozoudza  
vanhu. Ndaive ini na Staben  
nevakomana vataive tarongana nawo  
izvi ndakaitira kuti pasazove  
neanonyumwa vakomana vataive navo  
ndaiziva kuti vaisataura kuna mambo .

Takatanga nekushandisa mushonga  
wemvura yakagezeswa munhu akafa  
tichisvika pamusha paTapiwa, umwe

takapa imbwa dzake dzose  
dzikafa,umwe tikamuisa muimba yake  
yaanorara.Takatanga kutora zvipfuyo  
zvake tichizviunganidza panhu pamwe.

Tirimubishi kudaro takazoonza kamunhu  
kamira pamusiwo kachiratidza  
kuvhiringika,zvakashamisa munhu wese  
nekuti taiva taudzwa kuti mushonga uyu  
tikauisa mumba mune munhu akarara  
haamuke chero ukada kumusimudza  
ukaita zvose zvaunoda naye haafi  
akamuka.

Hatina kuda kuperera ipapo takabva



tamusunga zvekuti aisakwanisa  
kusunungura pataive takasunga takaita  
zvimwe zvakange zvataurwa nen'anga  
ya Staben tikaenda kunomukanda kure  
nemusha raitove sango raityisa richiera  
zvekuti taiziva kuti aizofa chete nenzara  
kana kudyiwa nezvikara zvesango  
hapana aizokwanisa kumubatsira ipapo.  
Sango ratakandorasira Tapiwa  
yainzvimbo yaisasvika vanhu nekuti  
kwaiera,isusu takaenda nekuti taiva  
nemushonga wataishandisa.

Ndichibva ipapo ndainzwa kufara kuti  
zva Tapiwa ndaiwe ndatopedza nazvo  
chaiwe chasara ndezvandaida kuita  
kana ndasvika kumuzinda ndaiziva kuti  
zvaisazondinetsa zvese zvandaive  
ndaronga nekuti hapana chandaisaziva  
pamuzinda apa. Hatina kudzokera musi  
wacho takapedza mazuva matatu aye  
ataive tataura tisina kudzokera  
kumuzinda vamambo tikadzokera zuva  
rataive tataura kuti taizodzoka asi  
zvatakazosvika tichiona  
zvakanishamisa

\*End of chapter 3\*

\*Team # Patie,Tamari&Doc\*

\*Loves you\*

[04/10, 10:00] +27 61 092 1330: \_\*MY

ENEMIES BECOME FRIENDS\*\_    †    ♂

†    ♂                    ♂                    ♂                    ♂

†    ♂

**\_\*WRITTEN BY\*\_**

**DR KD MAZANI**

**+27 84 048 8648**

**TAMARI MURENGA**

**+263 71 276 8826**

**AND**

PATIE

+27836691280

\*CHAPTER\* 4

<https://chat.whatsapp.com/Glhr6sCA2U0VKHNMAXblQ>

\*Tapiwa\*

Ndiri munhu aifarira kunamata nguva  
zhinji chero zvekutsanya ndaizvigona,  
dzimwe nguva ndaitoita zvekundorara  
mugomo ndichinamata nekuti ndiyo  
chete nhaka yandaiva ndakasiirwa  
namai vangu.

Ndinorangarira pavaiva vachirivapenyu,  
ndaiva mudiki zvangu asi nguva zhinji  
vainditora toenda tese kugomo  
tichindonamata,taiti tasvika ikoko vaibva  
vandiudza kuti ndozvaunofanira kugara  
uchiita mwana wangu nguva dzose,  
ndainge ndakarovedzwa nzira kwayo  
yekufamba nayo saka zvekunamata  
hazvina kuzogara zvabuda mandiri.

Asizve dzimwe nguva miyedzo ndiyo  
inotipedza simba pakunyengerera,  
kusvika kana pakushaya zano  
wopedzisira watuka Mwari wacho

kunyanya kana upenyu hwanatsa  
kukuuomera sezvandanga ndaita ini.

Ndirikutura izvi nekuti zvakaitika  
pandiri nguva yandakasiwa  
ndakasungwa musango, ipapo handidi  
kunyepa hama dzangu ndakatadza kana  
kushama muromo kuti ndinamate nekuti  
ndainge ndisingachanzwisisi ndikatanga  
kuzvibvunza momoyo mangu kuti;

\_koMwari wacho haandipiwo rugare  
nei? pfuma yandakasiirwa nababa  
yaingotsakatika zvishoma nezvishoma  
ndichingonamata kuna Mwari kuti chero



pfuma ikapera hazvina hazvo mhaka asi  
chengetedzaiwo mweya wangu.\_

Ndaigara ndichikumbira mazuva  
ekurarama kuna Mwari nekuti shuviro  
yangu yaiva yekuzoda kufa kana  
ndazvarawo vana vakawanda kutsiva  
madzikoma angu andaiva ndakanzwa  
kuti vese vakashaya.Kana muri  
mudunhu ndaisadiwa nemunhu wese  
asi ndaingovimba naMwari zvakadaro  
uye ndiine tarisiro yekuti rimwe  
remakore anotevera  
ndichazomuwanawo mukadzi  
wekuroora.

Zvino apa ndaive ndatopererwawo ini  
ndikatombofunga kuti zvimwe Mwari  
wacho haako ndikatoona kuti kufa  
kwangu kunenge kurinane.Chinhu  
chaiva chotonyanya kundiurwadza apa  
kusiiwa kwandakaitwa ndiri mupenyu  
nevanhu vandaisaziva asi  
ndaingofungira hangu kuti pamwe  
ihama dzangu dzaiva dzakatizwa  
nevabereki vangu kuMhondoro.Dai  
vakandiuraya zvaitova senane ndaienda  
kuna mai nababa ndonozorora ndosiya  
zvenyika zvekurarama ndichigara  
misodzi iripamatama misi nenguva.

Muupenyu hwangu ndaishuvira  
kusekawo nevamwe asi wekuseka naye  
ndaimushaya,dzimwe nguva ndaisekera  
kuhope kana ndarota musikana uya  
aizviti Thelma, kana kuti kuseka  
nembwa dzangu manje zvadzanga  
dzaurawa ndaizodini     †     ♂

Ndakatanga kuchema zvaiva neruzha  
ndichiti mhuka dzesango dzindinzwe  
dziuye dzindidye, nekuti ndainatsa  
kunzwa kuti ndirimusango chaimo  
nekuda kwekunzwa kwandaiita mhuka  
dzichibhon'a.

Ndakatanga kunzwa kubhon'a  
kweshumba uye yairatidza kuti inenge  
yaiva pedyo neni,yaiti painobhon'a  
neniwo ndaibva ndabhon'a  
ndichiitevedzera, chandaida chete  
ndechekuti itsamwe iuye indidye zvese  
nemapfupa pasawana kana anozoona  
mutumbi wangu.Ndakanzwa kufamba  
kwayo ndikaziva kuti yava  
pedyo,yakasvika pandaiva ikabva  
yatanga kundifembedza muviri  
wose.Ndaiva ndatononokerwa nekufa  
ndipo pandakati regai ndipfakanyike kuti  
iyone kuti ndirimupenyu pamwe yaigona

ichifunga kuti handisi nyama.

Handina kuziva kuti pandiri  
kupfakanyika kudaro ndava  
kutoivhundutsa yakabva yatiza,dai aiva  
munhu zvimwe ndaimuudza kuti huya  
undiuraye manje zvayainge irimhuka  
yesango ndakangosiyawo  
zvakadaro,yakabva yaenda zvachose  
kana kumbozodzoka.

Chokwadi zvanga zvachindiomera apa

panzvimbo pandaiva ndakarasirwa  
panenge paiva pabare chaipo (nzvimbo  
isinga meri bundo) nekuti zuva raiita  
kundigocha kwete zvekutamba ndaitsva  
neremudenga kozotizvee pasi pachu  
painge popisa kunge pamboveserwa  
moto ukabviswa.

Nguva dzakafamba kusvika ndanzwa  
kuti zuva radoka nekuti ndainge  
ndisisanzwe kupisa kwaro.Nzara ndiyo  
yakada kutanga kundishungurudza asi  
semunhu anga ajaira zvemutsanyo  
handina kana kugara  
ndaiteerera,ndakaona kuti zvekufa  
zvacho zvirikunonoka ndipo

pandakangodana zita ramai nababa  
vangu ndichivaudza kuti ndioneiwo  
muno muchakasara chesango mandiri.

Ndakati ndapedza kutaura navo kudaro  
hope hameno dzakazobvawo nepi,  
ndofunga semunhu anga anyanyisa  
kutsva ndizvo zvakaita kuti ndirare.

Ndakarara kudaro pane zvakaitika asi  
handizivi kuti ndairota here kana kuti  
ndaizviona nemeso,asi ndotongoti

ndairota hangu nekuti ndaiva  
ndakavharwa kumeso.

Ndakaona Thelma achimhanya kuuya  
pandaiva ndakarara akaita zvekukwinya  
nguwo yake kudarika mumabvi, akasvika  
akapfugama pandainge ndakarara  
achiita kufemereka zvairatidza kuti  
munhu aneta nekumhanya muviri wake  
wakaita kudikitira neziya;

Thelma: "Tapiwa"



Me: Iwewe futi wadzoka,nxaaa unoziva  
kuti uneutsinye here?, pega pega  
paunouya pandiri ndinobva ndawirwa  
nedambudziko kana uchiti unondida  
ndinunure.

Ndakadaro ndakamutarisa muhuro  
make,ndaiva ndava kutoyeverwa  
necheni yaaiva akaisa muhuro iine  
mufananidzo wemoyo asi nechepakati  
pemoyo painge pakanyorwa kunzi  
Ruvheneko.Paakaona kuti ndakatarira  
muhuro muya akabva abvisa cheni iya  
nekukasika ndobva aikanda achiita  
kunge arikuirasa ikapfuura nepakati  
pemhanda dzemuti wemuhacha asi

handina kuona  
kwayakanodonera.Ndakarwadziwa  
zvisingaiti paakairasa nekuti ndainge  
ndaichiva ndaitoda kumukumbira kuti  
andipe ive yangu;

Thelma: Tapiwa,inini handisi muvengi  
wako ndirimudiwa wako wanzwa?  
ndanzwa kuchema kwako ndirikure  
zvisingaite asi kuti ndisvike pano  
ndaratidzwa nzira namai vako uye vati  
ndizokusunungura nekuti urimumaoko  
angu.

Me: Ko sei uchiramba uchindirangaridza  
mai vangu vakafa kare kare, Thelma  
ndinokumbirawo kuti usiyane neni uye  
regera mai vangu vazorore murugare  
chii chaizvo chaunoda pandiri iwewe.

Thelma: Handiti waona kwandakandira  
cheni yanga irimuhuro mangu?

Me: Ndati siyana neni mhani, waita  
rombo rakanaka kuti wawanika

ndakasungwa, dai zvisizvo nhasi  
ndaizotanga kuita utsinye pauri.

Thelma: (Achinyemwerera) Ndiwe  
munhu asingaite utsinye iwe uye baba  
vangu pamakore mashoma anotevera  
vachange vodyidzana nedunhu renyu  
rekwaMajinga ruvengo rwese  
rwuchapera.....Handisisina nguva  
Tapiwa pauchabva pano unofana  
kufamba uchitevera divi randarasira  
cheni iyo,usaneta kufamba kusvika  
pauchaona payadonhera.Ndaona kuti  
maziso ako aida uye waifarira saka

pauchaiona uinhonge,usashamiswa  
nezvichaitika ipapo uye nezvese  
zvauchaona usawana waunoudza uye  
usazvitora siya zviripo wobva woenda  
kumba kwako.

Me: Ko zvawaona kuti cheni yako  
ndaifarira wadini kundipa panekuirasa  
kwawaita woda kuzondipinza basa  
nekuitsvaka.

Thelma: Byeee byeee Tapiwa wofamba  
zvakanaka ndinokumbirisa kuti  
pauchafamba pese usacheuka kusvika

wasvika pacheni nekuti nzvimbo yauri  
inoera ukangocheuka chete unobva  
warasika zvachose wotadza kuziva  
kwauri kuinda.Ndinokuda wanzwa ndiwe  
wega unondinzwisisa uye ndiwe  
unondifarira, shuviro yangu ndeyekuti  
ndive mukadzi wako.

Ndakanatsa kuona Thelma achisimuka  
kubva pandainge ndiri,ndakaedza  
kumusheedza kutodi ndichiti auye  
andiuraye asi haana kana kucheuka .

Ndakabva ndapepuka ndichitodana zita

rake asi chakandishamisa ndakanzwa  
maoko nemakumbo angu zvole  
zvisisina kusungwa asi kumeso kwangu  
kwanga kwakavharwa.

Ndakasunungura mucheka waiva  
kumeso kwangu nekukasika ndichiti  
zvimwe ndichaona Thelma wacho  
aripadhuze asi handina kana munhu  
wandakaona kunze kwemuti  
wemuHacha waiva nemhanda  
dzandainge ndaona kuhope.

Kunze kwainge kwotochena,utunga

hwava kutotsvuka zvairatidza kuti zuva  
rava kubuda,ndakambogara zvishoma  
ndichida kurangarira zvose zvanga  
zvichiitika kuhope ndipo  
pandakazosimuka ndikatanga kufamba  
ndichitevera divi ranga rarasirwa cheni  
naThelma.Veduwe ndakafamba  
munongonzwa imi kusvika tsoka dzava  
kuzvimba apa ndaigona kunzwa  
kumashure kwangu kuchiita kunge kune  
vanhu vanenge vachitaura,dzimwe  
nguva ndonzwa kunge kunemhuka  
irikundimhanyira asi nekuda kwekuti  
ndakanzi ndisacheuka handina kugara  
ndambotarira kumashure.Zuva rakati  
kwirei zvekuti ndakatofungira kuti  
kunenge kuma 10 dzemakuseni ndipo



pandakaona chinhu chaipenya mberi  
kwangu apa chaitota kunge  
chichanditeya mumaziso.

Ndakasvika pedyo nechinhu ichi ndipo  
pandakaona iri cheni iya yaiva  
yakanyorwa kunzi Ruvheneko,nguva  
yandakada kuti ndiinhonge ndipo  
pandakanzwa kunge ndaita dzungu  
ndikamboona rima kwenguva pfupi  
nguva yandakapengenuka ndakaona  
cheni iya isisipo asi mberi kwangu  
ndakaona danga raiva rakaiswa zvipfuyo  
zvababa vangu padivi pachu pane  
chirugu chembudzi nemakwai.

Ndakarangarira zvandaiva ndarota kuti  
"ndisazvitora kana kuudza munhu" ndipo  
pandakatanga kufamba ndavakuenda  
kumba uye apa ndaiva ndavakunatsa  
kuziva kwandiri kuenda.Ndakasvika  
pamba pangu ndokuona rangova  
dongo,ndakaona kuti pano hapasisina  
zano ndobva ndabereka tsoka  
ndakananga kumba kwamambo kuti  
ndindovataurira.

Ndakasvika paiva nemachinda amambo

ndobva ndakumbira kuona Mambo asi  
vakandirambidza vachiti nezera rako  
iroro unoda kutaura kuti chii  
naMambo,kana une zvaunoda unofanira  
kutaura naStaben,obva osvitsa kuna  
Chiradza zvobva zvozoenda  
kunaMambo.

Me: Saka Staben wacho ndinga muona  
sei?

"Parizvino havapo vakambobuda asi  
tovatarisira kudzoka nhasi saka  
unozouya mangwana."

Akadaro umwe wemachinda  
achitoratidza kuti arikurevesa uye  
aisambondibvumidza kupinda  
kwacho.Semunhu aizvininipisa handina  
kuita nharo navo ndakabva  
ndatovapfugamira ndichivatenda  
ndikatanga zvangu kufamba  
ndichidzokera kudongo kwangu,eheka  
ranga ratova dongo ka nekuti hapana  
kana imba imwe yanga yasara ine denga  
kwanga kwangosara mudhuri chete.

Ndichangoti fambei zvishoma  
ndakazonzwa ndavakusheedzwa  
nemachinda aya anga andirambidza  
kundoona Mambo,ndakadzoka kwavari  
hana yangu ichirova ndichifunga kuti  
zvimwe pane zvandakanganisa.

Ndakasvika ndikapfugama sezvandanga  
ndaite pekutanga;

"Usatipfugamira hako,wanzi naMambo  
huya vakuona nguva yawanga uchitaura

nesu pano."

Ndakavhurirwa gate ndobva ndapinda  
asi ndakasiya machinda aya  
achikakavadzana umwe achiti;

"Saka urikufarira here  
nezvawaita,waregerei kutaura kuti anga  
asina kuvinga imi chiona manje  
wavakupinza mwana muduku panguva  
yakaoma."

"Haiwawo dei kakatourawa iye

akazviwanepi zvivindi zvekuda kutaura  
naMambo nezera rake ireri"

Ndakavasiya vachikakavadzana kudaro  
apa inini ndaiva ndabatira ura mumaoko  
ndava kutotya kuti zvimwe ndapara  
mhosva.Ndakasvika pedyo nepaiva  
pakamira mambo apa nguva yese  
yandaifamba vainge vakangonditarira  
zvekuti ndakatanga kudedera nekutya  
zvikati zvanga zvasanga nenzara;

"Sununguka Tapiwa,nditevere huya  
kuno"

Vakadaro mambo vachitendeuka,  
ndakavatevera kumashure kwavo apa  
raiva zuva rangu rekutanga kusvika  
pamuzinda wamambo kubva  
zvandakazvarwa.Ndakasvika ndobva  
ndapinzwa mune imwe nzvimbo  
yaiyevedza asi tisati tataura zvizhinji  
vakabva vasheedza mumwe muchinda  
wavo vakamutuma kuti andoudza  
vanasikana vavo kuti vauye  
nechikafu,hameno kuti vainge vaona sei  
kuti ndaiva ndakarohwa nenzara  
yemazuva maviri ese.



Me: Mambo ndauyawo nenyaya yangu  
handizivi kuti mungandipawo nzeve  
dzenyu here?

Mambo: Mira chikafu chiuye tidye  
wobva wozonditurira  
zvawafambira,ndoona sekuti zviripo  
zvakuremera chete mwana wangu  
nekuti hausati wamboita zvivindi  
zvekuuya pamuzinda wangu.

Me: Aiwa Mambo zvekudya izvi nde.....

Mambo: Tapiwa,! inzwa ini nhasi  
ndichadya mundiro imwe newe saka  
hapana kwaurikumhanyira.

Vachingopedza kutaura mashoko iwayo  
chikafu chakabva chauya sadza rezviyo  
nenyamba yehuku,haiwa ndakaribinha  
sadza kwete zvekutamba.Zvose zvokuti  
ndirikudya mundiro imwe naMambo  
ndakatozozvikanganwa, ndaguta ndipo  
pandakatanga kufunga kuti ko vazviitirei  
kudya neni Tapiwawo zvake asina kana

nechaanacho?

Mambo: Chitaura nyaya yako manje  
mwana wangu.

Me: Mambo wangu muchiona ndauya  
pamuzinda wenyu kudai,musha wangu  
waparadzwa uye zvipfuwo zvangu zvole  
kusanganisira nembwa zvayo  
inongohukura handisisina.

Mambo: Heee,muno mudunhu here?

zvakaiteka rini izvozvo?

Vakadaro Mambo vachinja chiso  
zvairatidza kuti vaiva vagumbuka.

Me: Mazuva matatu apfuura kutaura  
kudai ingadai ndakafa ini asi Mwari  
nevadzimu vakandirwira.

Mambo: Tapiwa urikutaura chokwadi  
here? Kureva ka kuti munhu uyu akaziva

kuti machinda angu andinovimba nawo  
havamo mudunhu muno ndosaka  
vaka.....

Mambo havana kuzopedza kutaura  
pakabva pasvika vamwe varume vaviri.

Mambo: Yaaaaaa Chiradza na Staben  
magona masvika imi,musati mataura  
kuti makafamba sei kwamabva kasikai  
izvezvi kufamba nedunhu rese  
muchitsvaka munhu akapamba pfuma

yese yaTapiwa uye musadzoka pano  
musina kuwana munhu iyeye  
ndirikumuda pano apa,

Vakadaro mambo vachirova rova pasi  
neruoko,varume vaya vaibvirwa havana  
zvizhinji zvavakataura vakangokotamisa  
uso hwavo vese varivaviri ndobva  
vafuratira vakaenda.....

.....

\*End of Chapter 4\*

[04/10, 10:00] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

<https://chat.whatsapp.com/HYxyImhoKL12uFvsLPusi0>



## CHAPTER5

Thelma/Ruvheneko

Ndakaita hasha panguva  
yandakapepuka ndikaita  
sendichazvidambura nguwo dzangu

dzese nekuda kweshungu.Ndaiva ndoita kunetseka mumoyo ndichizvibvunza kuti; koseiko ndichingoratidzwa munhu wandisingazivi kuhope dzangu.Dikita randaiva naro ipapo zvainatsa kuratidza zvega kuti zveshuwa ndirikushandiswa usiku ndakavata,kubva ipapo ndakatanga kufunga kuti Tapiwa uyu anenge muvengi wangu chete.Chimwe chinhu chakaita kuti ndirambe ndichifunga kuti pane varikundirwisa usiku ndimai vandairota vachizviti ndivo mai vaTapiwa wacho asi chaindisvota ndechekuti vaiti vakataura neni ndikada kuvabvunza zvakawanda wanda vanobva vanyangarika.

Ndakashora vadzimu vangu panguva  
iyoyo,inga zvizhinji vaindionesa wani ko  
apa vairega nei kundionesa kuti ndizive  
kune vanhu ava kana varivavengi tinatse  
kurwa chaiko kwete zvavarikuita  
zvekuuya vachizviita makwai iwo  
arimapere.Ndichiri pakati pekufunga  
kudaro ndakasimuka pabonde  
pandainge ndakarara ndokuenda  
kundotora girazi kuti ndizvione kupeso  
kwangu ndichipukuta dikita nekubvisa  
mbovha.Pandakasimudza girazi nguva  
yangakangoti baa kuona chiso changu  
ndakavhunduka ndikatodonesha girizi  
racho pasi rikaputsika.Ndakabata  
muhuro mangu nekukasika ndokunzwa

kuti zveshuwa ndainge ndaona  
izvo,muhuro mangu makanga mava  
necheni yandisina kuziva kuti yakabvepi  
uye ndakapfekedzwa nani.

Ndakamira pamusuwo ndobva ndaringa  
ringa panze ndichida kuona kuti pane  
aripo here asi hapana  
wandakaona.Ndakafambisa ndikainda  
panzvimbo yaiwanza kutongerwa  
mhosva dzavo nababa vangu,maiva  
nezigirazi zuguru raivamo rekuti waiti  
wakamira waizviona kubva kutsoka  
kusvika kumusoro.Izvi vaizviitira vaya  
vanenge vachitongwa ndipo  
paaindomiswa otongwa nyaya yake

achizviona pagirazi ipapo.Ndakasvika  
ndikamira ndobva ndanatsa kuongorora  
cheni yaiva muhuro mangu ndokuona  
pane runyoro rwaiva  
rwakanyorwapo,ndakaswedera pedyo  
pedyo ndipo pandakaona pakanyorwa  
kunzi Ruvheneko.Zvakandishamisa  
zvekuti ndakambofunga kuidimbura  
dimbura asi nekuyevedza kwayaiita  
ndakakonewa kuidimbura  
kwacho.Yaipenya penya ichiita kunge  
yakazorwa mafuta,yaiva ine ruvara  
rwegoridhe nechepakati payo ine  
mufananidzo wemoyo  
wemunhu.Ndakavhara cheni iya kuti  
isaine kwa chero nani zvake,nguva  
yandakacheuka kuti ndibude mandaiva

ndakangoti fambe zvishoma ndipo  
pandakabva ndadhumana namai vangu  
vachiratidza kufara zvandainge ndisati  
ndamboona kubva zvandakaberekwa  
navo izvo zvakandipa chivindi chekuti  
ndivabvunze;

Ini: Ko manzweiko chakufadzai kudaro  
nhai mai vedunhu. Zino renyu rinoyera  
kuriona pose pose pamwe  
mukandiudzawo ndingakubatsirai  
kupembera tifarere pamwe chete.

Ndakadaro ndichibata bata muhuro  
mangu ndichida kunzwa kuti zveshuwa

cheni yakavharika here.

Mai:Ruvhe usada kundinyenga  
mukanwa iwe, kuita seusingazive  
zvandiri kufarira ipapa ndirikutokuona  
nemeso angu kuti wapedza nenjere  
dzangu kare. Saka chindiudzai nhayi  
mwanasikana wangu mumwe chete ega  
zai regondo mwana wandakapihwa  
nevadzimu ndarasa mbereko  
ndatozviudza kuti handichabari.

Vakadaro vachiita kundinyengerera asi  
kutura shuwa handina kuziva kuti chii

chaivafadza zvakadaro,zvimwe  
ndosioneswa asi apa ndaiona rima rega  
rega zvekuti ndakambofunga kuti  
pamwe cheni irimuhuro ndiyo  
irikukonzeresa.

Ini: Ndingazive zvose asi handisi Mwari  
ini ndingabve ndaona zvamurikufunga  
zvimwe ndinopotsawo semunhu  
wenyama.

Mai: Ndinokuziva usingapotsi mwana  
wangu,simba rako iguru kwazvo nekuti  
chero paunofamba mikono yese  
yevarume inodedera,tsoka yako



painotsika panosara pakadhinda kunge  
pafamba mhukahuru varidzi vesango  
vasingatyiwi nemapepa kunge  
mhembwe.

Ini: Chiregai kudetemba mai vedunhu  
ndikupindurei zvamurikuda kuziva  
handiti munoda ndiite fungira mumoyo  
kunge rwendo rwembwa here? Musazoti  
sandizvo nekuti ndakupai mukana  
wekutura zviri mupfungwa dzenyu asi  
imimi mukaramba.

Mai:Ndinozviziva kuti uri kuziva

zvandirikuda kuziva chindiudza  
chakushaisa zorooro remoyo wako  
mwanangu. Ndine mazuva akati wandei  
ndichikuona kuti pfungwa dzako  
dzirikuresa asi ndaishaya mukana  
wekutura newe zvino nhasi  
pandakuona uchipinda muimba yababa  
vako iyo haa pane zvikuru zvichaitika  
chete.

Ndakaona kuti mai vangu vafungira  
zvisizvo,nekuti zvanga zvakamboitika  
makore anga apfuura ndabva  
mukupinda muimba yaitongera  
baba,hapana kuita mazuva pakazoita  
kurwa kukuru zvakapotsa zvauroisa mai  
vangu vakangozopona havo nepaburi

retsono.

Me: Kuzvidura zvakaoma amai, asi  
nekuda kwekuti mafungira kusiko  
chiregai nditaure;... Ndine mukomana  
wandiri kuona kuhope dzangu  
ndichidanana naye asi chinondinetsa  
chiso chake handisati ndachiona  
mumatunhu andinoziva. Ropa rake  
rinoratidza kuti nderehumambo asi iye  
arikutamba nhamo ndatsvaga  
chakavanzika asi huso hwake hausi  
kuda kuti ndiperetere zveraramo yake  
zvino ndabva ndapererwa kutaura kudai

imwe pfungwa irikutonditi pamwe  
pamera muvengi pakati pedunhu rino  
arikuda kuedza masimba ababa achiuya  
kuhope kwangu achizviita kunge  
munhukwaye izvo kurikutsvaka nzira  
yekupinda nayo.

Mai: mmmm ipapo pakaoma mwanangu  
asi usazvidya moyo hako ndinoona  
kunge dzingori hopewo dai dziine  
cherevo sekufungira kwaurikuita ingadai  
vadzimu vako vakakuratidza kare. Ini  
sekuziva kwangu iwewe wainzi  
ucharoorwa nemwana wamambo

Mujinga zvino zvavakashaya  
mwanakomana hameno kuti pachaitwa  
sei uye zera rako rati fambei usina  
mukomana?

Ini: Mambo Majinga vamurukutaura ava  
ndevapi?

Mai: Haungavazivi mwana wangu asi  
ndiye watinoganhurana naye,dai kuchiri  
kare vachambowirirana zvimwe  
waivaziva, zvino baba vako na Mujinga  
vakazorimirana kumuganhu hameno  
kut zvichafambiswa sei nekuti ndiro

dunhu rawakavimbiswa nevadzimu vako  
kuzogarako? Tinofanira kubvunzira  
kuvadzimu kuti poitwa sei,nekuti  
ungatochembera usina kuroorwa  
zvevadzimu hazvipikiswe zvavachataura  
ndizvatichatevedzera.

Ini: Vakambotsidziri na chiiko?ko iwo  
mudzimu unozoti ndoroorwa seiko  
nemwana wemuvengi wababa vangu.  
Ko vakazova vapambi vakatora dunhu  
redu?

Mai: Mambo Mujinga sekuziva kwangu  
haana moyo wakaipa, vane moyo  
munaku taitombofambidzana makore  
ose aya apfuura sekutaura  
kwandamboita asi zvakazopera nekuda  
kwevarungu vakauya.

Ini: Mai munenge mune nhoroondo  
chaiyo,natsai kunditsanangurira zvese  
regai nditoita zvekugara pasi,baba  
havambotauri ka zvizhinji pamwe dai  
ndaiva mwanakomana zvimwe  
ndakaudzwa.

Ndakadaro ndichitogara pasi muvhu  
chaimo pasina chakawaridzwa.

Mai: \_Pamakore gumi adarika pakauya  
vachena vachida kuvaka dhamu pakati  
pemakomo Zvino vakakumbira mambo  
Nembudziya asi mambo Mujinga haana  
kusumiwa nyaya iyi. Mambo  
Nembudziya akabhadharwa muripo  
vachena vaya vakavaka dhamu ravo  
kusvika vapedza. Chakazonetsa  
ndechekuti mvura yakapwa vakatadza  
kuziva kuti zvafamba sei?Vachena vaya



vakauya vachitaura chishamiso  
chavaive vasangana nacho sezvo zviri  
zvinhu zvavainge vasati vambosangana  
nazvo kune dzimwe nzvimbo  
kwavaivaka. Mambo paakapirwa nyaya  
iyi zvakamushamisawo asi akashaya  
wekubvunza. Pasina mazuva mambo  
Mujinga akatumira machinda ake  
vakati;\_

\_ "Tatumwa na Mambo Mujinga zvanzi  
Mambo Nembudziya zvino  
zvamakatengesa dunhu kuvachena  
wakasuma aniko? Kana vasina kuuya  
kuzondisuma pano hapana  
chavanobata?\_

\_Mambo akabva arangarira kuti  
nzvimbo yaive atengesa yaive  
pamuganhu emakomo maviri yaitora  
nzvimbo yaMujinga yotorazve yake  
Nembudziya. Nekuda kwe nyadzi  
Nembudziya haana chaakapindura kuna  
Mujinga,machinda akadzokera  
akanoudza mambo wavo kuti  
Nembudziya haana zvaataura.\_

\_Mambo Mujinga akabva afunga kuti  
Nembudziya aikapamba nzvimbo neune  
asingazive kuti kwaitove kukanganwa

kuti matunhu aya ndiwo waive muganhu  
wavo,kubva zuva iri hushamwari  
hwakabva wopera. Vedunhu raMujinga  
vaisayambukira kudunhu rino,isuwo  
vakuno taisayambukira dunhu raMujinga  
kana waingoonekwa chete waibvako  
uchimhanyiswa nemachinda amambo.  
Asi kare mvura yaiti ikasanaya vaibatana  
voenda pakati pemakomo avo  
vokumbirira kuvadzimu vavo mvura  
yaibva yanaya. Nzara ikabata dunhu  
rino tainopihwa mhunga nezviyo  
kwaMujinga ndipo ka pakazofara  
mudzimu ukati vana venyu vanofana  
kuzoororana manje iye zvino yangova  
aziva kwake aziva kwake.Mushure  
mechiitiko ichi munin'ina waMujinga

akabva angotsakatika nevana vake  
zvisina ani wakaziva kuti chii chaiva  
chavadya, ndiwo mamirire akaita nyaya  
dzacho mwana wangu.\_

Vakati vapedza kutaura neniwo ndakaita  
kutura befu nenyaya yekuti ndanga  
ndaita nguva refu ndakanyarara.

Me: Nyaya yenyu yakarema zvino  
vachena ava zvavakatadza kuzobata  
mvura vakazodiko?ko sei? Mambo asina  
kuvaudza kuti vaende vanokumbirazve  
kwaMujinga nekuti dhamu ravaida

kuvaka raibata matunhu maviri ka?

Mai: Izvo zvava kutoda baba vako  
vachipindura vari ivo izvozvi ndinototya  
kuvabvunza kuti mwanasikana wedu  
achaitawo sei? Ende kuti uchiroorwa  
kwaMujinga handifunge zvikaita ini  
nekuti haana mwana mukomana uye  
nababa vako hazvionani huso.

Ndakazvishairawo neremuromo,ko ivo  
vadzimu vacho vakambozvitaureiko

vachiziva kuti Mujinga haana mwana mukomana, ko mai Vangu zvavati munin'ina wamujinga katsakatika nemhuri yose zvakambofambawo sei?

Ndaifunga zvose izvi mumoyo mangu asi ndaida kuzozvitsvaga nenzira yangu uye muchinyarari. Takazoparadzana namai ndavakuenda munhanga mangu ndipo pandakasvika ndikakurura cheni yangu ndikambotamba nayo ndichiyeverwa, pandakange ndaneta kutamba nayo handina kuidzosera muhoro ndakabva ndaiviga hope dzikabva dzatobata. Pandakapepuka atova manheru ndakashamiswa futi

zvakare ndichiona cheni iya yadzokera  
muhuro kubva ipapo handina kuzoibvisa.

Mazuva akafamba newangu mudiwa  
Tapiwa tichisasana kuhope kudaro,  
ndaita kunge ndinaye kana tichinge  
tasangana kuhope.Ndakapedzisira  
ndavakutonakirwa nazvo  
ndisingachafungi zviya zvekuti muvengi  
wangu. Iye airatidza kunditya asi  
ndaizomupofomadza nerudo orasa  
njere zvekuti aitozonyanya kundida  
kupfuura zvandaimuita. Nguva zhinji  
ndaiswera ndoga ndichifunga  
nezvemukomana wangu uyu kuti  
ndichamuona sei uye kupi.Chaindinetsa

hope dzandairota ndaitadza  
kudzidudzira kusvika ndashanyira  
n'anga yamambo wemudunhu redu  
ndichida kuti  
andijekesere.Ndakangosvika  
ndikapfugama nechekunze  
kwechivanze ndichiombera;

N'anga: Chii chanetsa mwana  
waMambo zvamatishanyira rungwanani  
rwakadayi famba zvako wakasununguka  
uuye kuno zimhandara.

Ndakafamba ndikaenda



kwandaisheedzwa ndobva ndasvika  
nekutovapira nyaya;

Ini: Ndine hope dzandiri kurota  
ndashaya dudziro yadzo saka ndati  
regai ndinobvunzira kuvadzimu vedu.

N'anga; hazvina dudziro \*Nevanji\* nguva  
ichakwana muchaziva zvakavanzika  
musazvidya moyo nekuti zvine chirevo  
endai munogara murunyararo

chingokumbirai kuna Nyadenga kuti aite  
kuda kwake.

Ndakabvako munzira mose ndaitaura  
ndoga chero vandaisanga navo  
zvaitovanetsa vaitofunga kuti zvimwe  
ndava kupenga. Zvokuti dayi ndaisava  
mwana wamambo vaindisvororodza  
kana kundibatirana vakandiisa  
kunzwimbo dzinochengetwa vakarasika  
njere. Mumoyo mangu ndaida kubvunza  
baba vangu kuti sei vakatadza kuyanana  
nemumwe wavo asi ndaityira kure.

Rimwe zuva ndakagara pasi pemuti  
achitova masikati ndakanyangirwa  
nehope ndokurota Tapiwa achidyiswa.  
mushonga,mai vake vakangouya  
kwandiri ndobva vangomira mberi  
kwangu misodzi yavo  
ichierera.Pandakapepuka ndakaita  
zvekuvhunduka ndichiona mberi kwangu  
kune munhu aiva akabata bakatwa raiva  
rakatsvuka ropa.....

\*End of chapter 5\*

[04/10, 10:00] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

\_\*CHAPTER\*\_ 6

<https://chat.whatsapp.com/HYxyImhoKL12uFvsLPusi0>

**\_\*CHIRADZA\*\_**

Ndakatanga nekupukuta maziso angu  
ndichiti pamwe ndiri kukanganisa kuona  
zvaive pamberi pangu asi ndichisvinura  
ndakaoona kuti ndakange ndisiri

kukanganisa kuona. Aive Tapiwa zvake ainge akagara pamberi pamambo izvo zvakandinzwisa hashu pamwe chete nekuvhundutswa, ndakazvibvunza mumoyo mangu kuti; zvakange zvambofamba sei isu tainge tamusiya akasungirirwa zvekuti aisakwanisa kuzvisunungura. Pandakati ndicheuke kune mumwe wangu Staben ndakaona zvimwe chete aitoratidza kuti akange ari kutoshamisikawo nekuona munhu wataifungidzira kuti akafa akatogara patafura imwe naMambo.

Ndakanetseka mupfungwa dzangu kuti  
angave ani akamusunungure isu  
takange tanyatsosunga tikaisa futi  
mushonga wekuti adyiwe nezvikara  
zvesango,ko imo musango rinoera  
kudaro akabuda sei nekuti raisava  
sango raingopindwa usina kupiwa  
mvumo nesvikiro redunhu.

Ndakambofungira kuti asi pane munhu  
akatiteera kana kuti akazodzokera  
pakati pavarume vataiva navo asi  
zvakandirambira nekuti hapana mumwe  
akamboshaika kwataive taingova tose  
uye tichironga pamwe. Ndakaona kunge



ane zvaanoshandisa chete ndosaka  
zvatakaita zvese zvakaramba asi  
zvakandirambira nekuti kana dai pane  
zvaibata bata takazviona patakaradza  
imba yake.

Ndiri mukati mekuedza kufunga kuti chii  
chakanga chanyatsoitika zvese  
zvandaiedza kufungira zvichiramba  
ndakazonzwa mambo vavakuti taifanira  
kunotsvaga munhu akaparadza zvinhu  
zvake ndakambopererwa neremuromo.

Kuti ndirambe zvaisaita  
ndakatonyatsonzwa nekuti  
vaizopedzisira vanyumwa,panguva iyi  
ruvengo rwakabva rwachinyatso  
kuwedzera ndichiona pakamwana kacho  
kachitondisekerera wena, dai aiziva  
zvaiva muhana mangu haazi  
aimbondibudisira zino.

Tapiwa ndiye akanga avakupa kuti  
titsvagiswe zvinhu  
zvatainyatsoziva,hanzi nevakuru kugona  
mbavha kuichengesa apa Mambo  
vakaita kunonzi kugona mbavha  
kuitsvagisa zvayaba woiudza kuti  
ukadzoka usina zvinhu izvozvo

hapameri bundo, haa ndiko kunonzi  
kugonekwa kwatakaitwa  
apa,ndakashaya kuti taizopa buda sei.?

Takabuda takadungamidzana  
ndakatoona kuti tese takange tiri  
kuzvitongesa chandakangofarira  
ndechekuti Tapiwa haana kumbobvira  
aziva kuti tisu takange tamurasa  
kusango tichida kuti afe. Ndakatora

vakomana vandaive ndaenda navo  
tichibva tatobuda,takambotenderera  
nedunhu zvenhema tichiita kunge  
tirikutsvaka izvo kwaani kwaiva  
kungovharawo kuti mambo vazoona  
kunge taitsvaka zveshuwa.

Takapedza kutendera dunhu atova  
manheru zuva roda kutodona,takabva  
takananga musango umu mandaive  
ndafunga kuti taizoonesana kuti  
tingazvifambisa sei asi zvichidarika  
chete ndaida kuzopedzerana naye chete.  
Zvaisaita kuti Tapiwa aite mambo ini

ndichiri mupenyu ndakange ndakabva  
kure naro dunhu iri saka handaibvumira  
kuti mumwe munhu ozongonyuka otonzi  
mambo izvo ndakange ndatopikira pasi  
nekudenga kuti kana ndichifa ndinofa  
ndaedza chete.

Tiri munziri kuenda kuchisango hapana  
aitaura nemumwe ndoona kuti vese  
vaitoona kuti pakange pasina kumira  
mushe apa zvoti nzara yandakange  
ndavakunzwa ndakatoona kuti mambo

apa vakanga vasisandikosheshe nekuda  
kwaTapiwa ndiye anga atova pamoyo  
pavo. Kuri kare zvaisaita kuti ndingonzi  
buda pasina chandaisa mumukanwa  
ndaitogona kuurairwa mombe  
yogochwa tofamba tichidya nekuti  
vaiziva kuti dunhu ravo iguru zvaisaita  
kufamba musi umwe wodzoka. Saka  
apa ndakatoona kuti akange atouya  
nekuchinjisa zvinhu zvese,dai aiziva kuti  
arikuzvicherera guva haazi aimbodaro  
aitofanirwa kutiza odzokera kwavo  
kuMhondoro.

Tichisvika handina kana kumboda  
kupoterera ndakabva ndatotanga  
kutura zvataive tapindira musango  
nekuti pese apa pataifamba nedunhu  
inini chete naStaben tisu taiziva nyaya  
vamwe vaingotevera;

"Vakomana muchiona kudai zvinhu  
hazvina kumira mushe, mukomana uye  
tasvika ana mambo kuti zvakafamba sei

handitozive. Saka tiri kuda kuti  
tibatsirane kuonesana kuti tingaite sei  
tanzi tinofanira kutsvaga munhu akatora  
zvinhu zvake neaida kumuuraya  
ndosaka mationa tichipinda musha  
nemusha naStaben tanga tichinyepera  
kutsvaga zvinhu zvatinoziva. Manje  
handizive kuti mungakwanise  
kundibatsirawo here nezano nekuti  
ndapererwa ini"

Munhu wese akaratidza kuvhunduka  
nemashoko andakataura, panguva  
yacho pakatomboita runyararo kuita



kunge vakange vasina kunzwa  
zvandaive ndavaudza.

"Ini ndoona hangu kuti tikadzokera  
kumba mangwana manheru toti  
tatsvaga tikashaya pamwe munhu  
wacho ndewe kunerimwe dunhu  
tinogona kubudirira. Asi panyaya iyo  
yekuti mukomana akadzoka  
zvandishamisa kuti zvakafamba sei isu

takanyatso sunga zvamakaonavo  
mega.Kuti nditi pane munhu akatiteera  
izvo zviri kundirambira nekuti kuye  
hakungofambe vanhu asi chandiri  
kungofungira kuti mwana uye ane chiri  
paari chete nekuti hazvisi zvega izvi"

Uyu aive murume wataive naye apa  
airatidza kuti aive akangwarira pane  
vamwe vese.Ndakabvumirana  
nepfungwa yake nevamwe ndakaona  
kuti waitenderana nezvaitaura  
ndakatoona kuti ndizvo zvakanakira  
kuisa musoro pamwe chete. Asi

chandakandinetsa pandakatarisa kuna  
Staben airatidza kuti pfungwa dzake  
dzaisava panzvimbo imwe chete kana  
zvatakange tataura ndakatoona kuti  
anenge asina chaakanzwa. Ndakazoita  
vekudeedza ndipo paakazoita kanenge  
kakuvhunduka.

"Zvese zvamuri kurongana apa handione  
zvichibudirira ini nekuti mambo

ndinonyatsovaziva kuti kana vataura  
chinhu chinofanira kuitwa nemazvo  
kana iri mbavha inofanira kubatwa saka  
apa handizive kuti muchazvifambisa sei  
nekuti ini ndoona kuti mambo vanogona  
kupedzisira vanyumwa nekamuitiro  
kenyu aka. Imboedzai henyu asi ini  
musandiverenge nekuti ndine  
zvakanwanda zvandiri kufunga nezvazvo.  
Kana mavakuda kuti tidzokere kumba  
munondiudza toenda asi ini chiregai  
kundipinza munyaya dzenyu"

Akadaro Staben achibva atorara zvake

nemadede achitoruma ruma chitanda  
chaiva mumukanwa make  
zvichitoratidza kuti pake akange  
atopedza asisade zvekunetsa.  
Ndakazviudza kuti ndaizopedzerana  
naye chete nekuti apa zvakange  
zvavakuratidza kuita kunge ini ndini  
ndakange ndauya nepfungwa yekuuraya  
Tapiwa asi ari ndiye akange atondifurira  
pandaiedza kufunga kuti ndoita sei?  
Ndakanzwa kurwadziwa nemashoko  
akataurwa naStaben asi  
ndakazozvidzora nekuda kwevanhu  
vataiva navo ndikazviudza kuti  
ndaizomuona chete kana tavapedu tega  
apa aigona kuzoonererwa nemaziso  
evanhu.

Ndakazoudza vanhu kuti tose  
ngatizorore titsvage chekuti tingadya  
musango mataive imomo nekuti nzara  
yakange yavakuruma uye kuneta sezvo  
tainge tisina kumbopihwa nguva  
yekuzorora na Mambo.

"Ko tinozvinetserei nekufunga kuti

tingadyei,handiti pachikomo apo ndipo  
pane pfuma yaTapiwa here? tadini  
tangondotoru hwai imwe tikarara hedu  
tichigocha."

Akadaro zvakare mukomana uya anga  
ambotaura pekutanga,ndakaona  
urimuono hwakanaka nekuti mhuka  
chaidzo taigona kushaya kana imwe  
yekubata.Ndakatuma mamwe machinda  
matatu kuti vandotoru hwai vamwe  
ndobva vatosara vachivesa moto.Hwai  
yakauya rino zigondohwe ndobva  
tauraya tikatanga kugocha hedu tichidya

yakadero isina kana munyu.

Tapedza kudya ndakazvambarara  
zvangu ndakatsamhira musoro  
padombo pfungwa dzikabva dzatanga  
kushanda ndichifunga kuti ndoda  
kuzozviitira zvinhu zvangu ndega pasina  
zvekurongana nemunhu nekuti anogona  
kukupandukira sezvavakuda kuitwa  
naStaben, hope dzakangozonditorawo  
ndikarara kusvika kwaedza ndisina kana  
kupepuka.



Takamuka tose tikaenda kurwizi  
kundogeza,vamwe vakakasira  
kudzokera nekuti vaidafuti kundouraya  
mbudzi yekuti tizoswera  
tichidya.Ndasara ndega kudaro ndaitova  
bhizi kugeza,ndakaona umwe musikana  
manaku naku akasvika parwizi pedyo  
pedyo nepandaiva achizochera mvura  
nechirongo apa ndaiva ndisina kana  
kusimira asi haana kuita basa nazvo.

Chimwe chinhu chakandishamisa  
ndechekuti munhu uyu abva nepi uye  
ndewepi angazochera mvura musango  
rakadai.Ndakapfeka mbatya dzangu  
ndobva ndamhanya kuenda kwaari asi

nguva yandanga ndavakusvika akabva  
angonyangarika.Ndakatanga kunetseka  
ndichiringa ringa asi handina munhu  
wandakaona ndipo pandakazooka cheni  
yegoridhe yaiva pasi,ndakatsa kuitarira  
ndisati ndainhonga ndobva ndaona  
paiva pakanyorwa kunzi  
Ruvheneko.Yakandiyevedza cheni iyi  
chero zita racho ndakarifarira ndobva  
ndazviudza kuti pamwe vadzimu vangu  
vaita zvose izvi,ndakanhonga cheni iya  
asi ndakazooka isiri cheni nguva  
yandaiva ndaibata muruoko  
rwangu.Raitova danda zvaro,chiitiko ichi  
chakandinetsa asi mumoto mangu  
ndakati handina wandichaudza nyaya iyi  
kunze kwen'anga yaStaben ndiyo

yandichandobvunza.

Ndakazodzokera kwanga kune vamwe  
tikaswera tiripo ndakange  
ndakutorwadziwa nekugara  
ndirimusango kubva zvatakatanga  
nyaya dzaTapiwa.Chero mukadzi wangu  
chaiye ndaiva ndisisina nguva naye, izvi  
zvaisangoenda zvega chete Tapiwa  
aizoripa neropa rake chete.

Mumoyo mangu ndaingoziudza kuti mambo tikasvika tichivaudza zvandaive ndafunga vaibva vabvumira neni nekuti hapana chandaitaura vakasachinzwa sekuziva kwangu. Dzimwe nguva ndini ndaitovapa mazano kana vachinge vapererwa saka apa ndakatoziva kuti vaizobvuma chete.

Zuva rava kupinda muna mai varo  
takabva tatanga kufamba tichidzokera  
kunoudza Mambo zvatakange  
tataurirana. Uyu Staben ndiye  
wandaisaona mushe kunyarara kwake  
kwakange kwavakutondikanganisa  
zvaanga avakundifungira chaizvo  
ndanga  
ndisingachazvinzwise. Ndakataurira  
mamwe machinda kuti tipfuure  
nekumba kwaTapiwa tichimutarisa kuti  
ariko here asi hatina munhu watakaona.

Takasvika tikaona Mambo vakagara nemunhu wandaisada kuona apa vairatidza kufara zvaitooneka kuti nyaya dzavo dzaipindirana izvo zvakaita kuti ndirwadziwe zvekuti dai ndakange ndine simba rekuvadzivisa ndakazviita nguva iyoyo. Apa kunze kwakange kwatosviba vamwe vachiratidza kuti vakange varara zvakatondishamisa kuti chii chakange chiri kutaurwa naTapiwa namambo munguva dzeusiku.

"Ndazviziva hangu kuti hamunonoke nemhinduro yangu, mamubata kupi munhu vacho? nekuti ndoda kuti andiudze kuti godo rake chairo rimbori rei kusvika pakuda kuuraya munhu asina mhosva kana waakatadzira anozvigarira ega. Huyai naye pano munhu wacho matogona masvika vanhu vaenda kunorara ndoda kumugadzirisa ndega. Atokupai here zvipfuyo zvacho?"

Aiva mashoko aibva mumuromo  
maMambo nguva yavakationa,  
takangotarisana kumeso na staben  
pavakushaya anodavira. Mambo yaisava  
mhosva yavo nekuti vakange vajaira kuti  
nguva zhinji vakatituma kunotsvaga  
mbavha taitodzoka taiwana manje apa  
takange tisina chatinacho.



"Mambo wangu masango matema aya  
taedza kutsvaga kwese kwese asi  
hapana chataona kumwe tanga tichiita  
zvekubvunza asi zviri kuratidza kuti  
tsotsi redu iri raita zvine uchenjeri kana  
kuti haasi vemune rino dunhu nekuti  
hapana patisina kupinda tichitsvaga.  
Tatosvika pakupererwa ndosaka maona  
tadzoka kwamuri kudai kuti tikuudzei  
handizive kana mune zvamafungavo"

Ndakatotaura kudaro mushure  
mekunge ndaona staben avakuda  
kutura ndichifunga kuti anogona  
kutitengesha nekuda kwezvaakange  
arikutiitira.

"Mune chokwadi here nezvamuri kutaura vakomana chii chiri kumboitika pamuri zvekutadza kubata munhu akatora zvipfuyo zvakawanda kudaro. Ndinoda kumuona pano munhu wacho munofanirwa kudzoka pano kana muchinge mamuona ndiko kuti tiwirirane nekuti zvipfuyo izvozvo hazvingangoende mahara zvotangira pana Tapiwa here kutsakatika

kwezvipfuyo vamwe vese  
muchimbovabata munofanira  
kutomukira mangwana moona kuti  
mungaita sei kana kutora zvimwe  
zvikomana apo zvinokubatsira kana  
muri kukundikana imi nekuti ndiri kuda  
munhu iyeye pano andiudze chikonzero  
chaita kuti ade kuuraya mwana uyu ari  
apa. Chero dziri hama dzake kwamaive  
makaenda munouya nadzo pano  
ndinoda kuziva chiri kuita kuti vadaro  
ndovaranga ndirini uye rimwe dunhu  
randirikufungira nderekwa Nhembudziya  
kana mashaisisa muno motoendako asi  
ichatondoita hondo chaiyo"

Mashoko amambo akandipedza simba  
ini, ndaifunga kuti zvichangopera ipapo  
asi akatoramba achiwedzera munyu  
izvo zvakandirwadza kana kuti ndaizoita  
sei ndakashaya. Handina  
kuzombopindura ndakangoerekana  
ndakufamba ndichibva pavaive Stabeni  
akabva ateera kumashure kwangu  
achitokweva makumbo ake. Tichibuda  
mumba makange muna mambo  
tichangoti fambei ndakanzwa staben  
ava kuti.

"ini hangu kana pane zvimwe  
zvamuchada kuita handipo nekuti  
mangwana mambo ndiri kuda  
kumuudza zvese zvakaitika nekuti  
hapana kwatinosvika nekunyepa  
kwamuri kuita uku ndinoda  
kuzvichenura kana uri mutongo  
wandichapihwa ndinotambira nekuti  
ndiri kuziva kuti zvandakaita zvakaipa"

Ndakamira pandaive ndikanyatso  
mutarisa kuti akange ari kurevesa here  
zvaakange ari kutaura nekuti iye  
ainyatsoziva kuti kana ari mambo  
vaigona kutourayiwa nekuti taida  
kuuraya munhu kaa dai akatofa kutaura  
kwaaita apa. Takabva tatotanga  
kunetsana ipapo ndakutomupa mhosva  
kuti ndiye akange andituma kuti tiuraye  
Tapiwa hapana chatisina kutaura  
tikapedzesera takurovana  
chaiko,pakangoita rimwe jinda rakabva

ramanya richiti ravakundoudza mambo  
kuti vanhu vourayana.Ndakaona kuti  
zveshuwa nyaya yaipa,kana mambo  
vakazobvunza kuti murikurwirei zvaiva  
pachena kuti Staben aizotaura  
chokwadi.Ndakangovhomora bakatwa  
rangu kuti ndibaye Stabena  
afe.....

\*End of chapter 6\*

[04/10, 10:01] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

\_\*WRITTEN BY\*\_

DR KD MAZANI



+27 84 048 8648

TAMARI MURENGA

+263 71 276 8826

AND

PATIE

+27836691280

## \*CHAPTER 7 \*

<https://chat.whatsapp.com/HYxyImhoKL12uFvsLPusi0>

\*\_Tapiwa\_\*

"Dunhu rino ndorisina kugara raita  
nhire,ndinotoziva kuti zvandadai kutuma  
Chiradza naStaben vanodzoka vabata  
munhu akakubira pfuma yako uye

mutongo wacho wandichamupa  
uchange wakati ome."

Vaidaro mambo vaita kubuda masiriri  
zvairatidza kuti vagumbuka uye vaisada  
zvisina basa mudunhu  
mavo.Ndakapotsa ndataurira Mambo  
kuti zvipfuyo ndazviona kwazviri asi  
ndakazoyeuka zvandaiva ndarota  
kuhope.

Ini: Saka kana mukamubata  
muchamupa mutongo wakaitasei?

Mambo: Ndinomutongera rufu chairwo  
ko handiti iwewe aida kukuuraya.

Ini: Asi inini Mambo wangu, ndaisada  
hangu kuti afe asi akadzosa chete  
mazen'e angu pfuma zvayo haina basa  
Mwari achandipa imwe.Ndinotenda  
Mambo nekugamuchira chichemo  
changu uye zvee nekudya kwamandipa  
ndinotenda zvikuru,Mwari nevadzimu  
venyu vakuitirei zvakanaka.

Ndakadaro ndichiombera ndava  
kutosimuka kuti ndidzokere kumba  
kwangu.

Mambo: Ko urikusimuka kuda kuenda  
kupi,hatisati tapedza kukurukura ka  
ndine zvizhinji zvandinoda kutaura neni.

Ini: Ndanga ndati sezvo ndapedza nyaya  
yangu ndingadzokera zvangu kumba

kwangu.

Mambo: Aiwa Tapiwa, hauna  
kwaaurikuenda nhasi kusvika vanhu  
vandatuma vadzoka zvichida muvengi  
wacho, aida kukuuraya arikutokuona  
saka handitombodi kuti ubve mumaoko  
angu. Ndichataura naChiradza mukuru  
wemachinda angu kuti ambokutora  
andogara newe muimba yake.

Ini: Zvose ndinobvuma

mambo,ndisingazivi kuti vanhu  
vanozozvifarira here izvozvo nekuti  
vazhinji havandidi vamwe vanotondipa  
zita rekuti mubva kure sezvo ndisiri  
wedunhu rino.

Mambo: Ino nzvimbo inoti ini,hapana  
anopikisa zvinenge zvabuda mumuromo  
mangu chero ndikada kuti nhasi Tapiwa  
iwewe wava mambo hapana  
anozviraamba.

Ndakashaya kuti ko sei mambo  
vavakundifarira zvakadai,asi chinhu  
chandaiziva pamachinda avo ese  
hapana kana umwe zvake  
aindifarira.Mumoyo mangu ndakangoti  
sezvo zvataurwa nemuridzi wenzvimbo  
hapana chandingapikisa.ndakagara  
namambo Mujinga kusvika zuva  
ravakudoka tichingotaura nyaya  
vachindibvunza zvakawanda wanda  
pamusoro pehama dzevabereki vangu  
dzaiva dzakasara  
kuMhondoro.Ndakavaudza chokwadi  
kuti "inini handina zvizhinji zvandinoziva  
pamusoro pehama dzangu asi  
chandinoziva chete ndechekuti  
ndirimwana wekwaMadondo.Hama



dzangu dzaisafarira baba vangu izvo  
zvazopa kuti vabve ikoko vachiuya  
kuno."

Mambo vakanetseka zvikuru kuti ko sei  
hama dzababa vako dzakava neruvengo  
kusvika pakutadza kana kuzochengeta  
umwe wavo. Vakatanga kufungira kuti  
zvinogona kudaro variivo vakauya  
kuzoparadza pfuma yako asi  
vakazofunga futi kuti kana zvirizvipfuyo  
vaizoenda nazvo sei Mhondoro kure  
kure kwakadaro. Chaisaziva mambo  
ndechekuti pfuma yangu yainge yagara  
ichibiwa asi munhu wacho aitora  
padoko padoko zvekuti ndaingoti

pamwe zvipfuyo zvangu zvirikurasika  
izvo kwete.

Chikafu chemanheru chakauya  
nemusikana anga ambotivigira  
masikati,paakadzokera tava kutotanga  
kugeza maoko kuti tidye ndiyo nguva  
yakabudikira mukadzi waMambo  
achifamba nevamwe vasikana vaviri  
vaiva vakapfeka zvipfeko zvakafanana,  
zvaiyevedza uye zvine ruvara rwaipenya  
penya.Pakati pevasikana ava pakaita  
umwe wandakafananidza naThelma  
zvekuti ndakapotsa ndada kumujambira

asi ndakazvidzora sezvo ndaiva pamba  
pevaridzi. Vakasvika vakapfugama vese  
vakaita zvekuteverera asi mukadzi  
wambambo ndoaiva mberi kwevasikana  
ava.

"Ndauya mambo wangu"

Vakadaro mukadzi wamambo  
achikotamisa uso hwake pamberi  
pemurume wake.

Mambo: Waita zvakanaka chose,saka wanga wavataurira here zvese sekuudza kwandakakuita.

"Hongu ndavataurira zvese uye hapana apikisa ndisingazivi kuti murandakomana ati chii?"

Ndakanetseka panguva yavakati muranda komana waitendeka inini.

Mambo: Ndanga ndisati ndataura naye  
hangu nekuti kuuya kwaazoita pano  
anga atofambira dzakewo. Saka  
Chiradza naStaben vanga vasati  
vadzosa mhinduro pakufamba  
kwavakaita vachindoferefeta.

Zvakanaka mambo wangu saka isu  
regai tidzokere, saka arikundorara kupi  
Tapiwa sezvo kwasviba kudai anga  
achadzokere here?

Mambo: Haana  
kwaachadzokerera,ndanga ndafunga  
kuzomuisa kwaChiradza nekuti ndiye  
munhu mukuru uye anoziva nyaya yese  
sezvo ndakamuruma nzeve.

"Zvakanakai mambo wangu,chidyai  
chikafu chenyu chingapora"

Vakakotamisa uso hwavo kanokwana  
katatu ndobva vasimuka vese  
vakadzokera.Veduwe hapana chinhu  
chakaoma sekuti vanhu vanotaura  
nezvako uripo asi usingazivi musoro

wenyaya yacho.Ndakatanga kunetseka  
asi kuti ndishame muromo ndibvunze  
zvakaramba nekuti ndainge ndabatwa  
nekutya.Mambo vakapedza kugeza  
maoko avo ndobva vanditambidza dishi  
kuti ndigeze,nguva yandakada  
kugamuchira semunhu ainge achihuta  
ndakashaya simba rekubata dishi  
richibva radonhera pasi mvura yese  
ikateuka.Ndakafunga kuti zvimwe  
mambo vachanditsamwira asi  
vakatoseka zvavo vachindibvunza kuti;

"Ko sei urikubvunda kudaro nhai mwana

wangu?"

Ini: Kwete mambo wangu handisi kubvunda asi ndine nhetemwa.

Mambo: Usatya kana kudedera nekuti pano pauri ndipo pamusha pako uye wakasununguka kutaura zvese zvaunoda hapana anokubvunza.

Ini: Ehwoi mambo wangu.



Ndakazoratidzwa kwaiva nechirongo  
chemvura ndiko kwandakazowana imwe  
mvura yekugeza maoko tikabva tatanga  
kudya asi hapana aitura neumwe  
panguva iyoyo. Hongu ndakadya hangu  
asi sadza racho harina kupinda hana  
yangu ichingorova, ndaisada kuti  
mambo vazvione kuti ndirikutya.

Patakapedza kudya mambo vakaona  
kuti ndainge ndavakukotsira,  
ndakazoratidzwa imba yekundorara  
ndobva ndaita zvekuperekedzwa  
nevasikana vava vaviri vakasiya

vawaridza bonde pamwe chete  
nekundipa zvekufuka.Chakandinetsa  
pavasikana ava ndechekuti hapana kana  
umwe akataura vaingoita zvavaiita  
vakanyarara izvo zvakandipa kuti  
ndifunganye zvakawanda.

Zvakatora nguva kuti hope dzangu  
dzibate manheru aya nekuda  
kwendangariro asi munongoziva kuti  
hope hadzina mugoni  
dzakangozonditora ndiripakufunga  
kudaro.Ndakatanga kurota ndichiona  
varume vaya vanga vatumwa naMambo  
vachiita kunge ivo pachavo  
varikurwa,ndainge ndirikure navo

zvisingaite asi pandakaona  
vavakubudisirana mabakatwa ndipo  
pandakaita zvekumbururuka ndichibva  
pandaiva ndobva ndasvika  
ndichindomhara pavaiva ndikabata  
bvumo ranga ratosara padoko doko kuti  
ribaye pachipfuva peumwe  
wacho.Zvakashamisa vanhu vazhinji  
vaivapo pakaitika chiitiko ichi zvekuti  
ndakaona vanhu vazhinji vachiuya mberi  
kwangu vachindigwadama.Murume uya  
aida kubaya umwe akabatwa neshungu  
akange avakuda kurwisana neni asi  
panguva yaakada kundibaya ndakabva  
ndambururuka ndichimutiza ndobva  
ndanowira kunzvimbo yandaisaziva asi  
pandakadonha pachu ndakaita

zvekugamhiwa naThelma.

Ndakapepuka ndichinzwa kurira  
kwemajongwe ndikaziva kuti kunze  
kwainge kwaedza.Handina kunyanya  
kunetseka nehope idzi nekuti ndaitoziva  
kuti kana ndikarara chete handishayi  
chekurota chinenge china Thelma  
mukati.Shungu dzangu dzanga  
dzavakuda kuziva kuti Thelma wacho  
ndiyani asi vekubvunza chaiye  
ndaimushaya.

Pandakada kubuda panze  
ndakasanganidzana nemusikana uya  
wandaifananidza naThelma akamira  
pamusuwo pangu,paakandiona  
akanditendekera neruoko achindiraridza  
pekufamba napo;

Ini: Nhai mwana sikana,handizivi hangu  
kana ndichityora mutemo asi  
ndokumbirawo kubvunza.

Akaramba akanditarisa kumeso haana  
kundidavira,akabva atendeka zvakare  
kuti ndifambe.

Ini: Ndinokumbirawo kuti kana ndatadza  
usandoudza mambo ndingaitwa  
kanyama kanyama.

Ndakadaro ndichifamba mberi kwake  
iye arikumashure.Ndakaona umwe  
wacho musikana arimberi kwangu  
achindisheedza neruoko kuti ndiende  
paanga akamira pedyo neimba  
yaMambo yandaiva ndakagara navo  
nezuro.Ndakasvika paya  
ndikatendekerwa kuti ndipinde  
mumba,ndokuona mambo vatovamo

nechekare chikafu chatoiswa patafura  
kuti tidye.

Ini: Mamukasei mambo wangu?

Mambo: Ndamuka zvakanaka,gara hako  
panzvimbo yako apo.

Ndakandogara pandainge ndaratidzwa  
ndobva ndamirira kunzwa zvichataura  
mambo nekuti ndaida kuziva kuti

machinda avo anga adzoka  
here.Mambo havana zvavakataura  
kunze kwekunditambidza komichi yaiva  
nesvutugadzike yainge yakarungiwa  
mukaka zvese neshuga  
nechekare.Takadya tikapedza vashandi  
vakauya vakazorongedza mandiro  
avo,ndakanzwa mambo vava kukosora  
kosora vachigadzira pahuro pavo;

Ndirikuzviona Tapiwa kuti urikunetseka  
mupfungwa dzako nekuda  
kwenhaurirano yawakanzwa ndichitaura  
namai vako.



Ini: Hongu mambo wangu,kana ndiine  
chandakatadza ndinokumbirawo kuti  
mundiudze.hapana kana munhu arikuda  
kutura neni pano kunze kwenyu imimi.

Mambo vakaseka zvandisina kuziva kuti  
vasekei,handifungi kuti mubvunzo  
wandainge ndabvunza waisetsa ini.

Mambo: Hongu hapana munhu

anemvumo yekukutaudza pano kunze  
kwangu asi usatya sekutaura  
kwandakaita nezuro zvizhinji tichataura  
kanaChiradza adzoka.

Ini: Zvino havasati vadzoka here?

Mambo: Handizivi kuti vabatwa nei,kana  
vakange vashaya zvipfuyo zvako  
mudunhu rino ndichavatuma  
kwaNembudziya kudunhu

ratakaganhurana naro anogona ari Chief  
Nembudziya akatumira machinda ake  
kuda kuedza masimba angu.

Ini: Madini mangosiyana nazvo  
mambo,hazvizodyari ruvengo here  
zvikazokonzera hondo inozouraisa  
vanhu vakawanda,zita rangu ndiro  
rinosviba kuchinzi ndiwe honzeri.

Ndakadaro ndichitofunga hope dzangu  
dziya dzekurwisana kwakaita machinda  
amambo,ndakangoti nechemumoyo  
pamwe zvine chirevo sezvo Mambo

vanga votauration zvehondo.

Mambo: Ndine hope dzandarota  
ndichiudzwa kuti kana pasina kurwa  
kwaitika pakati pangu naNembudziya  
chokwadi hachife chakabuda uye iwewe  
unofanirwa kuti uendeko kuhondo  
kwacho saka izvezvi ndoda kukuendesa  
kwaunondodzidziswa kuseenzeesa  
bvumo nemuseve.

Ini: Inini handina kudzidziswa hondo

namai vangu,chavakandidzidzisa chete  
kunamata.

Mambo: Handisi kuda munhu  
anondipikisa Tapiwa,chisimuka izvezvi  
hona watomirirwa apo.

Ndakasimudza musoro ndichitarisa  
kwavanga vatendeka ndokuona varume  
vatatu vanga vakamira.Ndakasimuka  
ndobva ndabatwa ruoko ndikaendwa  
neni,ndakasvika ndikapuwa bvumo  
nemuseve ndobva ndatanga  
kudzidziswa ndichiudzwa mapotsererwo

ebvumo nemuseve.Hapana aitura neni  
nemuromo zvese taitaura nemaoko  
kunge mbeveve.

Avamanheru ndakadzosewa kwaiva  
namambo apa ndaiva ndaita kuneta  
chaiko.Mambo vakabvunza machinda  
aindidzidzisa kuti ndanga ndichigona  
here,mhinduro yevarume ava yakafadza  
mambo zvikuru.Pakadzokera machinda  
mambo vakabva vandiratudza bvumo,uta  
nemiseve dzavakati ndizoshandise kana  
tava kuenda kundorwa.Vakatanga  
kunditadza nyaya dzaisetsa  
vachindiudza mazita emiseve yavo  
mishanu yavainge vandipa.

Chiradza naStaben vakasvika tiripakati  
pekufara asi vakagumbura mambo  
nekuti vakadzoka vasina chavanga  
vawana.Ndakamboda kuvanzwira tsitsi  
ndikambofunga kuti ndivaudze sango  
raiva nezvipfuyo zvangu asi ndaibva  
ndakasika kufunga zvandainge  
ndakaudzwa naThelma kuhope.

Vakanzi vadzokere zvakare kundotsvaka  
usiku ihwohwo asi mambo pavakasara  
vakabva vachinja moyo vakanditi  
ndimhanye nditevere machinda asati  
asvika kure kuti vadzoke.

Ndakamhanya veduwe asi ndirimunzira  
ndakasangana nerimwe jinda  
raitomhanya richiita kunge ririkuinda  
kwanga kuna mambo.

"Heyy ndiwe ani arikumhanya usiku  
uno?"

Akadaro murume uya atondibata ruoko  
rwangu zvine simba.

Ini: Ndatumwa namambo ishe



wangu,zvanzi Staben naChiradza  
ngavadzoke nekukasika.

Manje nehondo irikoko unodzoka wafa  
mufana wangu ,ngatidzokei tose  
tondoudza mambo kuti vanhu  
vourayana.

Ini: Kwete ishe wangu hazvingaiti kuti  
ndidzokere munzira ndisina kusvitsa  
shoko,zvitori nane kuti imimi  
mundiperekedze ikoko tozodzoka tose.

Ndakadaro ndichizvipa zvivindi nekuti  
kurwa kwanga kwataurwa apa ndanga  
ndakurota,takamhanya nemuchinda uya  
zveshuwa takasvika zvinhu zvisina  
kumira zvakanaka vanhu vatobudisirana  
mabakatwa kuti vabayane.Mamwe  
machinda ese ainge atiza amira  
nechekure asi ini ndakamhanya ndobva  
ndasvika ndichijamba ndikakasika  
kubata bakatwa rachiradza risati rabaya  
Staben.Pandakandomira nechekure  
ndini ndaiva ndabata bakatwa  
muruoko,Chiradza akada  
kumbopaparika achindivinga asi  
ndakatiza ndichitodanidzira kuti zvanzi  
namambo muuye kuimba yavo

yekutongera.

Pavakanzwa izvi vese vakabatwa  
nekutya ndobva vatanga  
kundinyengerera kuti ndidzose bakatwa  
uye ndisaudza mambo kuti vanga  
vachirwa.

Semwana aiteerera uye asina zvaaiziva  
ndakabvuma zvese zvavanga  
vanditaurira ndipo pakazoyanana vaviri  
ava tikabva tazoenda kuna mambo  
tirivatatu.

Mambo: Chiradza, ndaisa mukomana  
uyu mumaoko ako akangodzoka chete  
afa nekubaiwa ziva kuti iwe nemhuri  
yako mose maparara, ndaona kuti muno  
mudunhu hamusimo maita mhandu asi  
pakurota kwangu kwandakaita mhandu  
irikudunhu raNembudziya saka tora  
machinda ese epano pamuzinda  
mupinde munzira muende kundovarwisa  
motora zvipfuyo zvavo  
zvose. Pauchange uchifamba iwe  
ndopachange pana Tapiwa kusvika  
madzoka.

Mambo vakati vachipedza kutaura  
pamuzinda wavo pakaita bata wabata  
vanhu vachigadzira zvombo zvavo. Ini  
ndaiva ndatobatawo pfumo nemiseve  
dzangu ndatongomirira chete kuti tibude  
kunyangwe zvazvo hana yangu yairova  
asi panga pasina  
yekutamba. Takazobvapo nguva dzava  
kuma 9pm ndobva tapinda munzira  
takananga kunzvimbo  
yekwaNembudziya kwandaisaziva

.....

\*End of chapter 7\*

[04/10, 10:01] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

\*CHAPTER 8      \*

<https://chat.whatsapp.com/HYxyImhoKL12uFvsLPusi0>

\*\_Thelma (Ruvheneko)\_\*



Ko zvamatifuratira nhayi madzitateguru  
edu kana pane chatakatadza chinoda  
kuripwa tinoripa hedu, zvimwe takatyora  
mutemo nekusaziva. Saka  
musativanzira budai pachena. Itai moyo  
murefu vana vasaparara musha wose  
zvawazara ropa varikufa vasina  
mhaka, kutouya kwamuri kudai  
kupererwa nezano tinotambira mhosva  
dzedu dzose asi tinzwireiwo ngonzi.  
Zvamakati ndimi mbereko muchabereka  
dzinza rose kana magumbuka zvakadayi  
mosunungura mbereko vana vanoshaya  
mubvumbamire here nhai?.

\_Ruvheneko enda unoudza vakuru vako  
kuti zvatakawirirana gore riya pakati  
pemakomo anoyera,vave papi ndakati  
kudii kana varamba kusunganidza  
ndangariro dzavo vaudze kuti ndaona  
ropa radeuka zhinji kwazvo,vangafamba  
kwese kwavanoda asi kana vasina  
kuzadzisa chitsidzo pfuma yavo  
ichaparara uye vasazofunga kuti  
vadzimu vadambura mbereko.\_

Ndakapepuka kubva kuhope ndokuona  
aizve ko zvapakamira mazirume aive  
akasviba asi akayamwa mukaka  
akaguta dzaiva hwitakwi chaidzo  
dzevarume.Mumaoko avo vaiva

vakabata mapfumo asi aiva pedyo neni  
aiva akabata rine ropa nyoro, handina  
kutya nezvandaiona asi ndakarangarira  
mashoko andaive ndasanganidzana  
nawo kuhope. Ndakasimuka pandaive  
ndivete asi ndaive ndatangirwa murume  
uya akabva andinongedzera bvumo rake  
zviya zvekuti ukaita zvekutamba  
tinokuparadza.

"Hapana kwauri kuenda kasika  
kutiudza....."

Haana kuzopedza kutaura mashoko ake

nekuti ndaiva ndaita kuguta  
neshungu,ndakabva ndangomufuridza  
mumaziso make ndokusiya achitsokota  
maziso ndakamhaya kumatumba  
amambo kwandakasvika mambo  
vakaita kuzviunganidza  
ndakasvikopfugama pamberi pavo  
ndokuvabvunza chainge chatora  
nzvimbo. Asi vakatadza kupindura  
nehukasha wavaive nawo uye murume  
mukuru aitovimha misodzi,mhamha  
ndivo vakazoti.

"Inga unovata dzehumambo isu ziso  
redu riripauri. hona musha wababa vako  
wapinda vavengi varikuparadza

nevasina mhaka. Mambo wekudunhu  
ratakapira gotsi arikuti takapamba  
hupfumi hwevanhu vake. Machinda ose  
ndiko kwaaenda kunorwisa kuti vana  
vedunhu rino vasaparare."

Handina kumirira kuti vapedze kutaura,  
ndakabuda ndirichahwiriri ndakananga  
mudunhu umo maingonzwikwa yohwe  
yohwe vanhu vachitiza nehupenyu  
hwavo. Ndakangobata cheni yangu yaiva  
muhuro ndikanzwa mhere mhere  
yevaitiza machinda ekwedu  
akatangawo kutiza mushure maizvozvo  
kwakauya chamupupuri, chakatanga  
kumhanya neni ndirimukati macho

pachakazopera ndakabva ndaona umwe mukomana aive akavata pasi asi aigomera nekurwadziwa.

Ndakamubatsira akasimuka asi ropa raiita kuchururuka nechepafudzi paive abaiwa. Aitadza kana kumira simba rapera,patainge tavakufamba akatendeka kurutivi rwake pandakatarisa ndakaona miseve mishanu nebvuma raiva nemufananidza wemusoro wemunhu kwarinobatwa nako.Ndakatora zvinhu zviya ndokubva ndamubatsira kufamba asi tisina kwatasvika ndakanzwa avakudana zita rangu, zvakandivhundutsa nekuti

ndaisamuziva asi paaakasimudza chiso  
chake ndakamumbundira muropa  
imomo zvekuti kana dai paisvika munhu  
aigona kushaya kuziva kuti ndiyani  
akuvara.

Ndakaona kuti ndikaenda naye  
kumuzinda mambo  
havaimbomotambira,ndakaenda naye  
kumba kwesvikiro remudunhu avo  
vandakawana vakaita kuzvivharira  
mudzimba.Ndakasvika  
ndikavatsanangurira zvanga zvaitika  
ndikavaudza kuti haafani kufa ndiye  
achatiudza kwavabva. Ndakamusiya  
ndamurapa nemushonga wechivanhu

ndikamuti ambozorora kana amuka  
taizotaura.

Ndichibvapo ndakabereka tsoka  
ndakananga kumba, ndakasvika baba  
vangu vachifa zvavo nekuseka  
zvikatondishamisa, ndakavabvunza kuti  
vaive vafadzwa neyi mudunhu mabva  
kuita hondo yadeura ropa revamwe.  
Ndaifunga kuti ivo vachandidavira asi  
vakangozunguza musoro wavo  
nekutosimuka ndakatadza kuziva kuti  
zvaimboreveko.

Mhamha ndivo vakazondiudza kuti



mudumbu Maita mashura kwangonyuka  
shumba yatanga kumhanyisa vavengi.  
Semunhu aiziva zvazvaireva  
ndakangosimuka chinyararire  
ndokunozvivharira munhanga mangu  
ndine zvandaida kuona kuti pane  
chirevo chandingaratidzwa here  
pamusoro paTapiwa wandainge  
ndasanganidzana naye apa nguva yese  
ndaiita zvekungomurota.

Hapana chandakakwanisa kuratidza  
kana kunyeverwa asi handina kugumira  
ipapo,manheru vanhu vavata  
ndakamuka chinyararire ndokuenda  
kwandaive ndasiya Tapiwa kuti

ndinonatsa kutaura naye,ndaiziva kuti  
mushonga wandanga ndamuzora  
unopedza marwadzo  
nekukasika.Ndakasvika akagara  
hamheno zvaifungwa nekuti haana  
kundiona pandakapinda mumba.  
Ndakazoita zvekudana nezita ndipo  
paakavhunduka.Ndakamutarisa pachiso  
chake ndikangoona ndava  
kunyemwerera,ndakaona achiratidza  
kusununguka ndipo pandakatanga  
kumutaudza.;

"Waibaiwa nebvumo uchibvepi uye kuno wauya nani? ndakakupa meso anoona wani uye chenjedzo zuva nezuva ndaida ufambe negwara kwaro unoda kuteura ropa risina mhaka mangwana unoitungamira sei dunhu uchinonoka kufunga kudaro."

Ndakataura mashoko aya nekuti pane zvandaiva ndaratidzwa nguva yandakapinda mumba.ndaive ndakapfeka chiso chebasa nekuti ainge andibhowa nekuita kwake.

\_Munhu anganzi endai munorwa musina humbowo wezvamuri kutsvaga,

manje zvaaive ofa kufira chigaro  
chaasati agadzwa inga zvaiti  
ndakadzidziswa kunamata nevabereki  
vangu akaregerei kunamata kuti  
apihwe maziso emweya.\_

Ndaifunga izvi ndakamirira mhinduro  
yake apa maziso angu ainge akatarira  
bvumo riya remufananidzo wemunhu  
ndikaona rine chirevo chikuru.

Tapiwa:~ Iwe chisikana usada  
kundinzwa wanza, unoti  
zvawandinhonga une kodzero  
yekutaura zvaunoda kwandari

ndinokudevedzera machinda ekwedu  
akuparadze. Umbori ani anongonyuka  
pose pose kunge hohwa, muhope  
dzangu wandishaisa zororo  
mundangariro dzangu ndiwe watonga .  
unombodeiko muupenyu hwangu kana  
une zvaunoda handichina chandiinacho  
ndangove ini sekuona kwauri kuita ndini  
zvose pandiri pano.

Ini: Usada kundinakidza chikomana  
machinda ekwenyu kutaura kuno vari  
kumbeya nesango shumba

irikudzvovera mumakotsi avo izvozvi  
vachanoudza vamwe kuti dunhu rino  
harisi rekutambira mahumbwe,iwewe  
ndirikuda kukuyamura nekuti upenyu  
hwako huri patambo.

Tapiwa: Avo havana mhaka vangori  
vatumwa, vatumwa namambo tine  
hupfumi hwakapambwa ndiwo  
hwatirikutsvaga saka mambo arikuti  
pfuma iyi yakapambiwa nedunhu rino.

Ini: Hooo urikuti zvako havana mhaka,ko  
akubaya wamuona here?

Tapiwa: Aiwa handina chandaona  
ini,ndangozoonna ndava pasi.

Ini: Anonzi Chiradza ndiye akubaya, anga  
achida kubaya pari pamoyo asi apotsa.  
Shuviro yake yanga iri yekuda kukuuraya  
awane zvekunonyepa  
kwamambo,kutaura kudai  
arikufungidzira kuti iwewe waparara asi

midzimu yako ichiri kukuda. Chiradza  
uyu arikuda humambo saka iwe kana  
uri mupenyu hapana chaanowana ndiye  
akatora hupfumi hwako ndinofunga  
wakaona pane zvipfuyo zvako. kana  
wakatevedzera zvataitaura  
muhope. Hapana waunofana kuudza  
pane zvipfuyo kusvika iye  
nyakuzvivigapo adura, parizvino  
wotogara pano. wakahwanda hapafanire  
kuva neanokuona kunze kwababa  
vepano nekuti ukangoonekwa  
nemachinda amambo ungaitwa  
kanyama kanyama.



Ndaifunga kuti acharamba zvandaive ndamuudza asi akagutsurira musoro akanditarira, ndakaona musodzi yava kubuda ichierera mumatama ake. Moyo wangu wakabva warwadziwa,

Kumuona achichema ndakapfugama paive akagara ndikamupukuta musodzi yose akabva anditarisa nemaziso anga akatsvuka. ndakaramba ndakamutarisawo mumeso ake ndaida kuona kuti anondida here sekumuda kwandaiita?

Tapiwa: Chiso chako chakanaka  
mwanasikana zvabva zvanyungudisa  
moyo wangu. maoko ako akapfava  
zvokuti pawabata matama angu  
ndanzwa ropa kumhanya netsinga  
zvichiita kutekenyedza kana ririvhudzi  
ramira zvandisati ndambonzwa  
muupenyu hwangu.

Mashoko ake akaita kuti ndinyungudike  
ndakamubata huro kuti chiso chake  
chisvedere pedyo neni. Waingonzwa  
kufemereka kunge vanhu vambenge  
vachimhanyiswa. ndakamutsvoda

ndokumirira iye kuti aitewo zvimwe  
chetewo, paakanditsvoda ndakanzwa  
muviri wangu kusununguka.

Takatsvodana zvisina ani nani  
akamboona imba yaive yakaita  
runyararo miromo yedu ndiyo  
yaingotaurirana chete. dayi pasina  
zvirigo zviri pandiri ndaimuti azadzise  
chirevo tirerukirwe manje zvaive pandiri  
zvaisanditendera.

Tapuwa: Waba moyo wangu chisikana,  
ndaive nechishuwo chekukuona  
rakacheka nyika, urimukadzi

wandakapihwa na nyadenga  
iwewe.Zvino zvauri mukunda wamambo  
ndokutora seiko uye ndoindepiko newe  
ini ndingori hanya zvayo isina chainacho.

Ini: "Ndiri mwana wamambo hongu. uye  
hapana chandisina kana chandinoshaya,  
chandinoda moyo wako chete kuti uve  
wangu ndoga tozadzisa zvirototo zvedu,  
ini wangu moyo ndakakupa kare  
mudiwa nguva chete ndiyo yandainge  
ndakamirira sekuvimbiswa  
kwandakaitwa nesvikiro redunhu rino.

Hatina kana kurara musi uyu,  
ndakazobuda mumba umu kunze kwava  
kutochena ndobva ndadzokera kumba  
kwedu. Mazuva akafamba newangu  
mudiwa tichisasana mai  
vakambondibvunza kuti "sei ndiri kugara  
ndichifara kudaro" Handina zvandakada  
kuvataurira asi ndakangonyemwerera  
ndakavatarisa.

Rimwe zuva mambo vakazosheedza  
dunhu rose vachida kuti vataure  
nezvechiitiko chakanga chaitika  
mudunhu. Nguva yose iyi vainge  
vakamira zvekuungana. sezvo vaitya  
kuti hondo inodzoka zvakare saka vanhu

vainge vakanzi vatombogada mudzimba  
kwemazuva gumi nerimwe (21 days  
lockdown).....

\*Tapiwa\*

Vakomana dunhu rataive taenda  
rakatakura. machinda eko anorwa  
zvisina ani akaona. Izvi zvakonzera kuti  
tikande mapfumo pasi ndokutanga

kutiza nehupenyu hwedu. Chiradza  
kubaya kwaakaita Tapiwa ndakamuona  
hangu avakuda kukata museve wepiri  
ndipo pakangonyuka  
shumba,vakomana pakamhanyiwa  
hapana aida kusara. Ndakaseka  
Chiradza obowa iyo shumba yacho  
inenge yaitoziva kuti ndiyo  
mhandu.Takasvika mambo vavete  
pavakanzwa kuti tasvika vakabuda  
vachimhanya munhu wavakatanga  
kubvunza ndi Tapiwa. Chiradza akabva  
ati adyiwa neshumba ndakamupa ziso  
rekuti urikumbozama kutiiko iwe.  
Mambo haana chaakataura  
akangopinda mudimba make  
chinyararire ndakasara ndikabvunza

Chiradza Kuti sei? anyepa zve  
zvikanzi.....\_

Ndakabva ndango pepuka ku hope idzi  
nguva yandairota Staben  
achirondedzera nyaya iyi kumachinda  
aya ekumbondirambidza kupinda  
paghedhi ndichida kundoona  
mambo.Chakandisvota ndapepuka  
kudaro ndechekuti handina kunzwa  
zvaida kutaurwa naChiradza,nguva  
yandainge ndichiri kushushikana  
nezvehope idzi uye kuda kuziva kuti  
upenyu hwangu huchazodini ndipo  
pandakanzwa ndava kusheedzwa  
nasekuru vandaigara navo kudunhu



rekwaNembudziya.....

\*End of chapter 8\*

T. P.M love you all

[04/10, 10:01] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

**\_\*WRITTEN BY\*\_**

**DR KD MAZANI**

**+27 84 048 8648**

**TAMARI MURENGA**

**+263 71 276 8826**

**AND**

PATIE

+27836691280

\*CHAPTER\* 9

\_\*CHIRADZA\*\_

Ndakanzwa hasha  
pandakakanganwiswa kubaya munhu  
wangu nekuti ndaitoona kuti kutaura  
kwaaida kuita kwaigona kukonzeresa  
zvakawanda,kuvengwa naMambo  
ozosvika pakupa Staben chigaro changu  
kana kuurawa chaiko nekuti zvaisadiwa  
mudunhu kuti pawane anopanduka  
waiurawa rakacheka nyika. Chandaiziva  
ndechekuti mambo aisatarisa kuti  
ndiyani waingotonga munhu  
zvinoenderana nezvaanenge atadza

zvisina kunzwira tsitsi mukati.

Zvino Tapiwa paakanditadzisa kubaya  
munhu ndakabva ndatofunga kuti  
ndingopfuudze ari ndiye ndikabva  
ndatanga kumuteera zvaakazotaura  
ndizvo zvakazondidzora uyezve Staben  
anga avakuratidza  
kunzwisisa,takazoyanana tikabva  
taenda kwataidiwa.

Tichisvika kwaive na mambo ndakava  
nemufaro kuti staben haana kuzoratidza  
kuti akange achiri kuda kutaura  
chokwadi mushure mekunge taudzwa  
zvekunorwisa vanhu vakange vasina  
mhosva tichiziva hedu kwaive  
nezvipfuyo zvaTapiwa sekuziva kwangu  
kuvengana kwanga kwagara kuripo  
pakati pematunhu maviri aya saka  
zvaisaita kuti tirambe dai taive  
nechikonzero zvaibuda manje apa  
pakanga pasina matiziro  
zvandainyatsoziva ndega.

Takatora zvinhu zvedu zvekurwisa  
nevamwe varwi vataiziva kuti vaimira  
mira pakurwisa vanhu chakazondifadza  
ndechekuti chero Tapiwa akanzi aifanira  
kuendavo izvo vakanonoka vataura kana  
zvekuti ndaifanira kumuchengetedza  
ndakatozvirasira kure ndikazviudza kuti  
uku ndiko kwandaizodzoka  
ndamupfuudza chete handaizoshaya  
chekudzoka ndichitaura kuna mambo  
nekuti vaiziva kuti chero muchirwa pane  
pamwe pamunogona kuzorasana chete.

Takarongana zvakanaka naka nguva  
dzatakanga takusvika ini ndakanga  
ndine vakomana vamwe Tapiwa aripovo  
vamwe vakaenda nerimwe divi.Tiripakati  
pekufamba kudaro tichida kukomba  
musha wamambo Nembudzi pakaita  
vamwe varume vashanu vaifamba  
vachiratidza kuti varikubva mudunhu  
vachiuya kuchisango  
kwataiva.Takavahwanda kuzvika vava  
pedyo nesu ndipo patakaita vekubata



asi umwe wavo akatiza,takaziva kuti  
kutiza kwaita munhu uyu  
avakutondoudza mambo Nembudziya  
kuti mudunhu maita vavengi ndipo  
patakatanga kuvhundusira varume  
vataiva navo tichiti tiudzei kune  
zvipfuwo zvedu zvamakapamba.Varume  
ava vakaratidza kushushikana  
zvaingooneka zvega kuti hapana  
zvavaiziva asi hazvina kutimisa  
kuvarwisa nekuti taida kuzondoratidza  
mambo kuti basa ramatituma taita.

Takatorana nevarume vava ndobva  
ndaenda kumisha dzavo tikasiya  
taparadza ndobva tati mamwe

machinda maviri atanga tabva nawo  
ngaatore zvipfuwo zvavo zvese vafane  
kutinha vachidzokera kumuzinda  
wamambo Majinga.

Ndakazobvapo ndina staben nemumwe  
wema chinda amambo wedu tikabva  
tapinda kumuzinda wamambo apa  
hondo yainge yachitanga manje nekuti  
machinda amambo Nembudziya vainge  
vorwisawo kwete zvekutamba.

Ndakarohwa nehana nezvandakaona  
pamberi pangu ndakambofunga kuti  
pamwe kwaive kuri kurota nekuti  
ndaisatarisira zvakadaro yaive  
tsvarakadenga yaive yakazvirarira zvayo  
yakazendama pamuti. Ndakanyatso  
kumucherechedza chiso chake akarara  
kudaro ndikaona kuti akange ari  
musikana wandakange ndakamboona  
kurwizi akangoita zvekunyuka akatakura  
chirongo ndikavhiringika ndichishaya  
kuti chii chakange chiri kumboitika.  
Pandakazooka vamwe varamba  
vakanditarisa ndipo pandakabva

ndazvishingisa ndichibva  
ndamunongodzera ne pfumo randaive  
naro rakanga rine ropa reumwe munhu  
wandainge ndauraya.

Haana kutora nguva akange atomuka  
ndaifunga kuti achavhunduka kana  
kutozviitira nekuda kwema pfumo ataive  
takabata asi hazvina kuita sekudaro  
munhu akatoratidza kusatya. Pakanga

pakutaura Staben haana kuzopedzisa  
takabva tafuridzwa mumaziso tikabva  
tatoita kunge taiwe tatosvorwa takatora  
nguva tichipukuta maziso zvikazoita  
papera nguva asi ndakatoziva kuti  
musikana iyeye akange asina kumira  
mushe.

Takazobva pamuzinda uyu tavakutiza  
tikaenda kwataive tasiya Tapiwa apa

ndaive ndine tarisiro yekuti ndikasvika  
asati apfurwa nevanhu vaNembudziya  
ndini ndaizomupedzisa nekuti ndaisada  
kuti tidzokere kudunhu kwedu tiinaye.  
Ndakamuona achiedza kurwisavo  
ndikabva ndaenda nepakahwanda  
pandaisaoneka chero nani zvake  
ndikabuditsa museve wangu ndichibva  
ndamupfura nawo akanoridza mhere asi  
haana kudonha pasi. Pandakada kuti  
ndimubaye umwe kuti pasazoitika  
munana yakamboitika ndakabva  
ndanzwa kudzvova kweshumba  
zvakandivhunduka nekuti zvaisaitika  
pese pese izvozvo.

Ndakambotora nguva ndakamira  
ndichida kunyatsonzwa kuti ndizvo here  
zvandaive ndanzwa. Pandakazoda  
kuregedzera futi kechipiri ndakabva  
ndaona shumba ichiuya nekwataive tiri  
ichiita kudzvova ndakabva ndatotanga  
kutandanisana nemhepo nekuti  
ndaitoitya zvangu paisamirika ipapo.

Hapana munhu akasara kune vakanga  
vasina kuurayiwa takatanga  
kumhanyidzana tichidzokera kwedu  
nekuti pakange pasisamirike nekuda  
kwezvese zvakazoitika ipapo ndakabva  
ndazviudza kuti ndaisadzoka futi nekuti  
zvaitove pachena kuti makange musina  
kumira mushe mudunhu macho kana  
kuti nditi yakanga yabuda nekuti  
ndakanga ndauraya Tapiwa here,  
ndakazvishaira mupanda wacho ini.  
Ndakambofungira kuti zvimwe ndiyo  
yakanga yambomubatsira kubva  
kusango kwataive tambomusiya  
tikazoerekana tomuona avakuna



mambo asi ndakaona kuti kwete pamwe  
dunhu ratapinda rinoera Tapiwa  
angoriwo mutorwa zvake haangamboiti  
munana wakadaro.

Zvese izvi ndakazvifunga ndiri pakati  
pekumhanya kudzokera kwedu  
takazosvika tiri pakasiyana siyana vaya  
vaitinha zvipfuyo hatina kuvaona uye  
hapana akaziva kuti vakanga vaperera  
kupi.

Tichisvika mambo vakatoratidza  
kushamisika asi ndaiona kuti maziso  
avo aimhanya mhanya kutarisa  
mwanakomana vavo nechemumoyo  
ndaitofara zvangu kuti ndakanga  
ndazomugona manje Tapiwa hapana  
mumwe futi aizoda kuitwa mambo  
kunze kwangu ini ndini ndega ndaiziva  
zvakanwanda kana ari Staben aingoda  
hake kuzvimisa misa asi anga  
asingafarirwe sezvandaitwa. Mambo  
vakasimuka pavainge vakagata ndobva  
vaita kunge varikutiverenga apa maziso  
avo anga aita kutsvuka nehasha, hapana  
kana umwe zvake akakwanisa kushama

muromo kuti ataure tose tainge  
takamira kunge masoja arikusimudza  
mureza wenyika.

Mambo: "Nhai vakomana zvamunenge  
makashota wani uye zvinhu  
zvamafambira hamuna. Chii chaizvo  
chiri kumboitika musandiudze kuti  
matadza kutora zvinhu zvedu  
zvapakambwa nekuti ndinoziva

machinda eko ari ndonda dzisinga gone  
kurwisa, ndini ndaitombovabatsira  
mazuva atawirirana, saka ndiudzei kuti  
chii chiri kumboitika ndisati ndaita  
zvimwe zvinhu pano apa, arikupi Tapiwa  
iwe Chiradza?"

Akataura kudaro mambo achiita  
kupupuma masiriri nehasha achiratidza  
kuti akanga asina kufarira nekudzoka  
takaita takashota uye tisina zvipfuyo  
zvaTapiwa.

Ini: "Ndine hurombo mambo wangu  
zvinhu hazvina kufamba semarongerero  
atange tazviita. Ndinoona kuti dunhu  
racho rakarema nekuti kana ini chaiye  
handisi kuziva zvanyatsoitika.

Pangonyuka shumba ikabva yatanga  
kutidzingirira handizivi Tapiwa  
azvifambisa sei patanga tichimhanya  
ndakamubata ruoko akabva adonha,  
abva adyiwa neshumba hapana  
zvandakwanisa kuita nekuti ndaitotyira  
hupenyu hwangu asi ndamboedza

kumuvhikira ndikasvika pakupererwa  
ndichibva ndatiza nehupenyu hwangu.  
Nekuti yanga yavakuda kutondidyawo,  
asi kwakaoma uku hakusi  
kwekudzokera nekuti mamwe machinda  
edu atisiya zvinorwadza changamire  
wangu tose tingatoperere musango  
madzimai edu dzikasara dzava  
chirikadzi".

Ndakapedza kutaura  
ndichitonyepedzera kurwadziwa asi

mumoyo ndainzwa kufara.

Pandakatarisa kuna Staben ndakaona  
achiratidza kushamisika ndizvo  
zvakanga zvakundibhohwa izvozvo  
nekuti ndakange ndisisazive paamire  
chaipo apa ndakatoona kuti aigona  
kunditengesa chete .

Mambo hapana chavakataura asi  
vairatidza kubatikana zvikuru asi  
ndaiziva kuti ndezve nguva diki diki  
zvinenge zvapera chete nekuti ndakange

ndagara naye nguva yakareba. Mambo akatisiya takamira achibva atobuda,mamwe machinda ese akabva abuwo vava kuenda kudzimba dzavo.Ini ndikasara tangotarisa na staben nekuda kwechiitiko icho takange tisisaziva zvaifungwa namambo nguva iyi, chandaisada apa kuzonzi tidzokere izvo ndakazviudza kuti ndaisabvuma.

Staben: Saka urikutofara kuti zvawaida zvaitaka apa ndiri kuziva kuti ndiwe wamubaya nemuseve wako ndakuona



zvangu asi ndakakuudza kuti  
ngatichisiyane nazvo hapana  
kwatinosvika, ko akasara akamuka  
akadzoka pano unotii kuna mambo  
nekuti kamwana kaye kanenge kane  
zviri paari chete.

Staben paakataura mashoko aya  
ndakamborohwa nehana kuti ko chikava  
chokwadi ndaizoita sei. Ndakatoona  
ndakupihwa murango wangu na mambo  
asi pandakarangarira mabayiro andaive  
ndamuita uye akanga asara asina  
anokwanisa kubatsira plus shumba  
yakatidzingirira yaigona kumudya kana  
kusara achipedziswa nevanhu vedunhu  
iroro vachiti imhandu. Ndakabva

ndatotanga kusekerera hangu  
pandaifunga zvese izvozvo sezvo  
ndaiziva kuti Tapiwa haararame,inga  
vakareva wani vakuru kuti tsuro haiponi  
rutsva kaviri zvaitova pachena kuti apa  
ndanga ndamuparadza zvechokwadi.

Ini: Parizvino hapana anodzoka ndiri  
kukuudza nekuti ndine chokwadi chekuti  
atofa chaiko kana akabuda apa anenge  
asiri munhu. Dai uri kutofara kwete  
kusuruvara kwauri kuita uku nekuti

mhandu yedu yafa. Chero akadzoka  
haana kumbondiona ndichimubaya saka  
hapana chekutya apa asi zvikangosvika  
chete kuna mambo ndoziva kuti ndiwe  
tinopedzerana chete nekuti unenge  
wakuda kuvhiringa zvinhu zvangu  
kwandakabva kure ini saka handidi  
anondiendera mberi,usakanganwa futi  
kutikazoitamambo iwewe uchava  
mutevedzeri wangu.

Staben: "Handisinei zvangu nezvinhu  
zvenyu asi chokwadi kana chakuda  
kubuda chinobuda chega ini  
musazondipinze munyaya dzenyu  
handisisimo ndakageza maoko apa  
ndakangobvumira kuenda nemi uku  
ndisina kutaura nekuti ndaitotya kuti  
ungatondiuraire chokwadi  
sezvawakanga wvaakuda kuita imboita  
asi ziva kuti mambo handivaudze asi  
nerimwe remazuva vachazviziva ndipo  
pauchazorangarira mashoko angu. Kana  
irinyaya yechigaro chenyembe  
dzeumambo handinei nacho zvine  
makuva izvi saka chero zvaurikutura  
zvekuda kuzondiita mutevedzi wako  
inini bodo handide hangu.

Aidaro achisimudza maoko mudenga  
sezviya zvinoita munhu asarenda  
pakurwa,achipedza akabva atobuda  
zvake ndisina kana kumudavida  
ndikasara ndakamira ndega.Hazvina  
kundityisa izvi nekuti ndakaziva kuti  
aisambobuditsa chokwadi nekuti  
ndaityiwa dunhu rese kana paripakurwa  
nebvumo hapana aiti pwee.

Ndakazoenda kumba kwangu sezvo  
ndakange ndatosuwa mhuri yangu  
ndichisvika yakaratidza kufara neniwi  
nemufaro wandaive nawo zvakabva  
zvatoita kuti ndivauraire mbudzi tikara  
tichigocha nyama usiku ihwohwo. Apa  
ndaipemberera umambo chero ndanga  
ndisina kuudzwa

asi ndaiziva kuti hapana mumwe  
aizoitwa kunze kwangu chete.

Mazuva akafamba mambo havana  
kumbotaura nezvenyaya yacho ndaive  
ndavakushaya kuti vakange  
varikumbofungei nechiitiko ichi asi  
chandaiona kuti vaigara vakabatikana  
vasina kusununguka semazuva ese  
zvandaivaziva vachiita. Kana nyaya  
chaidzo vakange vasisina maigona  
kungoswera makatarisana asi  
ndaizvisimbisa ndichiti zvaizopera chete  
nekufamba kwenguva hapana  
pavaizoramba vachifunga nezve  
kamunhu kaisambove mwana wake  
kana nehukama pakange pasina.

Rimwe zuva ndakange ndakatozvigarira  
zvangu nemhuri yangu ndichitoedza  
kufunga kuti ndoitanga sei nyaya  
yehumambo nekuti ndakange  
ndakutoda kupihwa humambo  
ndaishaona chainetsa kuti vandipe ini  
ndaive pedyo navo. Panguva  
yandaifunga zvekuti ndiitwe mambo  
ndakabva ndavhundutswa  
nekamukomana kakauya kachiti  
ndaidiwa namambo hana yakamborova  
ndichiedza kufunga kuti chingava chii



chavaive varikundidaidzira. Ndichisvika  
kwava ri ndakashamisika ndinzwa  
kuti.....

\*End of chapter 9\*

[04/10, 10:01] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

**\_\*WRITTEN BY\*\_**

**DR KD MAZANI**

**+27 84 048 8648**

**TAMARI MURENGA**

**+263 71 276 8826**

**AND**

PATIE

+27836691280

<https://chat.whatsapp.com/JQII593ENT9CYK9IkqAdku>

CHAPTER 1 0

\_Tapiwa\_

Ndaifunga kuti kutorwa kwandakaita  
naMambo Majinga zvimwe upenyu  
hwangu hucharerika asi zvanga  
zvavakutonyanya kuoma.Handina  
kumbogara ndaita zvehondo ini kubva  
ndichikuta asi mambo vakatora sarudzo  
yavo yekuda kundiuraya muchinyararire  
nekundituma kundorwisana nevarume  
vakuru kwandiri.Ndakamboedza  
nepandinogona napo kurwawo  
ndichiseenzesa miseve yandanga  
ndapiwa namambo asi handina kana  
umwe wandakauraya,ndaiti  
ndikapotsera museve waingobondera  
pamuti ndofunga ndakapotsera  
kanokwana katanhatu asi

ichingobondera isina kusvika  
kumunhu.Hondo yakanga yavakupisa  
kwete zvekunyepa machinda  
aNembudziya ainge otirwisa zvine  
simba kuzvika tese tatiza pamusha  
wavo tavakudzokera  
kwedu.Patakapinda musango takabva  
tanzi ngatimirira vamwe vakuru vedu  
vainge vasara kumashure asi takanzi  
timire takaparadzana umwe neumwe  
kwake.Hana yangu yainge yoita  
seichabamuka nekurova apa  
ndichifemera mudenga nekuda  
kwekuneta kwandaiva  
ndaita,ndakambodemba vabereki vangu  
kuti dai varivapenyu ndisina kumbopinda  
mutsekwende yakadai.Ko ndaigodini

inini ndirini ndanga ndakonzeresa kurwa  
uku chero mamwe machinda ekwedu  
airatidza kundishora vachiti ndini  
ndakonzeresa kudeuka kweropa nekuda  
kwekutaaurira mambo nezvekubirwa  
kwandakaita asi vaifana kuonawo kuti  
kuzoona ndovataurira ndaiva  
ndaparadzirwa musha saka pekugara  
ndainge ndisisina.

Zvichakadaro takamira musango kudaro  
ndakaona rimwe zinyoka raifamba  
richiuya kwandiri,kuti ndiridze mhere  
zvaisaita nekuti taizonzwi kwa

nevaitirwisa.Nguva yandakada kujamba  
kuti nditize nyoka ndakangonzwa  
museve watonyura nechepafudzi pangu  
zvekuti dai ndainge ndisina kujamba  
ipapo ingadai wakananga muhuro  
chaimo kana pamoyo.Chandakagona  
chete kuvhomora museve waiva  
wandibaya ndobva ropa raita kuti  
tsaaaaa richibuda ndiye tatara-tatara  
ndichibva ndadonha.Ndaiti zvimwe  
vamwe vangu vachazondibatsira asi  
hapana kana umwe akacheuka  
ndakangonzwa mutsindo wevanhu  
panguva yaka bhon'a shumba.Dai ndaiva  
nemunhu aiva pedyo neni zvimwe  
ndakatotaura mashoko ewonekedzo  
nekuti ndaiva ndatozviudza kuti ndiko

kuparara kwangu ndavakuenda  
kwamupfiga nebwe.Zvanga zvava  
nekaviri kuti ndaigona kuzorumwa  
nenyoka kana kuzodyiwa neshumba iyo  
yandanga ndanzwa kubhon'a kwayo.

Asi kana Mwari vachirikukuda kuti  
urarambe chero vakakurongera rufu  
kashoma kuti ufe,ndakangozonzwa  
ndava kubatwa pandakadai ndichivhura  
maziso wanike itsvara kadenga iya  
yandaigara ndichirota  
kuhope.Ndakafunga kuti zvimwe  
ndirikurota asi nguva yaakazonditora



akaenda neni pane mumwe musha  
ndipo pandakazoonna kuti ndaiva  
ndanunurwa ndikabviswa pamumvuri  
werufu.

Ndakaita mazuva ndakavharirwa  
mumba naye achiti handifanirwe  
kutombozivikanwa kuti ndirimudunhu  
umu nekuti vanogona kuzofunga kuti  
ndirimhandu vakazondiita nyama  
yemagora. Rimwe zuva ndichimuka  
arimakuseni, manheru acho ndaiva  
ndarota Staben achiudza mamwe  
machinda pamusoro pekufurwa

kwandakaita achiti ndiChiradza uye  
mukurota uku zvakabva zvafanana  
nezvandaiva ndaudzwa naThelma kuti  
Chiradza ndiye aida  
kundiuraya.Ndaitofunga hangu  
nezvehope idzi ndipo pandakanzwa  
ndava kusheedzwa nasekuru  
vepamusha pandaigara avo vainzi ndivo  
vakagarwa nesvikiro redunhu  
rese.Ndakabuda mumba mandaiva  
ndichiita kuhuta nekuti kubva  
zvandainge ndagara apa vainge vasina  
kumbotaura neni kunze kwaThelma uyo  
ainge andipinza mumambure  
erudo.Thelma aiti nguva yaanosvika  
chete pandiri panguva dzemanheru  
ndaibva ndatanga kunzwa ropa rangu

kumhanya nemuviri wese zvekuti chero  
nhamo dzangu ndaisvika  
pakudzikanganwa.

Zvino ndiripakufamba kuenda kuna  
sekuru ava ndaiva ndatofunga  
zvakanwanda ndichiti zvimwe vavakuda  
kundiuraya, ndainge ndavakurwadziwa  
ndava kuti ndava kutoparadzaniwa  
naThelma zvachose, kunyanya panguva  
yandakaona vakabata pakatwa muruoko  
rwavo uku vakapfeka zvimwe zvipfeko  
zvaiita kunge zvakanagadzairwa  
nematehwe embada.

"Ko tenzi wangu zvamurikufamba kunge murikubvunda hindava,sunungukai henyu nhasi mudunhu muno makati nyungu mudzimba mangosara pwere dzega vanhu vakuru vese vaenda kumuzinda wamambo uko kune dare ririko."

Vakadaro sekuru asi chakandinetsa ndechekuti ko sei vaindidaidza kuti tenzi ini ndirimutorwa wedunhu iri.Nekuda kwekutya handina kana kukwanisa kuvapindura asi ndakapotsa ndada kubvunza kuti ko munogoti vakuru vese

varikudare ramambo ko imimi sei  
muripano sezvo murumi bhiza resvikiro,  
asi ndakatadza kuvabvunza mashoko  
akangoperera mukufunga.

Sekuru: Ndirikuona zvose  
zvamurikufunga tenzi wangu,inini  
handiwanzi kuenda kudare ndinenge  
ndiripano ndichitaura nevepasi kana  
pane chakaipa chandinenge  
ndaratidzwa paurongwa hwavanenge  
vachiita ndipo pandinozoenda. Saka  
nditeverei kumashure kwangu asi tsoka  
dzenyu dzinofana kutevedzera nhanho  
dzangu muchitsika pandinenge ndatsika  
kana mukasaidonha pasi muchifamba

kudaro zivai kuti ivhu renyu rafara nemi.

Ndakashaya kuti sekuru ava vaziva sei  
zvirimumuyo mangu,ndipo  
pandakazobvuma kuti zveshuwa  
vanooneswa.Ndakaita sekureva  
kwavaiita ndobva ndavatevera  
ndichitsika pavaitsika kusvika ndapinda  
mukadumba kavo kaiva kakazara  
matehwe emhuka nematehenya  
emisoro yemhuka dzesango.Ndakasvika  
ndikanzi ndirare nenhede padehwe raiva  
rakawaridzwa pasi,haa apa ndipo  
pandakazoti pangu papera  
manje.Vakatora guchu raiva nemvura  
yaiva yakasanganiswa nezvimwe zvinhu

zvandisina kunzwisisa kuti zvaiva zvii.

"Dzikamisai hana tenzi wangu imba  
yamuri ino inoera uye ndafara zvikuru  
kuti maoko enyu akachena hamusati  
mamboteura ropa uye hamuna  
chipomerwa."

Ini: Ishe wangu musandidana muchiti  
tenzi,zita rangu ndinonzi Tapiwa  
Madondo ndingori nhererawo zvayo  
isina wakwake waanoziva.

Sekuru: Musavhunduka musatya nekuti  
wakakutumai anemi,ndirikuedza  
kutsvaka rudzi urwu rwamataura kuti  
Madondo asi ndirikuona vanhu ava  
vachidzungudza musoro vachiti  
havakuzivi.

Ini: Akandituma ndimambo Majinga uye  
vaisaziva kuti vanhu vavainge vandituma  
navo dzaiva mhandu dzangu.Hongu



ndinobvuma kuti vanhu vekwaMadondo  
havandizivi nekuti vakatiramba kare  
kubva baba namai vangu vachiri  
vapenyu.

Sekuru: Zvandinotaura  
hamungazvinzwisisi, imimi hamuna  
kutumwa naMajinga asi makatumwa  
kuzotonga vanhu vekwaMajinga  
nevepasi ndizvo zvandirikuudzwa pano  
apa, zviya mutupo wenyu chii?

Panguva yavakandivhunza mutupo  
vakabva vandidira zvimvura zvaibva  
muguchu riya,ndakanzwa muviri wangu  
uchiita simba randisina kunzwisisa  
zvekuti chero dai ndainzi simudza vanhu  
vaiva vakasimba saChiradza  
varivashanu ndaigona kungovasimudza  
ndikavarasira kwakadaro.Vakabva  
vabvisa bhurugwa rangu kutorikurura  
chaiko ndobva ndasara ndisina kusimira.

Sekuru: Ndichakamirira kunzwa  
mhinduro yemutupo wamunoera sezvo  
ndirikuedza kutaura nevekwaMadondo

asi varikukurambai

Ini: Ndinoera Dziva sekuru,saka ndizvo  
zvamandibvisira mbatya here, asi  
mutupo unoonekwa ndisina kusimira  
kanhi?

Sekuru: Saka hamusi wekwaMadondo  
kubva nhasi zivai kuti munoera shumba  
uye muri wekwaMajinga,chandabvisira  
zvipfeko zvenyu ndechekuti mukunda

wamambo haafani kuroorwa nemunhu  
asina kuchecheudzwa.

Apa ndakaita hashu mufunge  
ndikazviudza kuti svikiro iri ririkutaura  
ngano chaidzo,ko vaizoti ndiri mwana  
wekwaMajinga sei inini ndiri mutorwa  
weko.Ko iyi nyaya yekuchecheudzwa  
yavanga votaura shuwa nezera rangu  
vanga votoda kundiuraya  
chaiko,ndakatozviudza mumoyo mangu  
kuti kana zvakadaro zvirinane ndirege  
kuroora Thelma wacho pane kuchekwa  
nyama dzangu ndiri mupenyu.Ndichiti

mukushushikana kudaro ndakafunga  
futi mashoko aimbenge ataurwa  
naThelma ekuti inini ndinofanira kuzoita  
mambo wekudunhu  
rwekwaMajinga,ndikati regai ndibvunze  
ndinatse kunzwisisa kuti sei ndirimwana  
wekwaMajinga.

Ini: Nhai sekuru ko munozoti  
ndirimwana wekwaMajinga sei inini  
vabereki vangu vachibva kuMhondoro  
uye sei mambo Mujinga vasingazivi  
kutidiri werudzi rwavo.

Sekuru: Ndichazonatsa kukurondedzera  
zvese zvakaitika uye ndigokuudza zita  
rababa vako namai vako musiki  
watichaenda kugomo kuti  
mundochecheudzwa, uye mapedza  
kuchecheudzwa kudaro muchagara  
mazuva maviri murimugomo musina  
chamunenge muchidya kana  
kunwa. Pane chiratidzo  
chamuchazoratidzwa ikoko asi  
musawana wamunoudza kunze  
kwaThelma ndiye achazodudzira  
zvazvinoreva. Musi wamunodzika gomo  
iri huchange huri usiku uye hamufani

kucheuka kusvika masvika pano.

Vakapedza kutaura izvi ndobva vati  
ndisimuke ndipfeke bhurugwa  
rangu.Ndakaita sezvavanga vareva asi  
vainge vandisiya pakaoma  
chaipo,ndaيدا kuziva nezverudzi rwangu  
asi handina kuzokwanisa kubvunza  
sezvo vanga vati zvinofana kutaurirwa  
kugomo ndikangoti sezvo ririsvikiro  
raitaura vauziva zvavauzviitira asi nyaya  
yekuchecheudzwa ndiyo yega  
yaindityisa.

Ndakazobuda mukadumba aka ndobva ndanzi ndipinde mumba mandaigara ndipo pandakazovigirwa sadza resviyo raiva nenyama yemhuka,ndakabva ndatambidzwa mbira zvikanzi "ndanzi ndikupei mbira idzi" handina hangu kuda kubvunza kuti ndiyani akutumai kundipa mbira idzi ini ndisingagona kudziridza asi ndakatadza kubvunza kwacho ndobva ndangotambira.Nguva dzakafamba kusvika zuva radoka,pandakaona kunze kwavasviba ndakatora mbira ndobva ndafunga zvangu kufana kuridza ndichimirira kusvika kwaThelma sezvo aisvika pakati



peusiku zuva nezuva ozobuda hake  
odzokera kana kwava kuchena.

Ndakatanga kuridza zvangu  
ndichidzidzira ndobva ndatofunga  
kanziyo kekuimba kachitaura pamusoro  
pemudiwa wangu Thelma.

\_\*Ruvheneko ndiwe mudiwa  
wangu,ahiye ayiii, ndiwe wakatora moyo

wangu ahiyee ayii, ndinoziva uchava mai  
vevana vangu ahiyei, ahiye  
ayiii....Chindivheneka mukufamba  
kwangu sezita rako mudiwa ahiye ayii,  
mhondoro dzedunhu dzigozopemberaaa  
tasvika musvitsa ahiyei  
ahiyei, changamire vepamusha pano  
muchava ziso redu ahiyeee ayiii\*\_

Ndaiita kunzwa zvandairidza nembira  
zvichipindirana  
nezvandaiimba, ndakapedzisira  
ndavakutosekerera ndega ndichiimba  
kudaro. Handina kunzwa kuti Thelma  
akapinda nguvai mumba uye akavhura  
musuwo sei ndakatozovhunduka

ndichinzwa munhu avakundivhara  
kumeso.

Thelma: Haaa mudiwa wangu  
ndagutsikana hangu kuti unondida  
zvaNyadenga chaizvo,ko  
wakazvidzidzirepi zvekuimba kudaro? ko  
idzi mbira dzaurikuridza wadziwanepi?

Ndakashaya kana neremuromo nekuti  
ndainge ndavhunduka uye  
kunyara,akamboda kuti ndidzokorodze  
zvandainge ndichiimba asi  
ndakaramba.Takazodzima chibani

chedu ndobva tarara zvedu  
takabvumbamirana.

Ini: Ndanga ndakusuwa Thelma, ranga  
ririsei zuva rako?Inini kwandiri nguva  
chaidzo hadzindifambiri kana usipo  
mudiwa ndiwe husvuri yemoyo wangu  
urichidakataka chaicho handizivi kuti  
wakandibvira nepi mwana iwewe.

Thelma: Zuva rangu ranga richidakadza  
chose,asi mambo vazotuma machinda  
avo kuenda kudunhu  
rekwaMajinga,vanhu vavatuma vaenda

nerunyarararo kundobvunza kuti hondo  
yakaitika svondo rapera yaiva yei uye  
chii chavari kuda kwatiri....Tinotenda  
zvikuru nemashoko erudo amandiudza  
neniwo ndimi wandainge ndakamirira  
muupenyu hwangu.

Ini: Ndinoshuvira kuva nemoyo  
sewamambo wemuno nekuti kurwa  
hokusiko kunogadzirisa zvinhu, asi  
kunosiya pwere dzavanherera  
vozodzungaira vongofamba nenyika  
vasisina variritiri.

Ndakataura izvi maziso angu atozara

nehope,Thelma akada kuramba  
achitaura nyaya asi ndakazomuudza kuti  
ngatichirarai, handina kubvira  
ndamutaurira zvasara zvikaitika  
masikati asipo.

Takazorara tambotsvodana semazuva  
ese asi musu uyu ndakanatsa kurara  
hope dzeumambo chaidzo handina kana  
zvandakarota.Ndakazomutswa  
kwavakuedza achiti  
avakuenda,ndakabva ndamutsvoda  
akabuda akadzokera kumba kwake  
semazuva ese, ndakasara zvangu  
ndikamuka ndikatanga kuridza mbira  
ndichidzidzira.

Zuva rakafamba ndisina kumbobuda  
mumba kusvika manheru ndaingoita  
zvekuvigirwa chikafu ndakavharirwa  
kudaro.Ndakangozobuda chete  
kwatosviba ndava  
kundogeza,ndichipedza ndakadzokera  
mumba kundoridza mbira  
dzangu.Ndainge ndotonyanya  
kuvarairwa nembira idzi kana Thelma  
asipo uye ndaiva ndavakuenda  
ndichigona, dzimwe nguva ndaikaruka  
ndoimba nziyo dzechinyakare  
ndichinzwa kunge pane vanhu  
vandirikuimba navo vachindi  
davidza.Musi uyu mudiwa wangu  
akakasika kusvika uye akauya

achimhanya ndobva angosvika  
achindibata ruoko akati ngatibudei  
muno pane munhu audza baba vangu  
nezvako kutaura kudai machinda avo  
arimushure mangu vatumwa  
kuzokutarisa.Nguva yatakangoti  
tavakubuda takabva taona vanhu  
vatosvika pachivanze ndikaziva kuti  
pangu paiva papera.....

\*End of chapter 10\*

[04/10, 10:01] +27 61 092 1330: \_\*MY  
ENEMIES BECOME FRIENDS\*\_    †    ♂  
         †    ♂                    ♂                    ♂                    ♂



↑ ♂

**\_\*WRITTEN BY\*\_**

**DR KD MAZANI**

**+27 84 048 8648**

**TAMARI MURENGA**

**+263 71 276 8826**

AND

PATIE

+27836691280

<https://chat.whatsapp.com/JQII593ENT9CYK9IkqAdku>

CHAPTER 1      1

\_\*Thelma/Ruvheneko\*\_

Musi uyu nyama dzangu dzainge  
dzakaita kurukutika chaiko nekuneta  
semunhu anga asina kurara usiku  
hwacho ndichitaura nyaya dzerudo  
naTapiwa.Ndaida zvekuswera ndakarara  
zvangu asi pandakanzwa kuti mambo  
vainge vakokorodza dunhu rese kuti  
vauye kudare ndakaziva hangu kuti  
neniwo ndichatozosheedzwa.Moyo  
wangu wainge usisadi zvese izvi

kunyanya nyaya dzekudanwa kumatare  
tare zvanga zvakutondibhowa, munhu  
ega aive ava kundiitira muupenyu  
hwangu ndiTapiwa. Handina chimwe  
chaiva chichandifadza kunze kwekuva  
naTapiwa apa mufunge kubva musi  
wandasangana naye handina futi kana  
kuzomborota nezvake, ndakaziva kuti  
kurota kwandaimuta vadzimu vaiitira  
kuti pandinozosangana naye ndimuzive.

Ndakamuka hangu pabonde pandaiva  
ndakarara ndikazamura pamwe chete  
nekushama n'ai semunhu anga achine  
hope. Ndakapfeka hembe dzangu  
dzebasa (dzesvikiro), hembe idzi

ndaisangodzipfeka pese pese ukaona  
pandinodzipfeka chete panenge pane  
nyaya hombe, zvekuti chero vanhu  
vemudunhu vaiti vakangoona chete  
ndadzisimira hapana aiswedera pedyo  
neni uye zvandataura hapana  
aipikisa.Ndapedza kupfeka kudaro  
ndakabva ndagara ndakapfunya  
chibondokoto ndichitambisa cheni  
yangu yaiva muhuro,hameno zvakaitika  
mumaziso mangu ndakaona kumberi  
kwangu kuchiita kunge kwaiva  
kwakamira murume aiva akabata  
zvombo zvekurwisa nazvo asi aiva  
akasimira nhumbi dziya dzaipfekwa  
nevanhu vechinyakare,kuti mukasike  
kunzwisisa zvipfeko izvi ndingangoti

dzaiva dzakaita sedziya dzaipfekwa  
nana sekuru Kaguvi nambuya Nehanda  
avo vaiva masvikiro enyika yedu  
yeZimbabwe (mhapa neshashiko)

Ndakasimudza musoro ndobva  
ndatarisa murume uya kuchiso chake  
asi ruoko rwangu harwuna kuregedza  
kubata bata kwandaita cheni, handina  
kana kuvhunduka kana kutya ndakabva  
ndamirira kunzwa zvaanga afambira  
nekuti chiso chemunhu uyu chaitova  
chitsva kwandiri ndainge ndisati  
ndambomuona.

"Ndisvikewo pano mhandara sikana  
mukunda wamambo  
Nembudziya,mwana sikana ane ganda  
rinotsvedzerera kunge  
hurungudo.Ndaona kuti une moyo  
munyoro uye waratidza rudo rukuru  
kumwana wangu Tapiwa,makore ake  
awanda manje, saka yava nguva yekuti  
azive chokwadi chose uye agoziva  
kudetemba mutupo wake kuti  
azokwanisa kutaura nevadzimu vake."

Ini: Svikai zvenyu changamire ishe

wangu,ndimi madai kubva nekumakore  
ndinokutambirai nemaoko maviri  
semunhu arikugamuchidzwa  
kasvava,zvino ndinokumbirisawo  
ndiripasi petsoka dzenyu kuti  
mundizivise zita remhuri yekwenyu uye  
nekwamabva.

Ndakadaro ndava kuita kupfugama  
ndichiombera irinzira yekuda  
kunyengerera murume uyu sezvo  
airatidza kuti auya kuzondiudza nyaya  
pamusoro penhoroondo yeupenyu  
hwaTapiwa.Akasimudza bvumo raaiva  
akabata ndobva anditaridza  
mufananidzo waiva pariri waiva



wakafanana nemufananidzo waiva  
pabvumo raTapiwa,akaribaira pasi  
zvinesimba zvekuti ndakatombofunga  
kuti zvimwe paacharizvomora  
ndichaona gomba asi nguva  
yaakaribvisa pasi pakangoramba pari  
zvapaiva.

"Ini ndinonzi.....aaaagh ndichadzoka  
zvakare ndavakunzwa kuremerwa  
kugotsi kwangu pane varume  
varikuuya."

Ndakaita kuzarirwa neshungu zvekuti  
ndakakaruka ndarova pasi nechibhakira  
kanokwana katatu nguva  
yakanyangarika murume uyu asati  
ataura zita rake uye kwaanga  
abva.Zveshuwa hapana kupera nguva  
ndakanzwa pamusuwo pangu  
pavakurohwa manja  
(kuombera),ndakatarisa ndokuona ari  
machinda maviri aiva akatyora muzura  
(kupfugama) akakotamiswa uso hwavo  
pasi sezvo vaisatenderwa kunditarisa  
kumeso kwangu.

Ini: (Nehasha) Ko murikudeiko pano  
mangwanani akadai?,hamuoni here kuti  
murikundivhiringa izvezvi honai  
matoendesa m.....

Ndakazokasira kuzvidzora nekuti  
ndakapotsa ndavaudza kuti maendesa  
munhu wandanga ndichitaura naye apa  
vaisafana kuzviziva sezvo chaiva  
chiratidzo chitsva.

Jinda 1: Ruregero mukunda

wamambo,tingori vatumwa vakuru  
vakati mutumwa haana mbonje. Kana  
tatadza nekuuya kwataita mungatipa  
hedu mutongo wedu  
tinogamuchira,chatinotya chete  
kupofomadzwa ndapota mukunda  
wamambo musatifuridzira.

Ini: Taurai zvamatumwa mukasike  
kudzokera kwamabva parizvino handina  
nguva nemi.

Jinda 1: Tanzi namambo tizokutorai  
tiende nemi kudare,kutaura kudai ndimi  
matomisa zvese dunhu rese ramirira imi.

Ini: Dzokerai mundoudza mambo kuti  
ndirikuuya,munondovati tawana  
mukunda wenyu atopedza kupfeka  
nhumbi dzebasa sezvamuri kuona izvi  
saka ndirikutevera.

Jinda 2: Hiii mutongo wacho  
watinondopiwa hatizougoni kana  
tikadzokera kuna mambo imi  
musipo,mungaita henyu zvamurikuita  
takakumirirai kusvika mapedza.

Ini: Ndati dzokerai handisi kuda vanhu  
pano,zvandirikuita zvakakosha kudarika  
zvandirikudanirwa ikoko.

Ndakadaro ndichiita kunge ndirikuda  
kuvafuridzira,ndakaona varume vakuru  
vachiita kujamba umwe akatowisa  
chibako chefodya yake,ndakaseka  
zvangu ndobva ndapfunya chibondokoto  
zvakare ndikatanga kutamba necheni  
yangu ndichifunga kuti murume uya  
achadzoka asi hapana kana  
chakaitika.Ndakamboramba ndakagara  
munhanga mangu kwechinguva kusvika  
ndagutsikana ndega kuti murume uyu  
anokwanisa kuzodzoka nenguva yake  
kwete yangu yandinoda.Ndakazosimuka  
ndobva ndabuda ndikananga  
kwandaidiwa namambo,ndakatora  
chibako chiya changa chadonheswa  
ndichida kuti kana ndikasvika kuna

mambo ndikawana machinda anga  
atumwa achida kupiwa mhosva yekuti  
havana kuuya neni ndozoudza mambo  
kuti zveshuwa vasvika asi ndini  
ndavarambira honai ndakatobata  
chibako chefodya chavadonhesa nguva  
yandavadzingirira.

Ndakazoshamiswa ndava kunzwa  
mutsindo wekufamba kwevanhu  
kumashure kwangu,pandakacheuka  
wanike machinda aya andanga  
ndadzingirira.



\_Kureva ka kuti havana kwavanga vatiza vakaenda,vanga vakandihwandira ndivo chete vatadzisa kuti murume uya asadzoka.\_

Ndaifunga izvi ndakavatarisa,ndakaona zviso zvavo zvichiratidza kutya ndipo pandakazonyemwerera ndikasheedza umwe wacho kuti azotora chibako chake.Handina hangu zvandakada kutaura navo,takazofamba tose umwe kumberi kwangu umwe kumashure ini pakati.Tichisvika padare paiva nevanhu ndakaona vanhu vese vaivapo vasina

mufaro zvachose vairatidza kunzvisa  
tsitsi kana arisemadzimai aitochema.

Mambo: Ndinokumbirawo nzeve dzenyu  
mese munhu wanga akamisa zvese  
asvika.

Vakadaro mambo,zveshuwa pakabva  
paita runyararo asi pakazosimuka  
vamwe baba vaiva vechikuru vakatanga

vapa ruremekedzo kuna mambo iniwo  
ndiyo nguva yandaigara pasi.

"Handina kusimukira kushora mhondoro  
dzedunhu rino asi ndoda kuziva kuti sei  
vakarega kutinyevera kuti kuchauya  
hondo sezvavaimboita kare, nekuti  
honai vangani vana vasara dziripwere  
dzisisina vabereki uye vamwe vakadzi  
dzava chirikadzi, chavangosara nacho  
chete ndiyo misodzi yamurikuona  
iripamatama "

Akadaro achitendeka mamwe madzimai

aiva aine misodzi pamatama,handina  
zvandakataura asi ndakangokwanisa  
chete kuimba karumbo  
kangu.Ndichipedza kuimba rumbo urwu  
ndakanga ndatoudzwa zvese ndobva  
ndati;

Ini: Ndanga ndirikutaura nemhondoro  
dzedunhu renyu, vati varikunzwa chose  
chichemo chenyu asi imi vanhu ndimi  
musingadi kutevedzera mutemo  
wedunhu rino.Makaudzwa kuti hapana  
anofanira kurima musi wechisi kana  
kuita basa ripi zvaro kunyangwe

murume nemukadzi hamufanirwe  
kusangana asi imimi kana  
murimudzimba umu zuva iri hamusi  
kurikoshesa.Vose vamurikuona  
vakatsakatika vainge vakatsamwisa  
midzimu yedunhu rino makaudzwa  
zvekuita asi hamude kutevedzera.Hondo  
iyi kutaura chokwadi chirevo chayo  
chaicho handina kuchiona, asi imi  
mambo chitumai machinda andotaura  
namambo Majinga pamusoro penyaya  
yakamboitika kare kare pakati  
pemakomo apo ndine chokwadi chekuti  
munoziva nezvechiitiko chepakati  
pamakomo pandirikutaura.

Mambo vakagutsurira musoro  
vakanditarira vachiratidza kubvuma  
zvandaitura, ndobva ndaenderera  
mberi;

"Kana mukanzwanana nevekwaMajinga  
ivo vanofana kubika doro ravo ukoko  
imiwo mobika renyu kuno mapedza  
mofana kuzoronga mese zuva rekuenda  
kumapa (kundopira) asi kugomo uku  
kunoendwa chete nevabva zera  
chembere chaidzo neharahwa dzisisina  
meno mumukanwa.Mune  
zvamuchazotaurirwa ikoko uye mofana  
kuzozvitevedzera zvese mukazoita izvi  
mune kuwirirana muchaona

zvichazoitika pakati pematunhu iwaya  
arimaviri.

Mambo: Tinotenda zvikuru nemashoko  
echenjedzo amatipa,ndofunga mese  
mazvinzwira saka tichatuma machinda  
gumi asi vachaenda murunyararo,  
chekutanga vanofana kutanga kubvunza  
kuna Majinga zvichida zviripo zvimwe  
zvandakatadza zvandisingazivi izvi  
zvaitwa ndirwiswe.Kana akuudzai  
chikonzero ndipo paanotaura zvaanoda  
kuripwa nazvo apedza moita yanano  
yezvedoro tozobika hedu.

Mambo vakapedza kutaura mashoko  
aya madzimai akaridza mhururu varume  
vachirova gusvu. Handina kuda  
kuzogara apa ndakabva  
ndatoperekedzwa kuti ndidzokere  
kunhanga kwangu. Ndiyo nguva  
yakabudawo machinda anga atumwa  
vavakuenda kudzimba dzavo kuti  
vandogadzirira rwendo rwekwaMajinga  
sezvo vaifana kuenda musiiwoyo.



Rakadoka rikabuda rimwe kureva kuti  
ranga ratova zuva rimwe,manheru acho  
ndainge ndakatomira nechekunze  
kwechivanze ndichitofunga zvangu  
mbira dzandainge ndanzwa Tapiwa  
achiridza manheru emusi wopera  
dare.Zvakandinakidza veduwe zvekuti  
chero pandakamukumbira kuti  
adzokorore kuridza akaramba  
ndakabatikana zvisingaite.

Ndakamira kudaro ndakanzwa manzwi  
evarume vaitaura asi ndaisavaona sezvo  
mhindo yacho yainge yakanyaya,

"Munofunga kuti ndinganyepa here  
varume,munhu uyoyo ndakanatsa  
kumuona tisati tatomboenda  
kwaMajinga uye aitofamba kumashure  
kwasekuru Dzaka."

Ndakaziva kuti sekuru Dzaka vairehwa  
apa kumba kwavo ndiko kwaigara  
Tapiwa.

"Saka wakaregerei kutiudza tisati taenda  
kwaMajinga kwacho,hona kuneta  
kwataita wavakutifambisa futi neusiku  
hwakadaro."

"Muchandivimba hangu tasvika  
tikamuwana ariko,handiti manzwa  
muchinda uya anonzi Chiradza chiti zita  
rake munhu iyeye anonzi Tapiwa uye  
imhandu."

"Manje namambo vedu haapaponi  
tikamuwana asi anenge agamuchirwa  
sei nasekuru Dzaka."

Ko sei mukunda waMambo achionekwa  
makuseni ega ega achipinda mumba  
makuseni koedza,hauoni here kuti  
ndozvatsamwisa mambo saka  
ndozvichamuuraisa,Ruvheneko varume  
chero zvikaitasei kana usiri wekuimba  
yehumambo ukangoedza chete  
kudanana naye unourawa namambo  
mbune.

Pandakanzwa izvi ndakaziva kuti umwe  
wangu anogona kupinda

padambudziko,ndakamhanya veduwe  
zvekuti kune rima handina  
kumbozvitarira.Ndakangosvika  
nekutopinda mumba make ndikamubata  
ruoko kuti titize.

Mudzimu waTapiwa wanga wadambura  
mbereko musu uyu,handizivi kuti  
vakaitawo zvekumhanya here kana kuti  
vakadini asi tangangoona musha  
watokombwa pasisina kwekutiza  
nako.Ndakambopererwa nezvekuita  
takamira pamukova asi panguva yacho  
hapana anga ationa.

Tapiwa: Mudiwa kana ndichifa ndofa  
ndakabata mbira dzangu nezvombo  
zvangu zvandakapiwa navaMujinga.

Ini: Tora Tapiwa asi ndine vimbo yekuti  
mudzimu haungatirasi  
zvaka dai,vakambotisanganisirei kana  
vachiziva kuti umwe wedu achafa.

Ndakasara ndichitaura izvi ndega  
Tapiwa atopinda mukati kundotora  
zvinhu zvake,ndiyo nguva yakatanga

kubhon'a shumba takaona varume vaiva  
vakamira nechekurudyi kwedu vava  
kumhanya vachiridza mhere.Ndakabata  
cheni yemuhuro mangu Tapiwa anga  
asvika kwakumubata ruoko ndobva  
tatichitsoka ndibereke tichienda kudivi  
kwairira shumba apa rumwe ruoko  
rwangu rwakangopata cheni  
ndoyaitionesa kwekutizira.

Takasvika ndobva takwira mugomo  
,zvino taiva taneta tongofemera  
mudenga,Ndakambofunga kusiya  
Tapiwa ega ndidzokere kumba nekuti  
ndaiva ndoty'a kuti kuchema kwaita  
shumba mambo vanogona kuda

kunditsvaga vachida kuziva chirevo  
chazvo.Nekutya kwanga kwoita Tapiwa  
haazi aimbobvuma kusara  
ega,ndakamboedza kumutaudza asi  
anga asinga chapinduri.Ndakashaya kuti  
ndodini ndipo pandakamubata ruoko  
rwake ndikamugadzika  
padombo,ndakabvisa hembe dzangu  
dzese ndikadziturika pamhanda yemuti  
wataiva pedyo nawo.

Pfungwa dzangu dzainge dzafunga  
kumbofadza nyama dzedu kunyangwe  
zvedu tainge tisati tambozviita asi musi  
uyu ndanga ndazvipira zvimwe zvaigona  
kudzosa Tapiwa akambokanganwa



kufunganya nezvainge zvatiwira.

Ini: Mudiwa ndirikuzviona kuti  
wavakutya, uye wavakufunga kuti  
zvimwe upenyu hwako  
huripatambo. Nhasi kunyangwe  
tiripanguva yakaoma kudai ndafunga  
kuti tirare tese timbofadza nyama, ndipe  
ruoko rwako ndikubvise hembe

Tapiwa: Thelma hauna here  
kumbondiudza kuti hatitenderwa kurara  
tese kusvika nguva yakwana.

Akadaro achinditambidza ruoko rwake  
kuti ndimubvise hembe.

Ini: Shiiiiiii Tapiwa zvine munyu ndizvo  
zvineiko tisu tadini nhai Adhamu na  
Evha wani vakanga varambidzwa wani  
kudya muchero wepakati pebindu  
vakangozodya wani saka tisu tadini.

Ndakadaro ndava kutomukurura  
hembe.....

\*End of Chapter 11\*

[04/10, 10:02] +27 61 092 1330: \*\_MY

ENEMIES BECOME FRIENDS\*\_    †    ♂

     †    ♂                ♂                ♂                ♂

†    ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

<https://chat.whatsapp.com/JQII593ENT9CYK9IkqAdku>

\*CHAPTER\* 1      2

\_\*CHIRADZA\*\_

\_Zvagara kufa kwemurume kubuda ura,  
hapana pandingarega kuenda  
kwandadanwa namambo wangu  
kunyangwe zvazvo ndichitya  
zvandakaita.Nxaaaa nayo hana yangu  
chainotadza kudzikama chiii ipapa?.\_  
(Ndakadaro ndichizvirova rova  
pachifuva neruoko) \_Dai vaine  
zvavakanzwa pamusoro pezvakaitika  
havazi vaimbo ndidana seizvi,ndaigona  
kungokaruka musha wangu wakombwa  
ndikatoitwa zvekuendeswa kwavari  
ndakasungwa saka apa vanenge  
vandidanirawo imwe nyaya yakachena  
kwete zvandiri kufunga izvi.\_

Ndaifunga zvose izvi ndirimunzira  
kuenga kumuzinda wamambo  
kwandanga ndadanwa zvechiriporipotyo  
izvo zvakapa hana yangu  
kurova.Ndakasvika paiva namambo  
ndikawana vatomira negumbo rimwe  
zvairatidza kuti ndaiva ndavanonokera.  
Ndakashamisika vavakundiudza kuti  
ndivaperekedze kunooni svikiro  
remudunhu medu tibvunzire pane zvese  
zvakange zvaitika mudunhu kubva  
pachiitiko chekutanga kupadzwa  
kwepfuma yaTapiwa. Vakati ivo vainge  
vasisanzwisise chaitora  
nzvimbo,vairatidza kurwadziwa zvikuru  
kwazvo nekuda kwekufa kwevanhu vake  
vakafira patakanorwisana nevanhu

vandaitonyatsoziva kuti vakange vasina  
mhosva.

Handina kumbovhunduka zvangu  
nemashoko avo nekuti ndaiva ndatoteya  
riva rangu nechekare saka hapana  
paraizobata ini muridzi waro.Ndaiziva  
zvangu kuti chokwadi hachizi chaigona  
kubuda nekuti ndakanga ndabhadhara  
sekuru vacho vaisvikirwa kuti  
vasazotaure zvavanenge vaona kana  
kunani zvake,ndiko ka kuteya riva



kwandainge ndaita.Izvi ndakazviita  
ndina Staben zuva ratakanga tada  
kuparadza Tapiwa pekutanga saka  
nesvikiro iri taiva mumuforo umwe.

Chakandinetsa ndechekuti pese apa  
mambo pavainge vakanyarara  
ndaifunga kuti pamwe vaisada  
kuzvibvunzira havo, musu uyu  
zvakanishamisa kuti chii chakange  
chavapinda kuti vazofunge kubvunzira  
zvinhu zvakange zvavane nguva  
zvaitika.

Ndakavaperekedza takanyararidzana  
tikatosvika sekuru vacho varipo,  
vachitiona vakaratidza kuvhunduka asi  
handina kuita basa nazvo chanda  
chete kuti vateedzere zvatakawirirana  
kana vaizotadza ndakagara  
ndatovaudza kuti ndaizopedzerana navo  
kana kuvarambira zvese pachena.  
Tichipinda mukamba kavo vakatanga  
kudetemba sezvavaiita mazuva ese,  
vachipedza vakabva vatanga kutaura  
nhema dzega dzega zvekuti ndakapa  
kutenda asi chakazondivhundutsa  
ndepekupedzisira pavakati: "Ndaona

kwauya nhume dzabva  
kwamakandorwisa dzatumwa  
murunyararo vanoda kuti mudzokere  
kuwirirana kwamaiita kare musaone  
chamunopokana navo nekuti yakwana  
nguva yekuti muchizadzise zviye  
zvakataura nesvikiro muri pakati  
pemakomo maviri ayo ndinoziva  
munogona kutadza kuzvinzwisisa  
izvozvi asi nekufamba kwemazuva  
zvichabuda pachena zvega musazvidye  
moyo kana kufungisisa nezvazvo asi  
vadzimu vedu vachatiratidza nzira.  
Mukafamba negwara rakanaka uyo  
achava nekupokana nazvo ndaona  
hupenyu hwake hwangova  
hwekushungurudzika azoshaya

mumiriri"

Mambo: Asika ndichiri nebundu navo  
nekuti ndivo vakauraya munin'ina wangu  
kusanganisira nerusvava mwanakoma  
wake anga asati atombokwanisa  
mwedzi zvawo azvarwa, saka vanoti  
mwana komana ndichamuwanepi  
anozoroora mukunda waNembudziya.

Sekuru: Musatya varipasi varikuti zvole  
zviri mumaoko avo chavanoda chete  
ndechekuti mutange mayanana.

Zvakandinetsa kuti apa aiedza kurevei  
nekuti ini sekuziva kwangu zvakataurwa  
nesvikiro vakatsidzirana kuti mwana  
vavo achazoorwa nemwana vekwa  
Mujinga zvaizozadzisika sei iye akange  
asina mwana mukomana zvaizivikanwa  
nemunhu wese wemudunhu. Kana ari  
semunin'ina wamambo wavaifungira  
kutikaurawa naNembudziya dzaitova  
ngano nekuti ndini ndakange  
ndakamuparadza kare kare nemhuri  
yake yese. Umambo uhu ndakatobvira  
kuhuda kubvira kare saka ndaiedza  
nepese pandogona napo kuparadza

wese anenge achiratidza kuti anogona  
kuda kuzonditorera umambo  
sezvandakaita futi

Tapiwa.Pandakaparadza munun'una  
wamambo nevana vake hapana kana  
mumwe akazviziva nekuti ndakaita  
zvinhu zvangu ndakangwarira,uye  
ndakatanga ndataura nebhiza resvikiro.

Ndaiti pamwe mambo achabvunzisisa  
nezvazvo asi haana, takasvika  
pakuoneka tikadzokera kumba pasina

chataurika, chandakangofarira chete  
kuti akange audzwa kuti "ngavasarambe  
vachitsvaga zvipfuyo zvaigona kuzoita  
kuti ropa rakawanda rideuke nekuti  
zvakange zvisina kunaka zvipfuyo  
zvacho ndosaka zvakatsakatika."

Ndakaziva kuti ndakange  
ndisisazonetswe nenyaya yezvipfuyo  
izvi nyaya yacho yakange yatopera  
yakadaro, sekuru vanga vagona basa  
ndakangoti nechemumoyo ndichaenda  
futi kundovatenda

Ndichisvika kwamambo ndakabva  
ndatodarikira kumba kwangu asi  
pfungwa dzangu dzaingopishana  
nekuda kwemashoko akange ataurwa  
nesvikiro. Mashoko aya airamba  
achingodzoka mune dzangu pfungwa  
asi ndakazozvisimbisa ndichiti pamwe  
sekuru vangotauravo zvekuti mambo  
vasazobvunza nezvazvo sezvinhu zvaiva  
pachena kuti hazvichabudiriri nekuti  
Mujinga akange asina mwana  
mukomana vacho saka zvaiva pachena  
kuti ndaigona kutora humambo zvese  
nekuroora mukunda waNembudziya.



Zuva ramangwana racho ndipo  
ndakamuka ndichiudzwa kuti kwakange  
kune nhume dzakange dzatumwa  
handina kumbotya kuenda sezvo  
takanga taudzwa zvadzafambira chero  
dzaizotaura zvekuti havasi vakapamba  
zvipfuyo hapaizoramba pachiitwa  
tsvagurudzo nekuti svikiro rakange  
ratovachenura kare ende hapana  
aizosimudza musoro kuti zvirambe  
zvichitsvagwa.

Ndakasvika ndikaona patoungana  
machinda amambo vanoremekedzwa  
chete vamwe vese vaizoita zvekuudzwa  
ndivo wakange uri mutemo wedu kubva  
nekare. Vakange vatumwa vacho  
akange ari ano mazirume akasvika  
airatidza kuti akayamwa mukaka  
akaguta apa airatidza kuti akange  
afambira zvinhu zvakakosha.

Pavakazopihwa mukana wekuti vataure  
mukuru wavo akambotanga aombera  
maoko akapa ruremekedzo kuna  
mambo wedu ndobva ati;

"Ndinokutendai mambo Mujinga  
nekutipa mukana wekutura  
zvatatumwa namambo vedu, isu tingori  
nhume chete saka zvatichatura  
zvavakwamuri kuzvitambira kana  
kusazvitambira asi mhindiro yenyu  
tinoisvitsa sezvamunenge mareva.  
Hanzi namambo vedu chekutanga  
ndinoda mutiregerere nezvatakaita  
makore adarika ayo asi handina kuitira  
maune asi hanganwa ndidzo  
dzakandibata kana zvichibvira  
ndaikwanisa kuripa hangu chero  
nechamunenge mareva nekuti ndinoziva

kuti ndakakutadzirai asi kwaive kusaziva  
ndakazoziva kumashure chandinongoda  
kuti tidzokere sepakutanga  
sezvataingoita mazuva aye. Chimwezve  
hanzi imhosva yeiko yapa kuti  
mundikute kudaro kuuya kunondirwisa  
ndisina chimwe chandakakuitirai  
ichingori nyaya yekare iye here yaita kuti  
mufunge kuparadza dunhu rangu nekuti  
hapana chimwezve chatakaita chakaipa  
kwamuri"

Mambo:... Ndine urombo nezvakaitika  
asi hachisiricho chikonzero chakaita kuti  
murwiswe, asi takapambwa zvipfuyo  
zvedu muno takangofungira kuti zvimwe  
ndimi makatora saka ndakatuma vanhu  
vangu kuti vanozvitsvaga.

Ndakazorwadziwa nekusadzoka  
kwakaita mamwe machinda angu  
kunyanya mwanakomana wangu  
wandakanga ndakatarisira, ndipo  
pakange pane ziso rangu nanhasi  
zvinondirwadza. Kana zvichibvira  
mukamuona chero mutumbi wake  
ndinoukumbira pano kuti ndimuradzike  
ndega ndive nechokwadi chekuti  
akatisiye nekuti mukati memoyo wangu  
zviri kundirambira kuti akatisiya dzimwe

nguva ndinotimbomurota pamwe inyaya  
yekuti arikuda kuti mutumbi wake  
ufushirwe hameno. Sekuziva kwangu ini  
shumba haidye munhu kunze kwekuti  
yatoita kutumwa saka zvinogona kudaro  
kuti ariko mwanakomana wangu ndicho  
chikumbiro changu kuti ndizive  
paakafira chero mapfupa ake ndinoadada.  
Panyaya yekuti tiyananiswe pane  
zvakaaitika kare mundoudza mambo  
wenyu kuti ndichatanga ndataura  
nevanhu vangu mhinduro ndinotumira  
nenhume dzangu.

"Zvakanaka mambo tinosvitsa  
sezvamareva,saka pamwana wenyu  
wacho wamuri kutaura nezvake  
akaitasei pamwe tinogona kuzosangana  
naye tokuzivisai kana tikamuona"

Paikurukura vanhu ava ndakange  
ndakateerera ndakanyatsovhura nzeve  
nekuti ndaisada kupotswa kana

nerimwe zvaro shoko. Mambo  
vakatsanangurira vakomana vaye  
chimiro chaTapiwa nezvaakange akaita  
hembe dzaakaenda akapfeka hapana  
chavakasiya, ini nechemumoyo ndaitoti  
kupedza zvavo nguva yavo nekuti  
kutura kuno pamwe akatodyiwa  
akapera neshumba iye asi  
chaindirwadza kuti sei vainyanyo  
mukoshesa zvakadaro zvaakange  
akafanana nevamwe vese vaive vakafira  
musango patakanorwisa.

\_Ko icho chambova chii chaita kuti  
adiwe zvakadaro, vaimuda ari mupenyu  
vomuda zvee nepaaive akafa. Chii  
chaizvo chinoita kuti vasakanganwe



nezvake.\_

Ndaifunga hangu izvi mumoyo mangu,  
vakazopedza kutaurirana ndikanzi  
ndivaperekedze ndinovasiyira kumberi  
izvi zvaiitirwa kuti tive nechokwadi  
chekuti ndizvo zvega zvavanenge  
vafambira here nekuti taityira kuti  
vamwe vanogona kuti vavakudzokera  
izvo vachida kupamba zvipfuyo kana  
vanhu vedu neungwaru saka tinenge  
tichida kuva nechokwadi chekuti vaenda

here. Nguva yandaiva perekedza  
ndakanzwa mumwe wavo ava kutaura  
zvakandivhundutsa.

"Asi ini ndinoita kunge ndakaona munhu  
anenge mukomana anga  
achitsanangurwa namambo Mujinga  
arikumba kwasekuru Dzaka,  
pandakamuona zvakandinetsa kuti  
angava ari ani nekuti ini ndinoziva  
vachigara vega pamba pavo. Pamwe  
anodaro ariye nekuti chiso chake

chaitove chitsva kwandiri handisati  
ndakambomuona mudunhu medu, ipapo  
ndakangoti pamwe kuti ndaive kure  
handina kunyatsoona hangu.

Ndavakutozozvirangarira izvozvi kuti  
anogona ariye apa aitove akapfeka  
hembe dzakafanana  
nedzataurwa,zvichida anogona  
akanyepera sekuru Dzaka semunhu  
achambera vakatadza kuziva kuti haasi  
wedunhu redu"

Ini: "Mukomana iyeye handidi  
kukunyeperai mukamuona munofanira  
kuto muuraya nekuti haana kumira  
mushe atori mhandu paari  
ipapo.Munofanira kutosvika  
muchimutarisa kana ariye  
musaverengera nekuti anogona  
kukupedzai mese muchinyararire. Kuno  
hatichatode kana kumuona ndiye akaita  
kuti tiuye kuzokurwisai apa mutauriro  
waita mambo vari kuda kuti vaone kuti  
chingava chokwadi here kuti akatisiya  
kuti tisagare tichimutya nekuti anogona  
kutidzokera takarivara. Mukasaita  
zvandareva izvi munozochema  
mangwana,nesuwo taisaziva hunhu  
hwake kumashure kwese

uku,takazozviziva zuva ratabva  
kuzokurwisai uye takaita zvekuudzwa  
nesvikiro redunhu.

Ndakangozvishingisa kutaura asi ndaive  
ndichizvitongesa kuti asi kuti angava  
achiri mupenyu here nekuti ndizvo  
zvandaisada kunzwa manje nekuti ini  
chandaida kudzwa kuti akatodyiwa  
neshumba kwete kuti achiri kutofema.  
Ndakataura zvakawanda  
ndichivatyisidzira kuti Tapiwa imhondi

huru zvekuti navo vakabva vandivimbisa  
kuti vakamuona arimupenyu chete  
vaizomuita kanyama kanyama vapedza  
vozovigira mambo Mujinga mutumbi  
wake sezvavaida. Ndakazofamba  
kusvika kwandaisada kuti ndisvike  
ndichida kunyatsova nechokwadi  
chekuti vanomuuraya chete  
vakangomuona asi ini ndaive  
nechokwadi chekuti akange afa chete  
kana aive asina yaitove munana chaiyo.

Ndakazoparadzana nemachinda aya  
vachitoti vaizosvika vachitoenda  
kunotarisa nekuti vaisada  
kuzoparadzirwa dunhu ravo vakasvinura  
sematemba, zvakandifadza zvekuti  
ndakadzokera munzira mese mufaro uri  
kugotsi ndichinyatso ziva kuti hapana  
mumwe munhu aizonditorera zvandaيدا  
sekuona kwangu hapana  
aimbosumudza musoro.

Ndakasvika kuna mambo vachitoti sei  
ndaive ndazononoka kudzoka nekuti  
vaida kuti tironge kuti toita sei  
nemashoko akange ataurwa nguva  
dzichiripo ndikavanyepera zvangu kuti  
ndanga ndiri kumboongorora dunhu  
sezvo ndakanga ndava nemazuva  
ndisingafambe. Vakaratidza kuzvifarira  
ndikatoona kuti ndikaramba ndichiita  
kunge ndinorikoshesa hazvaizononoka  
kut ndipihwe zvandaida zvese. Handina  
kuzogara ndakange ndaneta saka  
ndaيدا kumbozorora ndakabva ndaenda  
kundorara sezvo vanga vati tozotaura  
mangwana.



Zuva remangwana ndipo ndakazoenda  
kuti ndinotaurirana namambo nezve  
nyaya yaivepo ini ndine zvakawanda  
zvandaida kuzoita zvandaifunga kuti  
ndive mambo ndakamboedza kutaura  
nasekuru vanosvikiirwa asi havana  
kunzwisisa vakaramba kuudza mambo  
vacho saka apa paitoda kuti nditsvage  
imwe nzira yandingashandisa kuti  
vazondiita mambo.Ndaiva ndatova  
zvangu nayo imwe pfungwa  
yekuzondoudza umwe murume

wemudunhu aiita zvekuroteswa uye  
mambo vaisapikisa hope dzake saka  
aizogona kuuya kuna mambo achiita  
kunge munhu arotswa kuti ini ndive  
mambo.

Ndakasvika kumba kwamambo  
ndikaona vari mumba mavo  
mekutongera takakwazisana zakanaka  
naka tichipedza ndakanzwa vakuti;

"Ndine mashoko andakaudzwa  
naStaben madeko akanditadzisa kana  
kurara usiku hwese"

Ini: Ndeeyi mashoko aya mambo?iye  
Staben wenyu iyeye mumugwarire  
nekuti inenge nyoka iya inonzi shukuviri

Ndakadaro hana yangu yavakuda  
kutsemuka nekurova ndava kushaya kuti  
chingava chii chakataurwa naStaben  
ndisipo, nekuti mambo vaiwanza kuti  
zvose zvinoda kutaurwa kana ndisipo  
vaiti mozotaura kana Chiradza aripo  
saka apa sei vakaudzwa  
ndisipo?.....

\*End of chapter 12\*

[04/10, 10:02] +27 61 092 1330: \_\*MY

ENEMIES BECOME FRIENDS\*\_    †    ♂

     †    ♂                    ♂                    ♂                    ♂

†    ♂

**\_\*WRITTEN BY\*\_**

**DR KD MAZANI**

**+27 84 048 8648**

**TAMARI MURENGA**

**+263 71 276 8826**

AND

PATIE

+27836691280

CHAPTER1 3

<https://chat.whatsapp.com/JQII593ENT9CYK9IkqAdku>

\*Thelma (Ruvheneko)\*

"Tapiwa bata apa, neapa kani mudiwa wangu. ndirikuda kuzviita nekuti ndinokuda usazozvitora neimwe nzira kana kuzondifumura uchiti ndiri nzenza.Ndakaberekerwa iwe ,iwe ukaberekerwa ini. pasina nguva iwe neni tichava nyama imwe izvi zvakagara zvanyorwa kare pasi nekudenga."

"Ndakunzwa mudiwa wangu ndosaka  
ndichikuda nemoyo wose rudo  
rwaunondipa ndiwe wega, kubva  
vabereki vangu zvavafa handina mumwe  
munhu akamboita kuti chiso changu  
chinyevenuke sezvechiri nhasi,dzimwe  
nguva ndikafunga nezvako usipo  
ndinonzwa mufaro.Handife ndakakusiya  
chido chemoyo wangu iwe neni  
tichachembedzana. rufu bedzi ndirwo  
rwuchatiparadzanisa."

Tapiwa paitaura aitopedzisa kubvisa



bhurugwa rake,ini ndaiva ndakagara  
pamusoro pedombo ndangosara ndiri  
musvo zvawo,chekunyara panga pasina  
sezvo hwaiva usiku.Pfungwa dzangu  
dzanga dzatozvipira kuita zvinhu  
zvandaive ndisati ndamboita muupenyu  
hwangu. chandaida chete kuti Tapiwa  
asazofunga zvizhinji. Paakapedza  
kukurura bhurugwa rake ainge ava kuita  
kakufemeruka. zvakatondinetsa kuti  
kwakuchiri kufema kwekuneta  
nekumhanya kwatanga taita kana kuti  
kwaiva kufema kwekutya handina  
kuziva.Akaturika bhurugwa rake pamuti  
ndobva ambotora kanguva akamira  
akandifuratira,ndakamubata muchiuno  
ndakagara kudaro ndobva auya akaita

zvekuwira pamakumbo angu akaita  
zvekugara. Akatendeutsa chiso chake  
ndikamutarisa mumaziso ndikabva  
ndanyemwerera akabva atanga  
kundikisa zvine simba sezviya zvatanga  
tajaira kuita tiri kwasekuru Dzaka asi  
zvemusi uyu zvanga zvanyanyisa uye  
hapana anga achanyara umwe.

Hana yangu yakange yorova nekutya asi  
mumoyo ndaida kufadza mudiwa  
wangu, akazoita zvekutendeuka  
nemuviri wese achisimuka pamakumbo  
angu. Akandipusha zvinyoro nyoro

kusvika ndarara nemusana padombo  
pataiva,pairatidza kurarika zvakanaka  
nekuti ranga rakakura dombo  
racho.Ndakaona kuti zvino achisvika  
chaipo paanga achida,ndakaruma  
mazino angu ndikavhara maziso  
ndichimirira kunzwa kurwadziwa  
ndakatora nguva ndakadaro ndikanzwa  
hapana zvandaitwa uye pamusoro  
pangu painge pasisina munhu.  
Ndakavhura maziso angu zvishoma  
nezvishoma ndikaona Tapiwa amira  
akaita kutsamwa maoko ake akabata  
muchiuho.

Ini: "Ko nhayi mudiwa wangu  
wandishoreiko asi watyawo kurwadziwa  
here? inga tabvumirana wani kuti  
tinofanira kutokwinya zvino ukatetera  
zvakadayi iwe uchida kundiroora  
unozokunda kundirwira kuvavengi  
iwe,tose tirivaviri tiri vadzidzwa  
vetsambo hapana akambozwiita futi.

Haana kundidavira akaridza tsamwa  
ndobva anyarara,ndakasimuka  
pandainge ndakarara apa hameno  
zvandainge ndongonzwa munyama  
dzangu zvaitondituma kunyanya kuda

Tapiwa.Ndakasvika ndakamubata  
pamafudze ake nemaoko ese;

Ini: Ndinokumbirisawo utaure neni  
Tapiwa,asi uchiri kufunga zvekutsvagwa  
nemachinda kwauri kuitwa kani?Ndiri  
pano inini Thelma uya wawaigara  
uchiona kuhope ino inguva yako yekuita  
zvaunoda neni.

Tapiwa: Haiwawo usada kundiita fuza  
rako wanzwa kaa, zuva riya  
ndakakuvhunza kuti uri munhu here iwe?  
ukandinyepera asi nhasi ndazvionera

ndega kuti ndirikudanana nezveusiku  
chaizvo uye hakuna munhukadzi akaita  
sewe. kunyangwe ndisina zvangu  
kumboita musiswa asi pataitamba  
mahumbwe ndichiri pwere ndainatsa  
kuona zvese uye ndakaongorora chimiro  
chemunhukadzi sezvo taitamba tisina  
kupfeka.Chindiudza kuti unodeyiko  
kwandiri ini ndingori Tapiwa zvake asina  
chaainacho chingondiuraya hako  
zvipere.

Ndakaseka nematauriro a Tapiwa

aitaura zvekuti handisi munhu ndaive ndamuita sei? Kubudirwa ndaibudirwa asi Tapiwa ainge asati ambondiona ndakabudirwa nezvekwedu saka apa ndaishaya kuti sei avakutaura zvakadai kwandiri.

Ini: Mugomo muno hatisi kuzodzika tisina kuita sechibvumirano chedu ukada kutanga kundirwadzisa zvichangotanga kudai kuzoti pamberi apo zvinozodini? dzoka pano upedzise zvatatanga kana tichityora mutemo hazvina basa tinobva tangotiza uye kwatichatizira tinenge tiri vaviri.

Tapiwa: Ndisiye zvangu ndaona ruware  
rwoga pamakumbo pako hapana nzira  
saka unoda ndidii? saka kuchimbuzi  
kwaunosiinda unozvifambisasei  
ndatsvanzvadzira asi hapana kana  
nechiripo.

Ndakabva ndaziva zvaireva,chokwadi  
mudzimu wakange wandigona ivo  
vakambondipireiwo mudzimu pandiri  
yaive mhosva ndeyekuti ndiri mwana  
wamambo here? Ndakabatwa neshungu



ndikatanga kuchema ndakabva  
ndarangerira mashoko atete vangu  
pavaitaura neni mazuva avo ekufa ava  
pedyo asi ndaiva ndichiri muduku;

— "Thelma aya ndiwo mashoko angu  
ekugumisira asi  
umachengetedze. hakuna murume  
anofanira kurara newe nekuti wako  
murume chaiye akada kuzviita nguva  
isati yakwana haana  
chaanoona. Anofana kutanga auya  
kugomo nevakuru kana akange asina  
kuchecheudzwa ndizvo zvinofanirwa

kutanga kuitwa izvozvo. baba vako  
namai vako vasati vamuziva.Kana  
akadaro anofana kubvisa mombe  
yekutanga inotsika irinhema votaura  
nevadzimu ndiko kuti nzira yako  
ionekwe ukasadaro haambofe aiona  
nzira anongoona gwenga roga  
roga.Zviripauri zvinosema huchapa  
chero zvikanzi wabatsira munhu  
usazotarisira muripo kutenda  
ndekwewedenga usavharwa kumeso  
nekuda pfuma yepasi pano unofa uri  
mavhevhe. Chengetedza makomo  
maviri aya ndiwe uchava mai vowo gara  
semuyanansi usazoti uyu ndiye we  
kwangu nekuti murume wako achava  
mutongi mukuru uye gore

raachagachidzwa umambo dunhu rake  
richaita maguta asati amboitika izvo  
zvichapa kuti Zimbabwe yese iuye  
kuzopemha zvekudya kwauri.\_

Ndichipedza kufunga kudaro  
ndakazvirova ndikazvituka  
nechemumoyo ndichizvibvunza kuti ko  
chii chaizvo chandanga ndichida kuita.  
Ndakatarisa kuna Tapiwa wanike naye  
anenge auva akangonditarisa nguva  
yese yandaifunga asi chiso chake  
chairatidza kunditya. Ndakazoshamiswa

ndakunzwa ndanyoroveswa  
pamakumbo angu zvakandinetsa kuti  
mvura yacho yaibvepi. kunodai wanike  
Tapiwa aitozviitira wiwi akangoti tuzu  
uku hana yake yainzwika  
kurova.Ndakatora hembe dzangu  
ndobva ndapfeka,ndaiti zvimwe Tapiwa  
achapfekawo dzake asi akangoramba  
akamira kunge munhu anamira  
ndakabva ndamuzunungusa  
nduchimutaudza.

Ini: "Ko kuzoti dayi waiona zvandinoona  
ini waisvika papi." Haana futi

chaakapindura ndipo pandakaona kuti  
zviripo chete zvaitoitika  
paari.Ndakapfungama ndakatarira  
kumadokero ndobva ndatanga  
kudetemba ndichiombera kune vepasai  
ndichizvituka uye ndichivakumbira kuti  
vasunungure Tapiwa nekuti haana  
mhosva.Pane zvandakanzwa munyama  
dzangu ndikaziva kuti vepasi vanzwisisa  
ndipo pandakasimuka ndikadzokera  
pedyo naye ndakaona ava  
kundimbundira ndobva ati;

Tapiwa: Ndinotenda nekundinunura  
kwawaita Thelma wandidzosa ndava  
kure kure uye kunzvimbo yacho

ndaingoona rima rega rega,chirega  
ndipfeke hembe ndobva ndavesa moto  
inzwa mhuka dzesango dzakunzwika  
kuchema.

Takavesa moto wedu ndokuvata  
takambundirana nemudiwa wangu, pane  
nguva yandakapepuka ndikaona pataive  
takavata pakagara varume vatatu  
vaitotaura zvavo nyaya ndakada  
kubvunza kuti ndimi vanani asi  
ndakatsimbirirwa nehope ndikavata futi  
handina kupepuka kusvika kwaedza.

Ndakaoneka mudiwa wangu  
ndichidzokera kumba ndakasvika vanhu  
vachiri vakavata asi machinda  
aingotenderera nemusha,zvairatidza kuti  
varikuita basa ravo nemazvo  
kuchengetedza muzinda wamambo.  
Ndakabva ndateverera nemadziro  
ndokupinda mumba mangu mandaivata  
uye hapana akandiona. Kunze  
kwakazochena kuti hwee zuva ratobuda  
mambo akazotuma jinda rake kuti  
rindisheedze, ndakaenda ndokusvika  
vakagara nasekuru Dzaka.Zviso zvavo  
zvainge zvisingawirirani. uye painge  
pakagadzikwa sekuru Dzaka zviratidza

kuti vaipomerwa mhosva, handina  
wandakakwazisa kana kutaudza  
ndakangogara hangu pasi ndakadekara  
ndakamirira kutaura kwa mambo.

Mambo: Ruvheneko zvandakudana  
rwungwanani rwuno ndati uzvipindurire  
nyaya dziri pano muri mose na sekuru  
vako ava ndakanzwa kuti makachengeta  
mhandu mudunhu rino. uye iwewe  
hauchabve kwasekuru machinda angu  
anokuona nguva dzaunopinda mumba  
makuseni ega ega munenge muchiiteiko.



Ini: Zvamuri imi munoono zvirikumhepo  
mapedzerei nguva yenyu muchitidana  
maingonotendeka pane mhandu  
yacho. Sekuziva kwedu mambo haape  
nzeve nyaya isina chokwadi. Musaedze  
varikumhepo munorohwa neshamhu  
inorwadza. ko nhaiwe Nembudziya  
zvandakakuti uchava mai vematunhu  
kureva kuti dunhu rako richave  
nevapoteri. ko iro svikiro remudunhu asi  
rave kurapa vemudunhu rino bedzi here  
bva kana zvirizvo ini Ruvheneko  
handichabvumidzwi ka kufamba  
nedunhu nguva dzeusiku ndichiongorora  
kuti vazukuru vangu vakagara  
zvakanaka here?

Mambo: VaRuvheneko tazviona  
makatsamwa nechekare kwamurikubva  
kutsvene here? Chidzorai hasha  
patadzika mukatirova neshamhu  
tingaparara aiwa panzwikwa ticharega  
kudzitetekera dzemadziro dzimwe  
nguva dzeve dzedu dzinonzwa uye  
pfungwa dzozvitora nepasipo.

Ndakazongoti pembenu ndikaona  
ndakagara pasi ndakapfunya rusero.  
Sekuru vakagara vakanditarisa

ndakatyora huso hwangu ndo kusimuka  
ndakananga muimba yangu yekuvata  
asi nyaya dzose dzaitaurwa ndaidzinzwa.

Mambo : nhayi vasekuru zvino  
mwanasikana wangu zvaabve zera  
nguva yake yekuti achinge ave nemba  
yadarika gore riya mudzimu wakati  
acharoorwa nemwana waMujinga .  
zvino zvaasina mwana wacho tichapaita  
sei,nekuti ndirikuona kunge ndizvo  
zvimwe futi zvirikupa Ruvheneko

hasha,gore raanga akataurirwa kuti  
achabuda munhanga ndiro rino saka  
parizvino handisisina zano.

Sekuru: "musazvidya moyo nambo  
wangu, mudzimu wakataura chasara  
kuzadzikiswa mazuva arikusvedera"

Vakati vachipedzerana kutaura sekuru  
ndobva vaenda, ndakasara ndakaseka  
hangu baba vangu vaida mukuwasha  
chokwadi dayi vaiziva kuti mukuwasha  
wavo agere pedyo navo havazi  
vambozvinetsa zvakadaro.Mazuva  
akafamba ndichivigira Tapiwa sadza

mugomo maanga ava kugara, zuva  
retatu ndakazosheedzwa nasekuru  
Dzaka kumba kwavo achitori  
masikati,ndakasvika ndobva ndapinzwa  
mukadumba kavo vakati;

"Ndakudana muzukuru,ndoda kuti nhasi  
manheru undотора murume wako  
tichaenda naye tondomuchecheudza  
nekuti ndakatomuona kare kuti haana  
kugara achecheudzwa udiki hwake  
semunhu akakura irinherera uye  
vakamurera vacho havazirivo vabereki  
vake.

Ini: Sekuru makazviziva sei izvi,mabva  
mandirangaridza mumwe murume  
akambondishanyira rungwanani.....

Sekuru: Shiiiiiii nyarara muzuru  
zvaurikuda kutaura izvozvo  
hazvita urwi,ndinoona zvese muzukuru  
saka iwewe chiita zvandakuudza  
manheru toita zvose zvichadiwa,ndine  
vakuru vandichaenda navo uye  
ndichandomusiya kugomo ikoko. iwewe  
haufani kuendako kusvika  
azodzika,pane chiratidzo chaachaona

zuva repiri nekwaauri chiratidzo ichi  
chichaitika tobva taziva kuti Tapiwa  
abvumiwa nevadzimu. Asi kana  
chiratidzo ichi chakasaitika kwauri  
chikaitika kuna Tapiwa chete kureva kuti  
anenge asiri iye murume wako vadzimu  
vanenge vamuramba.

Ini: Ehoni sekuru zvakanakai ndichaenda  
ndondomutora sekutaura kwamaita.

Ndakazosimuka ndavakudzokera kumba

ndobva ndaswera mumba mangu  
kusvika zuva radoka.Ndakazobuda  
ndikaenda kugomo kwanga kune  
mumwe wangu ndobva ndatomuwana  
zvangu achitoridza mbira pamwe chete  
nekuimba. Ndakamboita kanguva  
ndisati ndasvika paainge ari  
ndichinakirwa zvangu nezvaairidza.

Ndakazosvika paanga ari  
ndichitomuomberera maoko sezvo anga  
ava kunatso kugona kudziridza  
zveunyadzvi chaizvo, paakangondiona  
akabva ati;



"Mudiwa chirega hako kuzvitambudza nekukwira gomo zuva nezuva .ndine rwendo rwandichafamba runoda mwedzi wose asi ndichadzoka hangu kana ndikafambiswa zvakanaka."

Ini: Handikurambidzi rwendo rwako kana wabvumirwa nemoyo wako uye vadzimu vako unogona kuenda asi nhasi ndatumwa kuzokutora nasekuru hanzi ndiuye newe ndisakusiya.

Tapiwa: Asi vavakuda kundiita zviya zvekundicherechedza kani.

Ini: Kunonzi kuchecheudzwa kwete  
kucherechedzwa,ko wakaudzwa nani  
zvekuchecheudzwa.

Tapiwa: Naivo sekuru asi ndirikutya dai  
ndisina kuita zvekuzoroteswa handizi  
ndaibvuma ini.

Akadaro Tapiwa avakutofamba kuti  
tiende,takadzika gomo redu ndobva  
tananga kwasekuru.Takasvika  
vatotimirira saka havana zvizhinji

zvavakataura kunze kwekutora tapiwa  
vakaenda naye.

Ndakasara ndikadzokera kumba kwangu  
ndobva ndasvikira kurara,ndakatanga  
kurota ndichitaura neumwe murume asi  
aiva akavanza uso hwake;

"iwe mwana wanditambudza unoda  
kundifumura nezera rako iwe iwe manje  
munondiona"

Ini: Zvizameyi muone kuti handitye ndine  
vakuru vari pandiri ndivozve  
vanondirwira. saka musandityira dayi  
manga muri mumwe maregera kubata  
bata ndaona zvakonzeresa hurwere  
kuna mambo wenyu.

"Chero akafa hatina basa nazvo anenge  
agonera ndiye watiri kuda"

Ndakapepuka ndichidaidzira kuti  
mambo wangu ndakashaya kuziva kuti  
zvaireveiko. ndakabva ndatobuda usiku  
ihwohwo ndakananga kwa Sekuru  
ndakavaona vakagara pamusiwo  
wemba yavo vakabva vati.

"Dzokerai mukunda wamambo  
makachengeta hope dzenyu  
muchaudzwa dudziro yadzo rimwe zuva.  
nhasi ndikakuudzai muvengi akateya  
nzeve manga musingarote asi zvanga  
zvichitoitika. Usacheuka kusvika vasvika  
pamuzinda wamambo." Ndakaita

saizvozvo asi ndichisvika ndakaona  
varume vaviri vaive vakapfeka nhumbi  
dzekurwisa uye vakapfugama  
pamusuwo wangu.....

End of chapter 13

We love you all

[04/10, 10:02] +27 61 092 1330: \_\*MY

ENEMIES BECOME FRIENDS\*\_ † ♂

† ♂ ♂ ♂ ♂

† ♂

\_\*WRITTEN BY\*\_

DR KD MAZANI

+27 84 048 8648

TAMARI MURENGA

+263 71 276 8826

AND

PATIE

+27836691280

<https://chat.whatsapp.com/JQII593ENT9CYK9IkqAdku>



**\*LAST FREE CHAPTER\***

**\*CHAPTER\* 1      5**

**\_\*CHIRADZA\*\_**

"Chiradza maitiro ako awava kuita handichaanzwisise muno mudunhu,ko sei wamhanyira kuti Staben ishukuviri usati wanzwa nyaya yacho kuti ndeyei apa uchiratidza kuvhundukira kunge une zvaunoziva zvawakafimbika muhana uchitya kuti zvinobuda?"

Vakadaro mambo vakavhura maziso avo zvairatidza kuti vakagumbuka uku vakamisa chipfuva mudenga kunge mhakure inoda kuruma munhu.Hana yangu haina kumira kurova,ndakatanga ndambotura befu ndobva ndazopindura

ndichiratidza kuzvininipisa pamberi  
patenzi wangu.

Ini: Aiwa mambo wangu handina kana  
chimwe zvacho chandakapfimbika  
muhana yangu,inga munozviziva wani  
kubvira kare zvamakandipa basa iri kuti  
hapana kumbobvira pane chiitiko  
chaitika mudunhu ndichiziva ndorega  
kukusumai sezvazviri.Ndinofunga kana  
pane zvamakaudzwa naStaben  
chingondirumaiwo nzeve murege  
kugumbuka zvakadaro.

Mambo: Handingaregi kugumbuka  
nekuti nezuro pawakaperedza vatumwa  
vaNembudziya wakanonoka  
kudzoka,ukandiudza kuti wambenge  
uchifamba nedunhu uchiongorora saka  
sei usina kuziva kuti Bwaga akaponda  
mukadzi wake akauraya?

Ini: Hezvo zvaari mashura nhai tenzi  
wangu,ndakapfuura napo pamusha  
paBwaga ndikawana pakati dii pasina  
kana munhu.Ruregerero mambo wangu  
chiregai ndofunga akatohwanda  
akazvipfigira mumba andiona,chiregai

ndimhanye mhanye nemuzinda ruchiri  
rungwanani kudai ndiudze machinda  
andomutora pamwe chete nekuita  
zvinoita kuti pawane anondozivisa hama  
dzemukadzi.

Mambo: Zvose izvo zvakaitwa naStaben  
madeko,uye chirikundishamisa ndecheti  
urikuti hauna kuona munhu pamba pake,  
asi izvi zvakaitika nguva yacho  
yawaifamba nedunhu.Bwaga wacho  
kutura kudai akabatwa ava kuda  
kutotiza,changosara chete ndechekuti  
tichengete mufi kana hama dzake  
dzauya tapedza tozopa Bwaga mutongo  
wake unoenderana nekuuraya kwaakaita.

Ndakarwadziwa kusvika pakupedzisira  
ndichizvibvunza kuti ko sei Staben ava  
kumira mira mberi kwangu achitanga  
kusvitsa nyaya kuna mambo asati  
atanga nekwandiri sezvaaita  
kare.Chekumuita panga pasina  
ndakangokuvarira mukati sesokisi  
nekuti ndakatya kuti ndikaenda kumba  
kwake kundomurwisa aigona kutsamwa  
akazosvika pakunditengesha.

Ini: Shuwa ndine hurombo

mambo,ndoda kuti ndimhanye  
kundotenda Staben nebasa guru  
raakaita.Ndiko kushandidzana  
kwakanaka uku manje ini ndanga  
ndafunga nepasipo ndikati zvimwe auya  
akasvibisa zita rangu.Zvino ndisingazivi  
pamwe ndamhanyisa asi ndaida kuziva  
kuti sezvo munhu watakanga takavimba  
kuti ndiye achazova mambo sekutaura  
kwamakaita zvino zvaakafa saka ndeipi  
imwe pfungwa yamava nayo?

Mambo: Izvozvo tichazotaura nezvazvo  
kana tapedza hurongwa hwedoro  
zvichida vadzimu vanogona kutionesa  
nepamwe.

Ndakaita kupererwa chaiko nemhinduro  
yamambo,kureva kuti  
vaisatombozvifunga zvekuzosiira ini  
basa.Takazotaura dzimwe nyaya asi  
ndaive nekakutya kuti ko musu wacho  
watichaenda kumapa ko vanhu  
vakafunga kushandisa nzira yekusango  
kwataiva takaviga zvipfuyo zva Tapiwa  
chii chaizoitika. Ndakatozviudza kuti  
ndaيدا kuzonotarisa kuti zvakanga  
zvichiriko here pasina azvitora. Kana  
zvekuramba ndichiita nyaya na mambo



ndakaona kuti zvinogona kunditorera  
nguva ndakatooneka ndichiti  
ndichambofamba ndichidzwa zvakange  
zviri kuitika muma misha.

Ndakangotaurira kuti vasazondi tsvage  
kana kuzotuma futi vanhu  
kuzondideedza.

Ndichibva ipapo handina kuda kuenda  
nekumba kwangu ndichinooneka

ndakangotanga kuenda nekune gomo  
randaive ndasiya zvipfuyo. Ndiri munzira  
ndaimboita ndichicheuka kuti hapana  
ainditeerera here asi handina  
wandakaona ndikaziva kuti ndakange  
ndatobudirira. Asi kuti zvipfuyo zvacho  
ndaizoita sei nazvo nekufamba  
kwenguva kuti mambo asazozvione  
ndizvo zvaitondishungurudza nekuda  
kwekuti vamwe vaizviziva saka ndaibva  
ndatobatwa.

Ndichisvika pandakange ndasiya  
zvipfuyo zviye ndakambopukuta maziso  
angu ndichifunga kuti zvimwe ndakange  
ndiri kukanganisa kuona kana kuti  
ndaitove kuhope nezvandaiona kumberi  
kwangu. Ini ndaiziva kuti ndakange  
ndakapfigira zvipfuyo kwete mhuka  
dzandakazoona dzirimo mumatanga  
aya. Ndakange ndasiya ndapfigira  
zvipfuyo asi mudanga remombe  
maitove neshumba membudzi mune  
mapere.

Handina kuda kumira pakadaro nekuti  
ndakatoona kuti zvakange zvisina  
kumira mushe ndikaita chitsoka  
ndibereke ndichimhanyisana nemhepo .  
Ndakatombedonha nguva yandakanzwa  
kuchema kwebere nguva yandaimhanya  
ndichienda nekusiko pandaive ndakuti  
ndidzoke nditore nzira chaiyo.

Ndakatora nguva ndiri panzvimbo imwe chete ndichingotenderera kuri kushaya kwekuti ndiende nako ndakazopedzisira ndazvidzikamisa ndikaita zvinoitwa kana munhu vadzimaizwa kuti ukwanise kuona kwekuenda nako ndipo ndakazokwanisa kudzika mugomo muye. Handina kuda kuenda kumba nekuti kwaisaendeka ndisina kutanga ndabvunzira kuna sekuru vekusvikirwa ndakatoona kuti ndivo vega vaikwanisa kunditsanangudzira pakange pasisina chekuti ndovavanzira nekuti vaiziva zvese.

Ndichisvika kumba kwavo handina  
kumirira kuti vandidaire ndakangopinda  
ndichimhanya nekuti ndaitononokerwa  
kut ndiudzwe kuti zvakange zvafamba  
sei kuti zvizosvika pakudaro kuti  
zvipfuyo zvizochinja kuita mhuka  
dzesango. Pfungwa yekuti pane munhu  
mupenyu akange azvichinja  
zvakandirambira nekuti zvaisaitika  
chero nani zvake nekuda kwekuti aiwe  
nemasimba.

sekuru... " Nhai chiradza seiko uchiita  
kunge mwana mudiki iwe .chii chanetsa  
chinoita kuti upinde uchimhanya mumba  
mangu zvakamboitika kupi izvozvo asi  
pane zvaitika here"

Vakazotaura kudaro asi ndakange  
ndatogara ndakatsikitsira pasi ndiri

kuedza kufunga kuti asi chii  
chanyatsoitika nekuti ndaitoshaya  
pekutangira ndaifungira kuti pamwe  
vaigona kuzviramba vachiti ndinonyepa  
sezvo zvakange zvisati zvakamboitika  
mudunhu medu kubva ndiri mudiki.  
Ndakazongorovera moyo padombo  
ndikataura zvese zvandakange ndaona  
kwandaive ndaenda asi handina kuda  
kutura kuti ndakange ndazviona kupi  
kana vaizozviona chete zvaisava nebasa  
neni ndaiziva kuti vaisataura nekuda  
kwemari yangu yandaive  
ndakavapa. Vakatanga kurovanisa  
hakata dzavo vachipedza vakambotora  
nguva vakanditarisa ndikazonzwa  
vavakuti:



Sekuru... " Nyaya iripano yakaoma  
vakuru vangu, zvakwamuri kuzvitambira  
kana kusazvitambira. Nemivo mega  
maona zvinhu zvamusati makamboona  
zvichireva kuti pane vasiri kufara nazvo.  
Nhasi ndoda kukuudzai kuti chero  
mukaedza zvakangei hapana  
chamunokwanisa kumuita muridzi  
vezvipfuyo izvozvo kana zvipfuyo zvake  
nekuti chiri paari chihombe kupinda ini  
chaiye. Kutura kwandiri kuita kudai

pane kwaari kutogara hake asi kudzoka kwake kuchaita kuti zvinhu zvakawanda zvichinje. zvimwe zvacho zvichakushamisai dai muri vamwe matatora zvenyu zorororo nekuti muri kuzvigokera moto muziso umabatisise mashoko angu pamwe ini ndinenge ndatongerwa mhosva dzangu dzandakapara. hapana achaziva nekuti ndinoziva kuti vakandimbunyikidza kutaura zvinhu zvekunyepa kuna mambo izvo zvandoziva kuti zvinotsamwisa varikumatenga."

Ndakatoridza tsamwa zvangu  
ndichisumuka asati apedza kutaura  
mudhara uyu nekuti ndakatoona kuti  
zvese zvaitaura kwaive kuri kuda  
kundityisidzira chete pakange pasina  
zvimwe. Manje aisandiziva mushe  
ndakasiya ndatomuudza kuti angoti  
bufu chete ndaizopedzerana naye. chero  
mambo akauya achibvunza zvakangei  
zvine chekuita neni hapana chaizotaura  
zvekumusekerera ndakatoona kuti  
zvaisashanda nekuti apa akange  
avakuda kutondipinda nenyaya yekuti  
inogona kuzonditsitsirira iye osara  
achiita zvaanoda.

Ndakaenda kumba ndakatozviudza kuti  
ndaيدا kuzonozvionera ndega kuti  
ichokwadi here kuti Tapiwa akange ari  
mupenyu paizotumwa vanhu  
nemhinduro chero ndaizonzi ndisare  
ndaisazoshaye chekutura kuti  
ndikwanise kuenda nawo kunoongorora  
nekutapa manzwi. Pamachinda akange  
akatumwa hapana aizotadza kundiudza.

Ndakazosvika kumba kunze kwakange  
kwatosviba ndikatoona mhuri yarara asi  
pakamuka mudzimai wangu ndakanzi  
mambo wati mangwana ndimukire  
mangwanani apa nekuneta  
kwandainyatsonzwa dai pasina kuti  
ndaive ndine nyaya dzangu musi uyu  
ndairamba.

Kuchiedza ndakagadzirira kubuda asi  
ndaive ndanonoka ndakasvika vanhu  
vatozara. Hapana kuzopera nguva nyaya  
yavakanga vaunganidzirwa yakataura  
sekuuya kwayainge yakaita. Hapana  
akada kumbopikisana nazvo. Pakuti  
aizoenda nemhinduro ndiyani ndipo  
pakamboti netsei nekuti ini ndakange  
ndisina kusarudzwa handizive kuti  
nekuda kwei ndakazoita zvekutovaudza  
kuti hazviite paende vasingazive  
nezveko chete asi ndichavaperekedza  
nekuti zvaizogona kunetsa ndipo  
pavakatozoratidza kunzwisisa.

Tiri munzira kuenda ndaitofunga kuti  
chinhwa chaigona kuita kuti ndikwanise  
kuongorora zvandaida kunyepedzera  
kuda mwana wamambo nekuti zvaigona  
kuita kuti ndipinde chero  
nepasingapindwe nevamwe ende  
zvaigona kundiitira nyore apa  
ndakatoona ndabudirira kwete  
zvandaive ndambofunga  
pakutanga. Hongu ndaigona  
kuzongovabvunzavo machinda amambo

acho kana ndazoshaaisa kune mwana  
wamambo.

Tichisvika takatambirwa zvakanaka  
vairatidza mufaro pachiso pavo izvo  
zvakaite ndione kuti ndaigona kubudirira.  
Takakwazisana tichivaremekedza sezvo  
vaive mambo takanga taendeswa  
nemachinda avo kwavaive ndini  
ndakazotanga nenyaya yataive  
tafambira:



"Ishe wangu ndatumwa na mambo wangu mujinga. ndakavamirira vati shoko renyu ndakarinzwa ndikaritambira nevanhu vangu vakaritambira hanzi handisisina chigumbu nemi nekuti makabvuma mhosva dzenyu. Hanzi motiudza kuti zvoitwa zvarini iye chero nguva akasununguka anotoda kunzwa imi pakakusunungikirai."

Mambo..."Zvakanakai ndinotenda chaizvo nerudo rwake ini ndaifunga kuti

masvondo maviri anoteera ayo  
ndofunga tinenge tapedza kugadzirira  
regai nditi varipasi pangu vauye  
tinyatsoronge mazuva acho. sunungukai  
henyu pano takamirira vamwe  
hazvizoite kuti vazoita zvekunzwa chero  
tambozvitii taurei.

Paakadaro ndakatoona kuti ndivo  
vakange uri mukana vekuti nditaure  
naye nezvemwana vake kuti ndakange  
ndapenyera naye pandakamuona apa  
ndaيدا kuedza kuti ndione mukana

wekuti nditsvage zvandiri  
kuda,ndakavaudza kuti "ndinoda kuona  
mukunda wenyu" ndakaona vachiratidza  
kufarira zvandaitaura.

"Sunungukai henyu munokwanisa  
kuenda kunhanga kwake uku  
munomuona ariko. munoenda  
nemachinda angu aya achakuudzai  
zvekuita kana masvikako kuti  
mukwanise kutaura naye pakaita  
chinenge chanetsa munouya kwandiri."

Ndakafadzwa nemashoko amambo  
ndikasiya padiki diki kuti ndizviratidze  
ipapo. Ndakatozviudza kuti kana  
ndaizomuona chete Tapiwa apa ndaida  
kumusiya ndanyatsoona kuti afa zvema  
shuwa here kana kutomufushira ndirini.  
Kana ndaisazonzwa nezvake kwese  
kwandaizobvunza zvaireva kuti  
ndakange ndanyeperwa chete nasekuru  
vachida kuti ndingoomeserwe chete..

Takasvika tikanzi tipfugame pamusuwo

tichiombera achabuda hake mumba  
make asi chakandichamisa ndakazooka  
mhandara sikana yakamira kushure  
kwedu. Pandakatendeuka akabva aona  
chiso changu akaratidza kushamisika;

"Ko murikudei pano, ndiwe ka waida  
kundipaya nebvumo asi unofunga kuti  
ndakukanganwa."

Ini: Muchiona ndauya kudai ndatobva  
nekuna mambo, shuwa ndinoziva  
ndakatadza ndinokumbirawo kuti utaure  
zvaunoda ndiripe.

"Handina chandinoda pauri iwewe,taura zvako zvawafambira ndinzwe."

Ndakabva ndakwenya umwe wangu wandanga ndiinaye kuti abve tisare tirivaviri,akabva asimuka kwakusara ndikakumbira mukunda wamambo kuti ndipinde munhanga make ndobva abvuma.

Ini: Ndinoziva kuti munoziva zvese,ndinokumbirawo kuti mundionese

nekuti ndiri kutsvagana nemuchinda  
anonzi Tapiwa,mambo wangu ati  
arikumuda nekukasika.

"Hehehede,Chiradza ukati haushuri here  
iwe?Handisi kuda kutambisa nguva  
yangu ndichitaura.....imi heyi huyai  
mubudise munhu uyu mumba muno  
ndisati ndagumbuka.Nxaaaa naivo  
mambo vanazvo sei vachikasira  
kuvarairwa zvakadai"

Akadaro avakutotaura ega zvairadza  
kuti haanei nemashoko  
angu.Ndakasimuka ndikakotamisa uso  
hwangu ndobva ndabuda mumba make.

Ndakazodzokera kwanga kuna mambo  
ndikavatenda zvikuru nemukana  
wavanga vandipa wekutura nemwana  
wavo kunyangwe zvazvo tisina  
kuzonzwanana.

Mambo vakapira vanhu nyaya



vakapedza ndobva isu taoneka kuti  
tavakudzokera. Takaperekedzwa  
nemachinda avo, tirimunzira kudaro  
ndakavabvunza kwandingawana  
mushoperi ane mbiri vakabva vati aripo  
wavanoziva ndobva vandiperekedza.

Takasvika pamusha pemukuru uyu  
ndobva ndaombera ndikavapira nyaya  
yangu. ndakavaudza kuti vakandibetsera  
chete nekundizivisa kuna Tapiwa  
ndaizovapa muripo wezvose  
zvavanoda. Vakatangira kuita mashiripiti  
avo ndobva vatora girazi vakatangira  
kuseka vakatarira pagirazi paya.

"Ndiye here munhu waurikutsvaga?"

Vakadaro vachitendeka girazi,ndakabva  
ndaona Tapiwa achiita kukweva  
makumbo achifamba asi kufamba  
kwaaita zvairatidza kuti aneta.

Ini: Hongu ndiye chaiye.

"Saka unoda kuti ndiitasei naye nekuti ndinogona zvese?"

Ini: Ndinoda kuti afe chaiko.

Vakaseka zvavo ndobva vatora banga ravo raipenya vakanditambidza zvikanzi ndibaye girazi iroro ndakanangisa musoro.Ndakaita sekudaro ndichipedza ndakaona mugirazi muya matsvuka

ropa rega rega.

"Hehehehehe yaaaaa tapedza naye uyu  
asi muripo wangu ndinoda mombe  
gumi"

Ndakafara veduwe ndobva ndavaudza  
kuti mombe dzavo ndaizovavigira  
ndimene munguva pfupi  
yaitevera,vakabva vandisungirira kamwe  
katambo muruoko vakati "ukarega chete

kuuya nemombe dzangu  
muchapedzerana netambo iyeyi."

.....

\*End of chapter 15\*

Pdf by chigubhu chigugugu  
+27749726167